





PRESENTED BY

THE LISTER BEQUEST.

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT


Accession Number

Press Mark

REDI, F.
vol. 1

65723/A

XXV



FRANCISCI REDI,

Nobilis Aretini,

LAI

OPUSCULA

VARIA

PHYSIOLOGICA,

TRIBUS VOLUMINIBUS

CONTENTA.



LUGDUNI BATAVORUM,

Apud { THEODORUM HAAK, }
 &
 { SAMUEL: LUCHTMANS. } 1729

FRANCISCI REDII

Notum Notum

OPUSCULA

VARIA

PHYSIOLOGICA

TRIBUS VOLUMINIBUS

CONTINETA



EUGENII BATAVORUM

THEODORUM HAAK, & SAMUEL: LUCHTMANS. 1738



FR. REDT
DE
INSECTIS



FRANCISCI REDI,
Patricii Aretini,
OPUSCULORUM
PARS PRIOR,
five
EXPERIMENTA
circa
GENERATIONEM
INSECTORUM,
Ad Illustrem Virum
CAROLUM DATI,
Accedit
J. FRID. LACHMUND
DE AVE DIOMEDEA
Dissertatio.



LUGDUNI BATAVORUM,
Apud { THEODORUM HAAK, }
 &
 { SAMUEL: LUCHTMANS. } 1729.

E P I S T O L A.

neque si vellem possem. Nemo enim vivit hodie qui Te melius hæc intelligere, aut de iis iudicium rectius ferre possit. Tu enim abditarum totius naturæ rerum cognitionem, non modo plurimis per omnem Germaniam atque Italiam peregrinationibus acquisivisti, sed etiam ad extremos usque Garamantas & Indos excurrere voluisti, ut nihil plane eorum omnium quæ Sol oriens aut occidens rariora videt ignorares. Hæc causa erat, quam ob rem
eam,

EPISTOLA.

eam, quam Tibi mercaturæ Indicæ Præfecti offerebant provinciam avidissime arriperes; neque hunc Tuum impetum turbidæ tot oceanorum, ut ita loquar, procellæ retinere potuerunt. Decem menses in Capite Bonæ-Spei hærens, ipsos deinde octo annos in celeberrimo regno Ceylanico moratus es, & licet Columbi habitandi fixisses domicilium, Cotchinum tamen, Tutecorinum, plurimæque alia Malabarica & Ceylanica loca diligentissime

E P I S T O L A.

peragrafti, nimirum ut minutissima omnia quæ alios fugerunt plane explorata haberes atque cognita. His spoliis onustus thesaurum omnis generis curiositatum locupletissimum atque uberimum reportasti, quibus Physica ac Medicina omnis mirifice illustrari poterit. Quibus vero incrementis & ornamentis non decorasti Musæum hortumque Academicum? Sane quamprimum intellexisti, Illustres Academiae Lugd. Bat. Curatores decrevisse Tibi & ser-

E P I S T O L A.

servasse locum, quem Cl. Vir Arnoldus Syen acerba morte vacuum fecerat, in eo elaborasti unice, ut nemo Te rariora unquam advexisse vere dici posset. Utinam vero, Vir Clarissime, literato orbi diutius non invideres, infinitas illas curiosarum rerum Observationes, præcipue *Museum* illud Tuum *Ceylanicum*, quod opus ætatem profecto feret. Sed bene est; restingues paullo momento sitim nostram Catalogo plantarum horti me-

E P I S T O L A.

dici Lugdunensis, qui nunc
sub prælo sudat: Tametsi
enim series ordine alpha-
betico conscripta sit, omnia
nihilominus ita disposita
sunt, ut facile legenti ap-
pareat ad quam legitimam
speciem quævis planta per-
tineat; qua methodo com-
positum plantarum catalo-
gum nulla adhuc ætas vi-
dit: cui & id præclarum ac-
cedit, ut quas nemo ante
Te descripsit, plantarum ra-
riorum in eodem horto na-
scentium, icones ac expli-
cationes nobis exhibeas ac-
cu-

E P I S T O L A.

curatissimas. Perge ita, Vir
 Literatissime, bene mere-
 ri de publico, & post has
 guttas da nobis obsecro ea
 quæ habes maria. Ego qui-
 dem extare hoc monumen-
 tum volui perpetui mei in
 Te studii & affectus, &
 ut publice testatum face-
 rem quanta me incefferit
 eruditionis Tuæ rarissimæ
 admiratio. Id autem Te
 quæ tua est humanitas non
 ægre laturum mihi persua-
 deo. Vale Vir Clarissime,
 & res Tuas feliciter gere.
 Amstelædami Idibus Janua-
 riis cło Ioc LXXXVI.

OPUSCULA
FRANCISCI REDII
hisce voluminibus contenta.

Volumine Primo:

Experimenta circa generationem Insectorum.
Accedit Appendicis loco: J. F. Lachmund de
ave diomedea dissertatio.

Volumine Secundo:

Experimenta circa varias res naturales, speciatim illas quæ ex Indiis afferuntur.
Observationes de viperis.
Epistola de quibusdam objectionibus contra suas de viperis observationes.
Observationes circa illas guttulas & fila ex vitro, quæ rupta in quacunque sui parte, dissiliunt & comminuuntur.

Secundâ hac editione ita emendata, ut nova plane versio dici mereatur.

FRAN-

FRANCISCUS REDI

*Illustri Viro*CAROLO DATI
S.

DUbi-um nullum est, quin supremus omnium Architectus, ad percipiendas res naturales, rationi sensus externos, quasi totidem fenestras vel portas dederit, per quas illa prospiciat ad contemplandas res; vel res introëant, ut conspiciantur. Quin ut melius dicamus, tribuit quasi totidem speculas, vel exploratores, eo collimantes, ut rerum naturam detegant, & cuncta rationi renuncient, quæ hoc modo excitata, de quavis re judicium suum format, tanto clarius ac certius, quanto sensus saniores, acutiores, & ab omni impedimento liberiores sunt. Quare ut

A

red-

reddantur magis securi, vel accedimus propius, vel à rebus, quas intuemur, recedimus longius, mutando lumen & locum, pluraque alia facimus, ut non visui tantum, sed sensibus etiam reliquis satisfaciamus: idque eum in modum, ut nemo ingenio valens, iudicium rationis de rebus sensibilibus, aliter, quam per hanc facilem, certam, planam, & expeditam priorum sensuum viam requirat: prorsus ut optime mihi dixisse videatur qui nescire se aiebat, quid optione data expetere homo à natura, vel mente quadam superiore potius, quam sensus integros & incorruptos posset.

His utque adeo appositis instrumentis cum instructus sit homo, nemo non videt, quantum à recto tramite deviaturus sit, qui veritatem historiæ naturalis anxie indagando, seposito lumine sensuum, superficiali & levi propriæ mentis perceptioni, vel minus sinceræ aliorum relationi innitens, à ratione iudicium requisiverit, ut quæ à sensibus malè instru-

ctis

Etis decepta, præcipitem & fallacem sententiam pronuntiare possit. Hinc nemo hodie in scholis Philosophorum usque adeo tiro est, ut hanc ab ipsa natura instillatam, & ab antiquorum sapientissimis, atque in Philosophicis rebus bene subactis dictatam sententiam non amplectatur: *rationem, ubi sensus desunt, in hoc negotio, suis ut ita dicam, sustentatam alis longè lateque perlustrare naturam non posse; imò etiam, ubi sensus sequitur, alas breves habere: nec inquirendo plus comprehendere, quam illi apprehendunt.* Quod si usque adeo debilis est, in perscrutandis naturæ secretis, etiam sensuum firmata subfidio, quanto peioris conditionis erit, his destituta præsidiis? Quare, si sensus viam ac regionem non explorant, si quicquid fit in natura minus bene apprehendunt, nec rationi manus porrigunt, quid miri, si vel per præcipitia & tenebras incedat, aut fallaciarum & errorum laqueis involvatur? Atque hoc ipsum in causa est, utut animi fervore potius, quam

magnitudine ingenii studia Philosophiæ secutus sum, cur maximo studio & cura id egerim, ut oculis meis primò, per accuratam & continuam experientiam, satisfacerem, ac tum demum mentis æstimationi philosophandi materiam subministrarem: quâ viâ licet forte ad perfectam aliqujus rei cognitionem non pervenerim, eo tamen deveni, ut multa, quæ novisse me putabam, plane ignorare me sciam: & si quod ab antiquis scriptum, vel à modernis creditum mendacium evidenter detego, dubius animi, atque incertus hæream, & nisi prudenti amicorum consilio suffultus, vix verbum proferre audeam. Hinc pluribus recens factis experimentis circa natales animalium illorum, quæ hætenus nulla non scholarum, casu, & propria virtute, sine ullo semine paterno nasci credidit, cum ipse mihi diffidens, cum aliis ea de re conferendum censerem, ad te mihi confugiendum, *Calore Dati*, putavi, cujus humanitati hunc inter intimæ admissionis amicos locum debeo:

beo: ad te inquam, in quo docti omnes doctrinam summam, à Philosophiaroboratam, & varietate cognitionum summopere excultam ita splendere vident, ut hoc se pretio æstimans Thufcia nostra, nec Latii suos Varrones, nec Græciæ Plutarchos invideat. Quare hoc à te peto ut horis subcivis, has meas literas legere digneris, sed eo animo, ut simul sententiam mihi tuam sincere dicas, & doctissima, ut soles, consilia amice mihi suppedites, quorum subsidio fretus, sublatis quæ superflua aut vana videri poterunt, & adjectis necessariis, ad majorem fortè perfectionem adducere hoc quicquid est operis potero.

Multi crediderunt pulcram hanc universi partem, quam vulgo terram vocamus, statim, ut è manu æterni Opificis exiit, vel qua alia, quam stulte comminiscuntur ratione, exstitit, certa quadam viridi lanugine, primis pilorum in pullis volatiliū & quadrupedum rudimentis non absimili, per se vestitam fuisse, quæ lanugo à

lumine Solis, & ab alimento materno robur & incrementa fumens, sensim in herbas & arbores, alendis animalibus postea productis aptos excreverit. Ajunt, eandem terram progrediendo ab elephanto, vel maximis, ad minimas, & invisibiles bestiolas, omnes animalium species ex visceribus suis produxisse: sed non contentam hac irrationalium generatione hanc ambivisse gloriam, ut ipsi etiam homines, primis illis temporibus, se matrem agnoscerent. Unde Stoici, narrante Lactantio, affirmarunt, è cunctis montibus, collibus, & omni planitie homines prodiisse, haud secus atque fungos. Verum est, aliquos in ea opinione fuisse, non ubi-vis, sed in certa quadam, & determinata parte, vel Provincia eosdem natos; unde Ægyptii, Æthiopes, Phryges suæ regioni; Arcades, Phœnices, & inter Atticæ terræ incolæ Athenienses sibi hanc prærogativam arrogabant, ac si primi parentes humani generis in Græcia, per se, eadem prorsus, qua cicadæ vulgo nasci cre-

creduntur, ratione, ex terra nati essent, in cujus rei signum aureas cicadarum imagines pileis affixas gerebant. Etiam Plato in Menexeno, nec non Diogenes Laërtius in vitis Philosophorum, hanc primæ hominum ex terra generationis gloriam Græciæ tribuunt: Sed ubicunque tandem illi nati fuerint, Archelaus, Anaxagoræ discipulus, docuit, non sterilem terram, nec infelix quodvis sabulum huic rei aptum esse. sed terram requiri calidam, lætam, & germinando naturaliter aptam, quæ pulcem quandam lacti similem, & primi viventium alimenti, seu lactis vices subeuntem subministraret.

Hæc animalia Empedocle & Epicuro testibus, primis mundi diebus promiscue, nulloque servato ordine vel lege ex utero terræ (matris artificii illius generis nondum satis gnaræ) nascebantur. Neque hæc usque adeo absurda opinio illorum duorum modo sapientum, sed multorum etiam aliorum antiquitus, & specialiter Apollonii Rhodii Argonauticorum IV. fuit:

Θῆρες δ' ἔ' θήρεσσιν ἑοικότες ὠμηςῆ-
σιν ,

Οὐδὲ μὲν ἔδ' ἀνδρεσσιν ὁμὸν δέματος ,
ἄλλο δ' αἶπ' ἄλλων

Συμμιχέες μελέων κίον ἀθρόοι· ἢ ὕτε
μῆλα

Ἐκ σαθμῶν ἄλλις εἴσιν ὀπηδεύοντα
νομῆϊ.

Τόις καὶ προτέραις ἐξ ἰλύθ' ἐβλά-
σησε

Χθῶν αὐτῇ μικτοῖσιν ἀρηρεμέναις με-
λέεσσιν.

Id est :

*Fera autem non feris similes imma-
nibus ,*

*Neque quidem viris simile corpus ,
sed aliud ab aliis*

*Permistè membris incedebant nu-
merosa, tanquam oves*

*Ex ovilibus diligenter eum sequentes
pastorem.*

Tales & priores è luto produxit

*Terra ipsa, mistis compositos mem-
bris.*

Ita

Ita ut nonnulla animalia sine ore & brachiis, alia absque oculis & pedibus, quædam mire infertis manibus pedibusque, ventre destituta & capite palparent. Multa capite nascebantur humano, & membris ferinis reliquis. Alia partes anteriores ferinas, posteriores humanas habebant: nec deerant ad illum forte modum facta, ut Poëtæ Minotaurum Cretensem, Sphingem, Chimæram, Sirenes, alatum Persei, & fabulosum Atlantis equum Ariostus describit.

Sed magna parens terra cernens dedolatas istiusmodi monstrosas generationes neque bonas, neque durabiles esse; cum his experimentis multum didicisset, ac jam rudimenta artis depofuisset, homines producebat, & perfecta alia in sua specie animalia: Et homines quidem, ut ait Democritus, minutorum instar vermium nascebantur, paulatim & insensibiliter humanam figuram assumptes; vel ut Anaximander dicebat, ex sinu matris prodibant, corticibus quibusdam inclusi rudibus, &

spinosis, quales sunt ii quibus castanea fructus suos vestire solet, non dissimilibus. Diversa ab hac Epicuri & sequacium doctrina fuit, qui in utero terræ, certis quibusdam tunicis & membranis inclusos fuisse homines, & cætera animalia voluerunt, quibus maturo tempore disruptis, & dilaceratis, omnia nuda, nullo caloris vel frigoris sensu prodiissent, & huc illuc divagando, prima sui alimentam matrem sugendo traxissent: quæ mater terracum mirabilibus istiusmodi generationibus hætenus suffecisset, brevi effoeta, & quasi senio confecta, sterilis facta fuisset, hominibusque & reliquis perfectis animalibus producendis ultra non sufficiens, generandorum animalculorum, muscarum scilicet, vesparum, cicadarum, araneorum, formicarum, scorpionum, omniumque vermiculorum terrestrium, & aëreorum, quæ Græcis *ἐντομα ζῶα*, Latinis *insecta* vocantur, facultatem retinuisset, plantis sponte sua, nullo semine prævio nascentibus. Et in hoc conveniunt

omnes

omnes antiquorum simul & recentium Philosophorum scholæ, constantissime docentes, terram hætenas & produxisse illa, & producturam porro ad interitum usque sui. Nec tamen eundem omnes modum generationis insectorum, nec eandem omnes partem determinant, à qua animæ in eadem deriventur. Dicunt enim, non solum terram, sed animalia etiam omnia, viva pariter & mortua, nec non res omnes à terra productas, omnia denique illa, quæ putredini & corruptioni propiora sunt, hac occulta virtute gaudere. Et causam generationis nonnulli putredinem ipsam; alii naturalem coëctionem adducunt: quibus rationibus multi, pro diversitate sectarum & conceptuum, adjungunt causas alias, quas activas & efficientes vocant: quales, exempli gratia sunt, anima universalis mundi, anima elementorum, ideæ, intelligentia, formarum donatrix, calor corporis putrefacti, calor ambientis aëris, & cæli, ipse etiam motus cæli, & influentiæ superiores.

riores. Nec defuit, qui generationem automatam omnium virtute generatricis facultatis animæ sensitivæ, & vegetabilis factam assereret, cujus tenues reliquæ, aliquamdiu post mortem superantes, & in cadavere animalium vel plantarum habitantes, dum ibidem à debilissimo calore, tanquem vase inclusæ, otiosæ, & quasi sopitæ detinentur, superventu caloris ambientis dispositâ materiâ, animentur, & resuscitatæ, novam corruptæ materiæ vitam, & organa in morem priorum instrumentorum largiuntur. Est alia etiam sapientum secta, quæ pro vero habet talem generationem à minimis quibusdam corpusculis, & aggregatione atomorum oriri, quæ atomorum congregationes omnium omnino rerum semina sint, & hujus seminis omnia plena esse. Et seminis quidem hujus omnia plena esse, multi etiam alii fatentur, dicentes, hujus generis semina in principio mundi à Deo nullibi non sparsa, & disseminata, ad foecundanda elementa, foecunditate non momentanea, &

evanescente, sed perpetua, & quæ
 pari cum elementis passu procedat:
 atque hoc sensu capiendum esse pu-
 tant, quod in sacris literis legitur,
Deum omnia simul creasse. Sed maxi-
 mus etiam nostri seculi Philosophus,
 immortalis ille Gulielmus Harvæus
 certò statuit, rem omnibus animali-
 bus communem esse ex semine nasci,
 non aliter quam ex ovo, sive hoc se-
 men ab animalibus ejusdem speciei,
 sive aliunde casu derivetur & proce-
 dat. *Quippe omnibus viventibus id
 commune est*, inquit, *ut ex semine, seu
 ovo, originem ducant: sive semen illud
 ex aliis ejusdem speciei procedat, sive
 casu aliunde adveniat. Quod enim in
 arte aliquando usu venit, id idem quo-
 que in natura contingit: nempe, ut ea-
 dem casu, sive fortuito eveniant, quæ
 alias ab arte efficiuntur: cujus rei
 (apud Aristotelem) exemplum est sani-
 tas. Similiterque se habet generatio
 (quatenus ex semine) quorumlibet ani-
 malium; sive semen eorum casu adsit,
 sive ab agente univoco ejusdemque ge-
 neris proveniat. Quippe etiam in semi-*

*ne fortuito inest principium generatio-
nis motuum, quod ex se, & per se
ipsum procreet; idemque, quod in ani-
malium congenerum semine reperi-
tur; potens scilicet animal effor-
mare.*

Dixerat autem jam antea, invisibi-
lia hæc semina, quasi atomos per aë-
rem volitantia, à ventis quaquaver-
sum disseminari, & spargi, utut non
declaraverit, unde, & à quo originem
suam habeant: id tantum credidisse
ex supradictis verbis colligi posse vi-
detur, semina hæc fortuita, per aërem
volitantia, & à ventis dispersa, pro-
cedere & nasci, ab agente, non qui-
dem univoco, ut cum scholis loqua-
mur, sed æquivoco: & melius forte,
solidiusque, & magis perspicue opi-
nionem suam declarasset, nisi per ci-
vilium bellorum tumultus ei, cum
deplorabili Reipublicæ Philosophicæ
damno surreptæ fuissent quampluri-
mæ observationes, quas circa hanc
materiam collegerat, notaveratque:
Multis tamen durum, & creditu dif-
ficile videbitur, Harvæum non aber-
rasse

rasse à Icopo, cum obstinate affirmant, causam efficientem procreatricem insectorum naturaliter demonstrari non posse: unde subtilissimus Philosophorum præteriti temporis, cum eandem in hoc mundo frustra quæsiuisset, eo devenit, ut diceret, causam, quæ generationem insectorum immediate promovet, atque in disposita materia animas eorundem producit, non aliam esse, quam omnipotentem manum illius, cujus sapientia nihil non transcendit, id est Dei optimi maximi, à quo pariter cunctis volatilibus infusam esse animam, Ennii opinio fuit, si Varro ni credendum est, libro quarto de lingua Latina, scribenti: *Ova parere solet genus pennis condecoratum; non animas, ut ait Ennius.* Et postea: *Inde venit divinitus pullis insinuans se ipsa anima.* Quare alii subjungunt, mirum non esse, quod Galenus in suis libris modeste fatetur, se nunquam eandem potuisse invenire, ideoque Philosophos omnes rogatos voluit, ut si quo casu in eam inciderent, id sibi

ibi significarent: nec tamen eo minus, contra opinionem Platoniorum, fatetur, se animum inducere non posse, ut credat, potentiam illam, & sapientiam, quæ animalia perfecta producere novit, eandem esse, cum illa, quæ sese demittit ad formandum scorpiones, muscas, vermes, lumbricos, & illius generis insecta alia, quæ à Scholasticis imperfecta vocantur. Quæ inter tot opiniones vera, aut veritati proxima sit, dicere non aſſim; atque adeo nec propositi, neque facultatis meæ est, ut hanc litem dirimam; & si id quod credo detego, id sine magno timore non facio, quandoquidem novi veritatem hoc in negotio sæpe ita vicinam mendacio videri, ut qui eam proferre aſſit, haud rarò non aliter ac si mentiretur excipiatur, nullo suo merito.

Quare in hac, atque omni alia re sapientioribus semper primas deferens, ut si qua perperam à me dicentur, ea corrigantur, non reticebo, me sæpius repetitis observationibus eo deductum esse, ut credam, terram,
post

post primas illas plantas, & prima illa animalia, quæ sub ipsa mundi primordia supremi creatoris jussu produxit, per se, nec herbas, nec arbores nec animalia qualiacunque perfecta vel imperfecta produxisse: & quod omnia illa, quæ vel præteritis seculis nata sunt, vel hoc tempore in, vel ex terra nasci videntur, ex semine plantarum reali & vero, nec non ipsorum etiam animalium nascantur, ut quæ mediante semine proprio suas species conservant. Et quanquam singulis fere diebus videamus, ex cadaveribus animalium, nec non ex omni genere herbarum, florum, & fructuum putridorum, & corruptorum vermes nasci infinitos, juxta illud:

*Nonne vides quacunque mora, fluido-
doque calore
Corpora tabescunt, in parva animalia
verti?*

Huc tamen feror, ut credam, omnes hos vermes ex semine paterno generari, & carniū, herbarum, aliarum-

rumque rerum, vel plane putrefactum vel putrescentium, in generatione insectorum, non alias esse partes, nec aliud officium, quam ut locum vel nidum commodum præbeant, in quem ab animalibus cum nendi tempus instat, deferantur vermes, ova, vel quodcunque aliud vermium semen; qui vermes, statim ut nati sunt, in hoc nido alimentum sufficiens, & nutritioni commodissimum inveniunt; & nisi à matribus supradictum semen huc delatum sit, nullum ibi vermem, nunquam inquam, quidquam generari. Et ut hoc, *Carole Dati*, quod dico, verum esse perspicias, de paucis, & maxime vulgaribus, nobisque notis insectis fusius apud te loquar.

Ergo, secundum ea quæ dixi, & quæ antiqui simul & hodierni scriptores, nec non communis vulgi opinio probavit, omnis putredo corrupti cadaveris, & omnis eluvies cujuscunque alterius rei putrefactæ, vermes generat, atque producit: cujus rei veritatem indagare volens,
sub

sub initium mensis Junii tres ex illo genere serpentum, quos angues Æsculapii vocant, interemi, statimque ut mortui erant, in cistulam apertam, ut putrescerent misi: nec multum temporis intercessit, cum eos vermibus conicæ figuræ opertos vidi, nullo pedum, quantum quidem oculo perspicere licebat, apparente vestigio. Hi vermes devorandis his carnibus occupati continuò crescebant, augebaturque, ut videbatur, de die in diem eorundem numerus. Cæterum, utut conicæ omnes figuræ essent, quia tamen diversis nascebantur temporibus, diversæ quoque magnitudinis erant: minores tamen simul & majores, absumpta carne, sed integris adhuc nudis ossibus, per exiguum quoddam cistulæ occlusæ foramen ad unum omnes sese proripuerant, nec indagare unquam potui, ubi locorum sese abscondissent. Ergo majore adhibita cura, ut finem eorundem perspicerem, x-i Junii tres alios ejusdem generis serpentes adhibui, in quibus exacto triduo vermiculos.

culos vidi, quorum numerus & magnitudo continuò crescebat: & omnes quidem unius ejusdemque figuræ, sed coloris erant diversi: majoribus quantum ad exteriora candidum referentibus, cum minores in carneum propenderent. Absumtis carnibus anxie fugam circumspectabant; sed rimis optime clausis observavi, decimonono ejusdem mensis nonnullos ex majoribus æque ac minoribus quasi sopiri, & immobiles reddi. Inde corrugati, & in se collecti, insensibiliter oviformem figuram assumebant, usque dum die vigesimo primo prorsus transformarentur in figuram ovi candidioris: qui tamen color postea in aureum, & paulatim in subrubicundum, tandemque in nonnullis sensim obscurior factus, in nigricantem degenerabat. Ova autem, tam rubicunda, quam nigra, postea quam ad hunc gradum pervenerant, ex mollibus & teneris, ducto cortice, dura & fragilia reddebantur, ut jam aliquam cum chrysalidibus, vel aureliis aut nymphis,

phis, ut vocant, convenientiam habere viderentur, in quas per aliquod temporis spatium bruchi, bombyces, atque id genus alia insecta transformantur. Curiosius ergo cuncta observans, aliquam in ovis rubicundis & nigris quoad figuram differentiam deprehendi: utut enim eadem omnia ratione, ex pluribus quasi annulis simul junctis composita viderentur; annuli tamen illi in nigris quam rubicundis magis exsculpti, magisque conspiciui erant, cum rubicunda quasi polita viderentur, & in altero extremorum certâ quadam exiguâ concavitate destituerentur, quæ in nigris manifesta, & concavitate malorum medicorum, ubi à ramis decerpta sunt, non multum dissimilis erat. Separatis his ovis, unumquodque genus seorsim diverso vase vitreo, chartâ bene munito excepi, & exactis octo diebus ex quocunque ovo rubicundo, rupto putamine, musca prodibat coloris cinerei, torpida, ac veluti stupens, imperfecto adhuc opere, & alis nondum exertis, sed
quæ

quæ intra octavam horæ partem sensim explicatæ, pro modo illius corpusculi, intra idem temporis spatium ad debitam & naturalem partium symmetriam reductæ, ac jam plane formatæ dilatabantur; & musca, deposito livido illo colore cinereo, viridem, maxime vividum, & mirum in modum radiantem assumpserrat, totumque corpus ita increverat, ut impossibile videretur illud exiguo illo putamine comprehendipotuisse. At verò si hæ virides muscæ ex ovis rubicundis octidui spatio excludebantur; ex ovis nigris, non nisi post quatuordecim dierum moram, rudes quædam & nigræ majores muscæ prodibant, albore undulatæ, ventre piloso, & in imo rubente; illius generis, quas per macella & domos quotidie circa mortuas carnes vagari & bombos edere videmus. Cum nascerentur deformes erant, & tardissimæ; alis, id quod viridibus etiam, de quibus supra dictum est, acciderat, non explicatis. Nec tamen nigra illa ova omnia post dies quatuordecim exclude-

cludebantur, sed erant numero plura, quæ in diem usque vigesimum cunctarentur, quo temporis articulo certum genus muscarum prodibat extraordinarium, & à primis duabus generationibus, tam quoad magnitudinem, quam figuram plane diversum, nec à quoquam historicorum, quod ego sciam, descriptum. Muscis enim ordinariis, quæ mensas nostras infestant multo minores sunt, alis volitant argenteis, & quæ modum corporis non excedunt: corpus ipsum prorsus nigrum, coloris ferruginei, politi & circa imum ventrem splendentis est, qua parte corporis formicarum alatarum figuram referunt, raris, & non nisi ope microscopii, conspicuis tenerioribus pilis. Cornua oblonga, vel, ut naturalis historiæ scriptores vocant, antennæ in capite duæ assurgunt. Anteriores quatuor pedes ordinariam in muscis pedum structuram non excedunt, sed posteriores duo multo quam pro tantilli corporis modulo longiores, & magis crassi sunt, & ex materia crustacea, locu-

locustarum marinarum pedibus non dissimili, constant, eundemque, sed magis vividum atque illum in modum rubentem colorem obtinent, ut ipsam etiam cinnabarim superarent, punctisque candidis distinctæ, opus æmulantur ex purissimo ære constans.

Hæ diversæ muscarum generationes, ex uno solo cadavere productæ, meam curiositatem non explerunt, sed instar stimuli mihi fuerunt ad tentandum nova experimenta: & in hunc finem apparatus sex cistulis, sine operculo, in primam misi duos ex prædictis serpentibus, in secundam pullum majorem columbinum, in tertiam duas carnis vitulinæ libras, in quartam frustum equinæ carnis satis magnum, in quintam capum, in sextam cor vervecis, & omnia horarum viginti quatuor, aut paulo majore spatio vermes produxerunt: vermesque, exactis à nativitate sua quinque vel sex diebus, more solito in ova transferunt: & ex serpentinis, coloris rubicundi, & cavitate carentibus,
spatio

spatio dierum duodecim muscæ natæ sunt, aliæ coloris cærulei, aliæ violacei. Ex columbinis carnibus ova alia rubicunda prodierant, alia nigra: & ex rubicundis quidem sub finem octidui muscæ virides; ex nigris vero, die decimo quarto, rupto putamine, in ea ovi parte, ubi cavitas nulla est, totidem nigri culices albo colore undulati prodierunt: eodemque tempore ejusdem generis culices prætextati ex ovis reliquarum carnum nati sunt, hoc tamen discrimine, quod ex corde vervecis, præter prætextatum hoc genus culicum, nonnulli etiam coloris cærulei & violacei nati sint.

Interim ranas aliquot fluminis, excoriatas, vase vitreo excepi, & vase minime clauso, sequenti die cuncta recognoscens, paucos numero vermes inveni, qui ranas depascebant, aliis in fundo vasis, & aqua à carne ranarum destillata natantibus. Die sequenti altero, vermes omnes increverant, natis interea infinitis aliis, qui in aquæ superficie natantes, non-

nunquam emergendō, ex reliquiis ranarum cibum capiebant; quibus bi-
 diu spatio absumtis, natando & lu-
 dendo per foetidum illum liquorem
 ferebantur, & quanquam molles &
 inquinati pedibus destituerentur, ta-
 men attollentes sese subsultabant, &
 serpendo pro lubitu descendentes, ac
 circa vitrum delati aquas repetebant;
 tandem me non animadvertente fa-
 ctum est, ut subsequenti die illos in
 universum omnes, superata altitudi-
 ne vitri, diffugisse viderem. Eo ipso
 tempore pisces aliquot Arni fluminis,
 qui *Barbi* vocantur, cistulæ perfo-
 ratae, cum operculo æque perforato
 inclusi, eaque post quatuor horas
 apertâ, innumerabilem super piscibus
 vermium minutissimorum multitu-
 dinem, & circa juncturas cistulæ in-
 ternas, ipsosque adeo vermiculos af-
 fixam & conglomeratam tenuissimo-
 rum ovorum seriem deprehendi,
 quorum alia candida, alia crocea, cum
 unguibus tererentur, fracto putami-
 ne liquorem mittebant candican-
 tem, albumine ovorum avium subti-
 liorem,

De Generatione Insectorum. 27

liorem, & minus viscosum. Restitutâ in priorem statum, & postero die apertâ cistulâ, vidi, ex ovis illis omnibus natos esse vermes, & vacua liquore putamina, eo quo generata erant hære loco, vermesque illos quos pridie ejus diei videram, duplo majores factos esse. Et quod miraculi instar erat, sequenti die in illam magnitudinem excreverant, ut singuli septem circiter grana penderent, cum antea 25 aut 30 eorundem unius grani pondus non excederent; sed reliqui ex ovis prodeuntes, minutissimi erant, & noctu, ut ita dicam, oculi, citius quicquid erat car-nium in piscibus devorabant, ossibus illum in modum denudatis, ut totidem sceleta esse, & ex diligentissimi totius Europæ Anatomici manibus prodiisse viderentur: & hi vermes, eo loco asservati, unde effugere, vel solícite id quærentes, non poterant, exactis à nativitate eorundem quin-que vel sex diebus, more solito in totidem numero ova transformabantur, ex quibus postea determinato

tempore muscæ prodibant virides, culicesque cærulei, & nigri alii, albo colore undulati: muscæ item aliæ, locustis marinis, & formicis alatis similes, quales supra descripsimus. Præter hæc quatuor genera, octo, vel decem numero muscas ordinarias vidi, quæ mensas nostras circumvolitantes, bombum edunt. Et quia, exacto uno supra vigesimum die, animadverti, ovorum nigrorum aliqua nondum exclusa esse, diversis illa vasis seorsim excepi, & exacto bidui spatio culices prodibant nigri minutissimi, quorum numerus intra aliud biduum ita adaugebatur, ut numerum ovorum quam longissime superaret. Quare aperto vase, & ruptis quinque vel sex ovis, eadem prædictorum culicum illum in modum plena inveni, ut unumquodque putamen minimum 25 vel 30, & sæpius quadraginta culices contineret: continuatisque multoties istiusmodi experimentis, nunc carne cruda, vel cocta, tauri, cervi, asini, bubali, leonis, tigridis, canis, hoedi, agni, damæ, leporis, cuniculi, foricis,

foricis, vel gallinæ, galli Numidici, anseris, anatis, coturnicis, perdicis, graculi, passeris, hirundinis, apodis, vel etiam varii generis piscium, thunniscilicet, acipenseris, piscis gladii, & lamiaæ, soleæ, mugilis, lucii, tincæ, cancrorum marinorum, & fluviatilium, nec non musculorum marinarum conchâ demtâ, semper indistinctè mihi nata est, modo hæc, modo illa species prædictarum muscarum, & quandoque ex uno solo animali omne memoratum genus muscarum simul, & multæ præterea aliæ generationes culicum, nigri coloris: quorum nonnulli usque adeo minuti erant, ut oculis eos assequi vix possem: & semper super his carnibus, & super his piscibus, & circa foramina cistularum, non vermes modo vidi, sed, ut supra dictum est, ova etiam, ex quibus vermes nascuntur. Atque hæc ova in memoriam mihi revocarunt stercorea, quæ à muscis super carnibus & piscibus excernuntur, ex quibus postea vermes nascuntur, id quod optime notatum est à

compilatoribus vocabularii Academiae nostrae, & pariter observatur à venatoribus in feris æstivo tempore captis, nec non à macellariis, & mulierculis, quæ ut carnes per æstatem ab his sordibus conservent, in muscarium illas recondunt, aut linteis candidis cooperiunt. Unde non sine ratione Homerus, libro decimo nono Iliados, Achillem introducit, metuentem, ne dum vindictam in Hectorem pararet, muscæ vermibus inficerent vulnera demortui Patrocli, δαΐδω inquit, cum Thetide loquens:

Δαΐδω, μή μοι τόφρα Μενoitίς ἄλ-
κιμον ἦδ' ὄν

Μῆ αἰ καδδῶσιν καὶ χαλκοτύπῃς ὠ-
τειλάσ

Εὐλαὶς ἐλγείνωνται, αἰκίωσι δὲ νε-
κρόν·

Ἐκ δ' αἰὼν πέφαται, καὶ δὲ χρόα
πάντα σαπείη.

Id est:

*Timco, ne mihi interea Menætii
fortem filium*

Mu-

De Generatione Insectorum. 31

Muscæ ingressæ in impressa ære vulnera,

Vermes generent, deturpentque cadaver:

(Vita autem adempta est) inque corpore omnia putrescant.

Quare pia mater eidem promisit, divina sua potentia abacturam sese ab illo cadavere importunum hoc muscarum examen: & contra ordinem naturæ per integrum anni spatium illud incorruptum servaturam:

Τέκνον, μή τοι ταῦτα κτ' Φρεσὶ σῇσι
μελόντων.

Τῷ μὲν ἐγὼ πειρήσω ἀλαλκεῖν ἄγρια
Φῦλα,

Μυῖας, αἱ ῥά τε Φῶτας ἀρῆϊφάτους
κατέδυσιν.

Ἦν περ γ' οὐ καί τι γε τελεσφόρον εἰς
ἐνιαυτὸν,

Αἰεὶ τῷ δ' ἔσται χερὼς ἔμπεδος, ἥ
καὶ ἀρείων.

Id est:

B 4

Fili,

*Fili, ne hæc menti tuæ sint curæ,
Ab hoc quidem ego conabor arcere
improba examina,
Muscas, quæ viros bello necatos so-
medunt.
Et si enim jaceret solidum per an-
num,
Semper huic erit corpus integrum,
vel etiam melius.*

Hinc dubitare cœpi, utrum omne hoc vermium in carne genus, ex solo muscarum semine, an ex ipsis putrefactis carnibus oriretur: tantoque magis confirmabar in hoc meo dubio, quanto in omnibus generationibus, meâ operâ factis, sæpius videram, in carnibus, antea quam verminare inciperent, resedisse ejusdem speciei muscas, cujus propago postea nascebatur. Sed vana fuisset, nullo experimento firmata dubitatio. Quare medio mense Julio, in lagenas quatuor, orificiî amplioris, misi serpentes unum, pisces aliquot fluviales, anguillas Arni fluminis quatuor, & fru-

frustum lactantis vitulinæ; occlusis-
que postea, & optime obfignatis char-
tâ & funiculo orificiis, in lagenas
quasque, tantundem prædictarum
rerum demissi, non occlusis orificiis:
nec multum temporis abiit, quin pi-
sces & carnes horum vasorum reli-
quæ verminare inciperent; muscis,
cum luberet, intrantibus & exeunti-
bus. At vero, in lagenis occlusis nul-
lum unquam vermem natum vidi,
utut non unus mensis abierit, ex quo
cadavera immissa in eas erant. Non-
nunquam tamen foris, in charta, ex-
crementorum aliquid, vel vermicu-
lus inveniebatur, qui omni conatu &
solicitudine id agebat, ut inventâ ali-
quâ rimâ, intrare in lagenam, & vi-
ctum sibi quærere posset, omnibus,
quæ intus erant, jam putrefactis, &
corruptis: piscibusque ipsis præter
spinas, in aquam fœculentam & tur-
bidam conversis, quæ sensim resi-
dens, tandem clara & limpidâ redde-
batur, natantibus in superficie qui-
busdam pinguedinis liquefactæ gut-
tis. Ex serpente etiam multum aquæ

prodiit, non dissoluto cadavere, id quod servato eodem colore integrum & illæsum permanſit, haud ſecus ac ſi heri recens occluſum eſſet. Anguillæ contra minimum aquæ dabant: ſed intumeſcentes, & inflatæ, deperditâ ſenſim figurâ in maſſam quali glutinoſam, vel gluten ſatis tenax & viſcoſum abibant. At vero vitulina, per multas ſeptimanas arida permanſit & ſicca. Nec tamen hoc ſolo experimento contentus fui, ſed diverſis temporibus & vâſis infinita alia ejusmodi experimenta ſumſi. Et ne quid intentatum prætermitterem, non ſemel aliquot fruſtra carnis ſub terra ſepeliri & humo optime contegi curavi, nullis unquam, poſt plurimum ſeptimanarum in terramoram, generatis vermibus; cum carnes reliquæ omnes, in quibus muſcæ deſederant, vermes produxiſſent. Et maxime dignum conſideratione eſt, quod in teſtina trium caporum, quæ menſe Junio in cucurbitam vitream, colli ſatis longi, & aperti conjeceram, ibidem verminarint; & cum vermes
exire,

exire, propter nimiam altitudinem colli, non possent, recidentes in fundum cucurbitæ, & ibidem morientes, muscis cibi & nidi loco fuerint, ubi non per omne modo æstatis tempus, sed in exeuntem usque Octobrem vermes produxerunt. Fuit etiam, cum non exiguam vermium, in bubalina carne generatorum, copiam, necari, & partim in vase clauso, partim in aperto seponi curarem: & in vase quidem clauso nihil unquam generabatur: at vero in altero illo vermes nascebantur, qui in ova transmutati, tandem in muscas ordinarias abibant: idemque prorsus accidit, cæsis non minima copia muscis ordinariis, eademque ratione sepositis. Etenim in vase clauso nihil unquam natum vidi, at vero in vase aperto vermes nascebantur, ex quibus, in ova transmutatis, muscæ prodibant, ejusdem cum illis speciei, ex quibus nati erant vermes. Hinc facile conjecturam capere poteris, doctissimum, & quavis laude dignissimum P. Athanasium Kircherum hallucinatum esse, cum libro

duodecimo Mundi subterranei experimentū proponit, generandi muscas ex earundem cadaveribus. *Muscarum cadavera*, inquit Vir Doctissimus, collige, eaque prius aquā mellitā nonnihil macerata supra laminam æneam impone, deinde laminam chymico more supra cinerem aut arenam calore lento, carbonibus suppositis, aut etiam fimo equino tepesactam expone, & videbis primò microscopii ope insensibiles quosdam vermiculos nasci, deinde alis assumptis sensibiliter in muscillas, & tandem sensim crescentes in perfectas muscas animari. Ego vero mihi persuadeo, aquam mellitam tantum intervire alliciendis viventibus muscis, ut his cadaveribus pastæ, semen suum in illis relinquant: & parum aut nihil referre puto, an vase æreo excepta cadavera, ad tepidum calorem cinerum admoveantur, nec ne. Etenim semper, & in omni loco ex cadaveribus vermes, ex vermibus muscæ nascentur; tantum ut à muscis ipsis vermes, aut vermium semina generata sint. Ego jam non capio, quo-

quomodo hi, à Kircherò descripti subtilissimi vermes, in parvas muscas convertantur, antequam per aliquot dies in ova transierint: & multo minus capio, (ingenue confiteor ignorantiam meam) quomodo hæ muscæ, cum usque adeo exili corpore nascantur, postea increcant. Etenim omnes muscæ, culices, & papiliones, ut millies vidi, ea magnitudine ex ovis suis prodeunt, quam toto vitæ decursu servant. Sed quam hoc solo experimento, male considerato, muscarum renatarum, ex cadaveribus muscarum, gauderent, vel, ut ita dicam, sese efferrent, qui suaviter sibi persuaferunt, mediante fermentatione, vel quo alio simili, aut alieniore labore, ex carne humana posse resuscitari homines. In ea opinione sum, maximi id illis fundamenti loco futurum, & ubi id gloriose & jactanter enarrassent, exclamatueros illos esse, Phœnicem fatentibus omnibus Philosophis ex cineribus suis renasci. Hinc forte ad capiendum incredibile illud experimentum, à non uno ha-

etenus tentatum, sese composuissent, sicut jam ante nugatorie loquentes audivi. Sed operæ pretium non est, ridiculas illorum nugas refutasse: Etenim, ut Martialis ait,

*Turpe est difficiles habere nugas,
Et stultus labor est ineptiarum.*

Idque tanto magis, quanto celeberrimus P. Athanasius Kircherus, libro undecimo Mundi subterranei, præclare, & solidis rationibus refutavit stultitiam nugatoris Paracelsi, qui copiose admodum docere voluit, ridiculam methodum, generandi homunciones, in vasis Chemicorum. Magis me offendunt, qui altissimum fidei Christianæ, de corporum resurrectione, mysterium, ex his & similibus nugis atque conjecturis æstimant. Ex eorum numero Georgius Pisida, homo Græcus est, qui resurrectionem corporum urget, adducto exemplo Phœnicis: & inclytus famâ, ac celeberrimus Dominus Digbi, exemplo cancrorum marinorum, qui

qui ex suo sale, Chemice præparato renascuntur. At sancta illa, & profunda fidei nostræ mysteria, ab humano ingenio comprehendi non possunt, nec pari passu cum naturalibus causis ambulant, sed specialia & mirabilia opera Dei sunt, quem si omnipotentem credimus, reliqua omnia facillime, & clausis oculis credi possunt & debent, & oculis clausis credita melius intelliguntur.

Sed missâ hac longâ digressionem, ut ad propositum redeamus, necessum est, ut tibi dicam, quanquam sufficienter mihi videbar quasi manibus palpasse, ex carnibus animalium mortuorum, nisi ab aliis viventibus animalibus semen afferatur, nullos vermes generari; me tamen ut omnis tolleretur dubitatio, nec locus esset oppositioni, quam quis occasione vaporum occlusorum formare poterat, ac si aër ambiens nec intrare, nec exire, nec innovare sese libere posset, aliud experimentum tentandum duxisse. Misi carnes & pisces in vas capacissimum, & ut aër eo penetrare posset,

posset, vas ipsum, subtilissimo velo Neapolitano obferatum, in arculam, arcendis muscis aptam, & ejusdem generis velo Neapolitano obductam, inclusi: nec tamen super his carnibus, & super his piscibus, vel unicus vermis visus est: non raro tamen plures in superiore veli & arculæ facie circumvagari videbantur, qui odore carnum illecti, quandoque per subtilissima foramina expansi veli in arculam penetrabant, & si quis segnior in eximendis illis fuisset, forte in vas ipsum penetraissent; tanto studio & industria id agebant, ut per vim eò devenirent. Aliquando observavi, duos vermes, posteaquam primum velum feliciter transmiserant, & jam in secundo, quo orificium vasis occludebatur, hærerent, tanto nisu id egisse, ut jam dimidia parte corporis velum illud secundum pertransierint, & parum aberat, quin carnibus illis sese explevissent. Et jucundissima res erat, interea vidisse, muscas majores circumcirca volitando, & bombum edendo, per vices super
pri-

primo velo residere, ibidemque vermes deponere: & animadverti harum muscarum aliquam sex septemve vermes singulis vicibus ibi reliquisse; aliam in aëre, antequam velum tetigisset, eos emisisse. Atque hæc fortassis illius generis fuerunt, de quo Scaliger narrat, fortuito sibi evenisse, ut musca major ab ipso capta, eidem intra manum exiguos aliquot vermes relinqueret: & hinc ille argumentatur, muscas generaliter omnes, non ova, sed vermes generare viventes: sed quam egregiè doctissimus ille vir falsus sit, ex iis, quæ supra dicta sunt, sufficienter apparet. Et certe, muscarum aliquot genera vivos vermes pariunt, reliquis non nisi ova deponentibus: cujus rei certiore me fecit experientia, & factum ipsum. Nec me ullo modo convincit, magni alioqui ponderis, sapientissimi Patris, Honorati Fabri, Societatis Jesu, testimonium, qui vir contrarium ejus quod Scaliger affirmabat statuit, libro de generatione animalium: nimirum, muscas semper ova, nunquam vermes

mes parere. Et fieri sane potest, (quod neque nego, neque affirmo) ut eadem muscarum species nonnunquam ova, & aliquando vermes producat, & quod naturâ suâ forte semper ova parerent, nisi anni tempus calidius aliud in corpore produceret, vermes scilicet vivos, & se moventes, ut millies vidi.

Fallitur similiter accuratissimus Johannes Sperlingius, in sua Zoologia scribens, hos vermes, non à muscis ipsis generari, sed ex stercore earundem nasci: & ut rationem reddat, subjungit falsam hypothesein: *Ratio hujus rei animis candidis obscura esse nequit: muscæ enim omnia liguriunt, vermiumque materiam una cum cibo ipso assumunt, assumtantque per alvum reddunt.* Non observavit Sperlingius, id quod observare quivis potest, nimirum in muscis ovarium in duas cellas divisum esse, quarum unâ ova, excrementum alterâ continentur, sed ita ut utraque per communem quendam canaliculum excernantur, atque incredibili copia: nonnullæ

nullæ enim muscæ virides usque ad-
eo foecundæ sunt, ut quælibet illa-
rum ducenta ova reddere possit. Er-
ravit itaque Sperlingius, credendo
vermes muscarum ex stercore earun-
dem nasci. Sed cum Sperlingio forte
etiam erravit doctissimus P. Athana-
sius Kircherus, qui opinionem fovet,
à Sperlingii opinione non multum
diversam. Nec minus, quam hi cele-
berrimi scriptores, à vero abit, Vir
Doctissimus, & mihi charissimus, qui
muscæ, telæ involutam, ad quem-
vis aranei morsum vermem excer-
nere videns, in eam devenit opinio-
nem, morsum aranei illam habere
virtutem & potentiam, ut corpora
muscarum verminare faciat.

Ergo, secundum ea quæ dixi, nul-
lum corpus mortuum verminat.
Quomodo ergo verum esse poterit,
quod scriptores referunt, apes ex car-
nibus tauri putrefactis nasci, ideoque
à Græcis, referente Varrone, vocatas
esse *βρυόνας*. Nugæ sunt, antiquitus
casu ab hoc vel illò inventæ, & ab
aliis postea pro veris habitæ, ac non
sine

fine additamento aliquo in literas relatæ: neque enim autores eundem omnes modum hujus miraculosæ generationis proponunt, nec ipsis inter se satis convenit. Columella nolle sese temporis jacturam facere declarat, Celso adhærens, qui nunquam interitum genus apum, ideoque supervacuum credidit, in taurorum visceribus illas quærere. Mago tamen, à Columella citatus, solum tauri ventrem ad hoc opus sufficere docet: & Plinius adjungit, necessum esse, ut fimo tegatur. Antigonus Caristius, in suo opere mirabilium narrationum, integrum juvenecum sub terra sepeliri voluit, ita tamen, ut cornua emineant, ex quibus, suo tempore resectis, apes (ut ipse quidem dicit) prodeant. Antigono maximam partem Ovidius libro primo fastorum adhæret:

*Qua, dixit, repares arte requiris
apes?*

*Obrue macerati corpus tellure juven-
ei;*

Quod

Quod petis à nobis, obrutus ille dabit.

*Fussa facit pastor, fervent examina
putri*

*De bove: mille animas una necata
dedit.*

Varro, libro secundo & tertio de Re Rustica, non declarat, an necessario sepeliendus sit juvencus, vel sufficiat eundem supra terram putrescere, nec Columella hoc dicit, non magis quam Ælianus, libro secundo hystoriæ animalium: & Galenus capite quinto, illius libri, quo quæritur, *sintne animalia, quæ utero continentur*, tacet. Virgilius tamen Georgicorum quarto, sub finem, in ea opinione fuisse videtur, ac si necessaria sepultura non sit, sed sufficiat eundem in sylvis & libero aëre relinqui.

Quattuor eximios præstanti corpore
tauros,

Qui tibi nunc viridis depascunt
summa Lycæi,

*Delige, & intacta totidem cervice
juvencas.*

Quat-

*Quattuor his aras alta ad delubra
 Dearum
 Constitue, & sacrum jugulis demitte
 cruorem,
 Corporaque ipsa boum frondoso de-
 sere luco.*

Et successive :

*Post, ubi nona suos Aurora induxe-
 rat ortus,
 Inferias Orphei mittit, lucumque
 revisit.
 Heic verò subitum, ac dictu mirabi-
 le, monstrum
 Adspiciunt : liquefacta boum per vi-
 scera toto
 Stridere apes utero, & ruptis effe-
 vere costis,
 Immensasque trahi nubes : jamque
 arbore summa
 Confluere, & lentis uvam demittere
 ramis.*

Nec multo ante dixerat, necessum
 esse, ut locus eligeretur muro septus,
 & coopertus.

Exi-

Exiguus primum, atque ipsos con-
tractus ad usus

Eligitur locus: hunc angustique im-
brice tecti,

Parietibusque premunt arctis, &
quattuor addunt,

Quattuor à ventis obliqua luce fe-
nestras.

Sed Juba Lybiæ Rex, apud Florentinum, libro decimoquinto Institutionum Agriculturæ, attributarum Constantino Pogonato Imperatori, vitulum in arcam ligneam includi voluit: quod tamen Florentinus, ut videtur, non approbavit, sed Democritum, Varronem, & Virgilium secutus, affirmat, hoc opus perficiendum esse, in domo, hunc in finem specialiter præparata: & modum ejus rei, de die in diem, à principio ad finem usque describit. Inde subjungit, plebeculam, vel vulgum apum, ex tauri carnibus nasci: sed Regulos, in cerebro & spinali medulla generari: majores tamen, pulchriores, & magis fortes esse, qui ex cere-

cerebro prodeunt. At vero, quoad numerum dierum, quibus opus hoc absolvitur, quam longissime abit à Virgilio, qui non nisi novem dies requirit, cum ille ad triginta duos ascendat: Et Joannes Ruccellaius, in elegantissimo suo carmine de apibus, silentio hanc rem transigit, utut reliqua hujus magisterii diffuse describebat, quæ apud eum legi possunt.

Non defuerunt inter Græcos & Latinos Poëtas, qui hanc apum nativitatem memorarunt, ut inter alios Philetas Cous, Ptolemæi Philadelphi magister, Archelaus Atheniensis, vel Milesius, citatus à Varrone, Philo Tarsensis, in descriptione celeberrimi sui antidoti, Georgius Pisida, Nicander, & belle admodum Ovidius, libro decimo quinto Metamorphoseos:

*I quoque, delectos mactatos obrue
tauros:*

*(Cognita res usu) de putri viscere
passim*

Flo-

*Florilega nascuntur apes, quæ more
parentum*

*Rura colunt, operique favent, in
spemque laborant.*

Idque multi etiam confirmant, qui
soluta oratione scripserunt, inter
quos videndus est Origenes, Plutar-
chus in vita Cleomenis secundi,
Philo Judæus, in tractatu de victi-
nis: & his antiquis adhærent om-
nes Philologi & Philosophi moder-
ni, fabulam hanc pro vero admi-
tentes, & huic fundamento sæpius
maximas machinas imponere conan-
tes. Quin sublimis ille scriptor, &
nostri seculi fulgidissimum lumen
Petrus Gassendus hoc pro vero nar-
rat, & quia observaverat Virgilium
præcipere, ut talis operatio principio
Veris, & antea quam herbæ flores
producant, fiat:

*Hoc geritur, Zephyris primam im-
pellentibus undas,*

*Ante no vis ru'beant quam prata co-
loribus: ante*

C

Gar-

Garrula quam tignis nidum suspendat hirundo;

optima ratione niti hoc monitum ait, cum juvencus, eo tempore, herbis vivat, vario semine gravidis, ex quo semine postea flores prodiissent. Et subjicit, eundem Virgilium & Florentinum non minus rectè præcipere, ut mortuus juvencus strato ex cassia & thymo imponatur: cum cassia & thymus semina contineant, generationi apum aptissima, quæ plane spirituosæ, & odorifera, penetrando in putredinem cadaveris, illud disponant ad induendam formam industrii illius animalculi.

Multi hanc opinionem imbibebant, è quorum numero sunt Petrus Crescentius, Ulysses Aldrovandus, Fortunius Licetus, Hieronymus Cardanus, Thomas Moufetus, Johannes Jonstonus, Franciscus Oswaldus Grembs, Thomas Bartolinus, Franciscus Follus, inventor illius instrumenti, quo humida & sicca aëris temperies cognoscitur, & curiosissi-

riofissimus Philippus Sachs, qui in
erudita sua Gammarologia totis viri-
bus id agit, ut sententiam illam ceu
veram adstruat: & quanquam Jo-
hannes Baptista Sperlingius sagax
admodum & diligens scriptor, in sua
Zoologia sapienter dixerat, cum
magna & pestifera lue tota armenta
morerentur, in districtu Witten-
bergenfi nunquam visam, nec ob-
servatam fuisse, illam apum factitia-
rum generationem. Sachs tamen,
vocato in subsidium Gerardo Jo-
hanne Vossio libro quarto de Idolo-
latria, respondet, id potuisse eveni-
re, ob frigiditatem illius regionis,
generationi & nutritioni horum vo-
lantium insectorum minus aptæ.
Ipse etiam P. Athanasius Kircherus,
verissimam esse hanc artificiosam a-
pum generationem credit: quin li-
bro duodecimo mundi subterranei
docet, ex stercore bovino vermes
pullulare, instar bruchorum, qui
brevi alas explicantes, in apes trans-
mutentur. An laudatissimus hic au-
tor unquam occulte illius re expe-

rimentum fecerit, nescio: at scio, quod ex stercore bovis, aut alterius cujuscunque animalis, quoties illud in loco aperto detentum à me est, toties semper, tam Veris, quam Æstatis & Autumni tempore, nati sint vermes; & quod ex vermibus prodierint muscæ & culices, non apes. At vero ubi loco ita clauso illud detinui, ut intrare muscæ & culices, & ova sua ponere non possent, nihil omnino natum vidi. Atque hinc evidenter apparet, quam sine ratione Fr. Albertus Germanus, cognomento Magnus, affirmaverit, ex stercore putrefacto muscas nasci.

Sed ut cœptum nostrum persequamur, ad illud redeo, infinitos esse recentiores authores, qui sibi persuadent, apes ex carnibus taurinis vitam trahere. Doctissimus P. Honoratus Faber, in libro de generatione animalium id sibi persuadet, cujus celeberrima opera nulla unquam tenebris obducet oblivio. Possem enumerare plures alios, nisi mihi respondendum esset nonnullorum

lorum calumniis, qui iracundè mihi
oggerunt: decimo quarto capite sa-
cro sancti libri Judicum legi, Samson
in vineis Thamnatæ occidisse leo-
nem, & cum rediens cadaver videre
vellet, invenisse examen apum ibi-
dem mellificantium. Quo inductus
Thomas Moufetus, in suo theatro
insectorum scripsit, apum alias ex
taurina carne nasci, & vocari ταυρο-
γενεῖς, *taurigenas*, iterumque alias
ex carnibus leoninis, & vocari λεον-
τογενεῖς; *leonigenas*, & has omnium
generosissimas esse: atque hinc eye-
nire, ut dum pæternæ semina fero-
ciæ illis in præcordia redeunt, intre-
pide, si irritentur, ipsos etiam homi-
nes invadant, & quodvis magnum
animal interimant, restante Aristote-
le, & Plinio, occisum ab illis equum.
Hinc fortes, maximeque terribiles
inimici, in Sacrosanctis libris com-
parantur cum apibus, specialiter
apud Isaiam: *Sibilabit Dominus api,*
quæ est in terra Assur, id quod Chal-
dæus reddidit: *Dominus vocabit po-*
tentissimos exercitus, qui fortes sunt,

velut apes, & illos conducet de confiniis terræ Assyriæ. Et Rabbi Salomon, explicans hunc locum, dicit: Vocabit apes, id est exercitum hominum fortissimorum, qui velut apes percutiant.

Hanc difficultatem consideravit eruditissimus Samuel Bochartus, parte secunda celebris sui Hierozoi-ci, & sapienter ab illo responsum est, verum esse, quod in leone ab occifore suo inventæ fuerint apes: sed hinc argumentandum non esse, quod ibidem natæ fuerint. Nec facer textus hoc dicit: sed ex sacro textu hoc colligi potest, mortuam hanc bestiam, eo tempore, quo Samson illam videre voluit, non cadaver, ut ita dicam, sed sceleton fuisse, nudatis ab omni carne ossibus: & sceleton intelligi voluit Syriacus interpretes *שׁוֹמֵר* corpus exsiccatum. Subjungit postea idem Bochartus, ex leone bene potuisse fieri aridum & nudum sceleton, cum Samson non redierit ad videndum illum, ut in sacro textu legitur, nisi post dies, id est, post annum: & hunc

nunc modum loquendi, ut *per dies* annus intelligatur, scripturæ sacræ, familiarissimum esse: & docte multa loca allegat, quæ brevitatis causa transmitto. Quod si Samson non nisi post annum rediit ad videndum hoc cadaver, verisimile est, illud tum temporis nihil aliud fuisse quam skeleton, à quo apes non ita abhorrent, ut in eo non mellificent. Testis mihi Herodotus, narrans Onesilum quendam, præcis cervicibus, ab Amathusiis, supra portas Amathuntis statutum fuisse, in cujus cadavere, cum exaruiisset, examen apum favos suos fabricaverit, haud secus atque examen aliud in sepulcro divini Hippocratis, si Sorano credimus in vita ejusdem. Memini, me à Francisco Albergotto non vulgaris eruditionis Viro sæpius audivisse, visum sibi quandoque haud exiguum examen, suspensum à cranio equi.

Aliud hic forte dubium moveri possit; nimirum casu fortassis factum esse, ut apes, depascentes leonis carnes, semen ibi suum reliquerint,

vel vermiculos generaverint, ex quibus postea natæ sint apiculæ, quæ in illo ossium contextu favos mellis fabricaverint, quæ opinio Franzii fuit in historia animalium, ubi de carnibus bovinis agit. Sed respondeo, apes animalia esse fastidiosa, & delicata, quæ carnibus mortuis non modo non vescuntur, sed ne pedem quidem in illis figunt, & supra quàm credi potest easdem averfantur. Sæpius, vario tempore, & diversis in locis ejus rei periculum feci, affigendo frustra carnis supra & circum alvearia, sed nunquam apes accedere ad carnes voluerunt. Quod si id mihi plane credere non vis *Carole Dati*, fidem Aristoteli adhibe, cap. XL. lib. IX. historiæ animalium; credè Varro-
ni, Didymo, qui Varronem exscripsit, Emanu-
eli Phile, homini Græco qui totum ferè opus suum ex Ælia-
no desumpsit, & Michaëlis Curo-
palatæ, vel Michaëlis Balbi, Impe-
ratoris Constantinopolitani tempore
floruit:

καὶ ζῇ μὴ ἀγὼν ἢ σοφὴ χεδόν
βίον,

Ἄγλας δὲ ἔσσαν κεκλιῶν σπαράσσαι-
των.

*Et vivit quidem illa sapiens puram
fere vitam,*

Non gustans mortualia frustra.

& tandem Plinio, qui libro undecimo scriptum reliquit: Omnes carne vescuntur, contra quam apes, quæ nullo unquam corpus attingunt. Sed bonus Plinius, immemor forte eorum quæ scripserat, sibi ipsi contradicendo, capite XIV. libri vigesimi primi refert: Si cibis deesse censeatur apibus, uvas passas, siccasve, ficosque tutas ad fores earum posuisse conveniet. Item lanas tractas madentes passo, aut defruto, aut aqua mulsa. Gallinarum etiam crudas carnes.

Cum considerarem manifestam hanc contradictionem Plinii, sæpius timui, ne libro vigesimo primo aliquis in scriptura error esset: sed hoc dubio liberatus sum: etenim collatis in

hoc loco pluribus celebriorum Italix bibliothecarum in manuscriptis exemplaribus, in omnibus eadem verba constanter inveni: haud aliter atque in antiqua illa editione Romana, anni 1473, & Parmensi, anni 1480, hac tamen differentia, quod impressi omnes habent: *Gallinarum etiam crudas carnes*: cum manuscripti ut plurimum, & observationes Pinciani legant: *Gallinarum etiam nudas carnes*. Utra melior lectio sit, Critici judicabunt. Ego credo Plinium scripsisse *crudas carnes*, idque didicisse a Columella, qui capite decimo quarto libri noni docet, deficiente apum cibo, nonnullis in usu fuisse, ut aves mortuas, non deplumatas, in alvearia immitterent. Verba ejus hæc sunt: *Quidam ex erant interaneis occisas aves intus includunt, quæ tempore hyberno plumis suis delitescuntibus apibus præbent teporem: tum etiam si sunt assumpta cibaria, commode pascuntur esurientes, nec nisi ossa earum relinquunt*. Sed mira res est, ita prurire scriptores, ut alii aliis contradicant:

& hinc forte est, quod Petrus Crescentius voluit, ut apibus fame laborantibus, non caro cruda, sed pulvis gallinaceus affatus apponeretur. Quando (inquit) *mellis inopia laborant, id quod pondere aut visu cognoscitur, si infra introspicias, vel quod melius est, facto foramine supra mediam alvearis partem, & immissa fetuca pura, mel ipsis exhibe, vel pulvum affatum, aut alias carnes.* Ut ergo Plinii dicta constent, crederem apes, nisi inopia & fame laborantes, carnis non vesci, & hoc est, quod Columella prædicto capite de mortuis avis agens, dixit: *Si aut. in favi sufficiant, permanent illibata.* Quin Columella optime noverat, rem forte vanam, & contra naturam apum esse, carnes illis cibi loco exhibere, ideoque subjungit: *Melius tamen nos existimamus, tempore hyberno fame laborantibus, ad ipsos aditus in canaliculis, vel contusam, & aqua madefactam ficum aridam, vel defrutum, aut passum præbere.* Idemque forte crediderunt Varro, Virgilius, & Palladius,

dus, qui deficiente melle nullam carnium apibus subministrandarum mentionem faciunt. Denique, apes diversam à crabronibus & vespis obtinent naturam, quibus frequens est avide gustare, quicquid carnium aut cadaverum illis apponitur, ut sæpius expertus sum: nec edisse contentum est hoc genus insectorum, sed carnes radendo, & particulas aliquot detrahendo, fortassis aliquam secum in nidos suos deferunt: & usque adeo avida sunt hæc animalcula, ut cibi gratia nonnunquam viva animalia aggredi audeant. Et Thomas Moufetus in theatro insectorum narrat, observatum esse in Anglia, crabronem passerem persequentem, & punctim ferientem mortui sanguine sese saturasse. Nec carnibus humanis parcunt: atque inde est, quod Cointus Smirnæus dixit, Græcos in comitatu Neoptolemi descendisse in aciem, haud aliter atque vespæ solent, quando è nidis suis egredientes, carnibus humanis vesci desiderant: & summus ille Poëta, qui in divinis suis

ope

De Generatione Insectorum. 61
operibus ostendit, quid lingua no-
stra posset, & captato argumento per-
modum fabulæ describendi poenas
nonnullorum, qui in introitum in-
ferni dire puniebantur, ait eos nudos
à vespis cruciatos fuisse.

Avidissimæ serpentinarum car-
nium vespæ sunt, & si Plinio fides,
hoc alimento punctiones suas red-
dunt magis venenatas, quod *Alia-
nus* confirmat, capite decimo quin-
to, libri noni, *Historiæ Animalium*,
& capite decimo sexto, libri quinti,
ubi narrat, certatim illas currere ad
inficiendos toxico viperæ mortuæ
aculeos suos: unde humana malitia
didicit veneno inficere sagittas. Et
Ulysses, narrante Homero, in Odis-
sea, navigavit in Ephyram, ut hanc
artem ab illo Mermerida addisceret:
& de Hercule longe ante Ulysssem
narratur, lethiferas eum reddidisse
sagittas suas sanguine Hydræ. Nec
tamen credibile est, punctiones ve-
sparum & crabronum ideo venena-
tas fieri, quod carnibus indifferenter
serpentinis vescuntur: sed tum de-

num id locum habet, ubi aculeum suum immerferunt in pestiferum illum liquorem, qui in vaginis illis, quibus dentes canini in vipera & simili serpentum genere teguntur, absconditus latet, quemadmodum in observationibus meis circa viperas indicavi. Cæterum crabrones & vespas naturaliter istiusmodi malignam inclinationem habere, ut vult Ælianus, id vero ego credere nollem. Theophrastus quemadmodum in fragmento libri, quem *de animalibus quæ invida habentur*, scripsit, (quod in bibliotheca Photii extat) legere est, sapienter affirmat, malignam istiusmodi invidiam in nullum animal cadere quod privatum sit ratione. Si stellio propriam cutem comedit: si vitulus marinus à venatoribus captus coagulum evomit; si equæ de fronte pulli detractum devorant fabulosum Hippomanes; si cervus, quod plane falsum est, dextrum cornu, ubi decidit, sub terra occultat; si linx urinam suam è conspectu hominum subtrahit; si echinus terrestris

inter

inter venatorum manus urinâ se suâ
polluit, ille credit præ timore hoc
ieri, vel ob quam aliam rationem,
ad eorum animalium pertinentem
naturam, non quod hominem per in-
vidiam privare velint excrementis
suis, quæ vulgo creduntur nonnullis
morbis mederi, vel sagarum ridiculis
actionibus inservire. Ad imitatio-
nem Theophrasti dicam, vespas &
crabrones circum cadavera serpen-
tum fremere, non ut aculeos suos ve-
neno inficiant, sed ut corpus cibo re-
ficient: eandemque ob causam ini-
micitias gerere, crabronesque & apes
obstinate se invicem persequi. Nec
tamen ideo minus vespæ floribus pa-
riter & fructibus, tam siccis, quam
recentibus, nec non uvis præsertim
Apianis vivunt, quas avidè devo-
rant, teste Cointo Smirnæo, & Ni-
candro in Alexipharmacis, nec non
experientiâ quotidianâ.

Quod si jam, ut dixi, falsum est,
apes ex putrefactorum taurorum car-
ne nasci, non minus fabulosum erit,
quod nonnulli narrant, nimirum in

Russia

Russia & Podolia certum genus serpentum reperiri, quod lacte nutriatur, & caput atque os habeat anatinum, voceturque *zmija*: hi serpentes corpora viventia in utero gerere, & postea per os parere, vel potius quotannis sensim duo minimum examina apum, linguâ patriâ *zmijoiocki* dicta, evomere dicuntur, quæ apes multum à natura serpentina trahant, & aculeis armatæ sint venenatis, & fere mortiferis. Hæc relatio illis in locis pro verissima habetur, nec desunt, qui vidisse sese hos serpentes dicant: quin & Parisiis quidam Dominus Szizucha, ut in literis suis mihi retulit doctissimus Ægidius Menagius, hanc rem testimonio suo confirmavit. Nec tamen Dominus Menagius ei rei fidem adhibet, (sed posito verum esse, quod hi serpentes per intervalla apes evomant) id ideo evenire verisimiliter arbitratur, quod apes forte, dum melle suffurando occupati sunt, vivas antea deglutierint.

Nihil causa est, ait, cur credamus, apes ea ratione in corpore serpentum
generari

De Generatione Insectorum. 65
generari: & verisimile est, hos serpen-
tes illas cum melle deglutire (nam ma-
xima pars serpentum amat dulcia) &
ubi iisdem punguntur, per vomitum eas
rejicere.

Et forte, quia semel hoc visum &
observatum est, ideo locum fabula
invenit, & apud omnes fidem. Quo-
modocunque sese res habeat, ego
prædictis fabulis etiam hanc, utut
consensu unanimi innumerorum au-
thorum pro vera habeatur, adnume-
ro, quod vespæ & crabrones nativi-
tatem suam debeant certæ carnis pu-
trefactæ speciei.

Antigonus, Plinius, Plutarchus,
Nicander, Ælianus, & Archelaus à
Varrone citatus, docent, vespas ori-
ginem suam debere carnibus equinis.
Virgilius id non de vespis modo, sed
etiam de crabronibus fâtetur. Ovi-
dius de vespis filet; facta solum men-
tione crabronum:

*Pressus humo bellator equus crabro-
nis origo est.*

Thomas Moufetus refert, ex carne
equo.

equorum duriore crabrones, ex tene-
riore vespas nasci. At Græci com-
mentatores in Nicandrum, non car-
nibus, sed pelli hanc virtutem attri-
buunt: hac tamen adjecta conditio-
ne, ut lupo equum dentibus pre-
hensum momorderit. Georgius Pa-
chimerus affirmat, non ex pelle, ne-
que ex carnibus, sed solo cerebro
vespas nasci. Landus crabrones ex
asini cerebro nasci ait. Sed Servius
Grammaticus, omnia invertens, ex
equis fucos, ex asinis vespas, ex mulis
crabrones nasci dixit. Jam quantum
ad vespas, Isidorus id restringit ad so-
lum corium asini: Olimpiodorus ta-
men, Plinius, Cardanus, & Porta vo-
lunt, ex asino fucos & scarabæos
nasci, non vespas. Horus capite vi-
gesimo tertio, libri secundi *Hierogly-
phicorum*, de vespis loquitur, ex carne
crocodili natis: & Antigonus vige-
simo tertio capite historiarum mira-
bilium, ex crocodilo scorpiones ter-
restres sponte nasci, non vespas ait.
An id carnibus hujus serpentis vere
accidat, non dicam, cum experimen-
tum

De Generatione Insectorum. 67
um ejus rei non fecerim, nec factu-
um me hætenus credam: sed hoc
negare non dubitarim, quod expe-
rientia edoctus inveni falsum esse, ex
muli, asini, & equi carnibus insecta
omnia reliqua nasci; atque ita non
minus fabulosum crediderim, ex
mortuo & putrefacto crocodilo ve-
pas oriri & scorpiones. Fabulosum
esse eadem ratione pluribus & diver-
sis experimentis deprehendi, scor-
piones ex cancris marinis, sub terra
sepultis, nasci posse: id quod Fortu-
nius Licetus, Johannes Baptista Por-
ta, Grevinus, Moufetus, Nierem-
bergius, voluerunt, qui nimis cre-
duli hanc doctrinam à Plinio accepe-
runt, & Plinius forte ab Ovidio in
Metamorphosi:

*Concava littoreo demas si brachia
cancro,
Cætera supponas terræ, de parte se-
pulta
Scorpius exhibit, caudaque minabitur
unca.*

Sed

Sed Plinius his Ovidii dictis ad-
jungit, unam illarum conditionum,
quas plebs tanti facit, nimirum, ut
opus hoc peragatur eo ipso tempore,
quo Sol in cancro versatur: *Sole can-
cri signum transeunte, & ipsorum, cum
exanimati sint, corpus transfigurari in
scorpiones, narratur in sicco.* Huic fa-
bulæ ne tantillum quidem fidei attri-
buit Thomas Bartholinus, Vir, con-
sensu omnium annumeratus maxi-
mis & celeberrimis hujus & præte-
riti ævi Medicis & Anatomicis, cum
in literis suis ad eruditissimum Phi-
lippum Jacobum Sachsium constan-
ter affirmet, observasse sese, in tota
Dania, ubi maxima cancerorum ma-
rinorum copia est, ex cadaveribus
eorundem putrefactis, & corruptis,
scorpiones non nasci. At vero Sach-
sius in his Bartholini dictis nullo-
modo acquiescit, sed maxime possi-
bilem esse istiusmodi generationem
credit, subjungens, experimenta in
Daniæ regno capta nihil probare,
cum regiones illæ Septentrionalio-
res sint omni tempore scorpionibus
. desti-

lestitutæ. Ego tamen, pace Viri
Doctissimi, & de bonis litteris bene
meriti, huc feror, ut credam, falli
forte Sachsum, & cum supra memo-
ratis authoribus ipsum etiam fortassis
falli Ovidium & Plinium. Nec ta-
men Plinius contentus fuit, ex can-
cris marinis produxisse scorpiones,
sed præterea etiam voluit, ex ozymo
tuso, si saxo cooperiatur, eosdem na-
sci: eique subsequenti tempore ma-
ximam partem adhæsit Græcus com-
pilator præceptorum agriculturæ,
qui ozymum non sub saxo sepelien-
dum, sed mansum Soli exponendum
docet. Hujus opinionem sequitur
Johannes Baptista Porta. At vero
Matthiolus & Licetus Plinio adhæ-
rent, & ut compendio dicam, recen-
tiorum innumeri alii, & inter illos
Nierembergius, Helmontius, Sach-
sius, & Kircherus huic herbæ odori-
feræ illam virtutem attribuunt, haud
secus atque celeberrimus P. Hono-
ratus Fabri, libro secundo de Plan-
tis, Prop. LXXXIV. qui in ea opi-
nione est, ozymo semen scorpio-
num,

num, simul & dispositionem ad generandum necessariam inesse. Et Wolfgangus Hofferus, à Sachſio in ſua Gammarologia citatus, narrat, aromatarium quendam, peritiorem aliis, in Austria inveniffe rationem artificialiter producendi has formidabiles beſtiolas. Menſe Julio & Auguſto, cum Sol in cancro verſaretur, ozymo optime tuſo ardentem regulam trium digitorum craſſitie inungebat, eamque derepente alia ſimili tegula obtegebat, clauſis optime juncturis luto ex equino ſtercore & ſabulo: quibus peractis tegulam menſis unius ſpatio in cella detinebat, eaque poſt aperta, ſcorpiones inveniebat recens natos, quibus utebatur, in omnibus, ad quæ ſcorpiones in re medica requiruntur.

Inveterata, utut falſa opinio, plurimum in animis hominum poteſt, ut jam mirum non ſit, Jacobum Hollerium maximi nominis Medicum, libro primo Praxeos Medicæ, credidiſſe, Italo cuidam enatum in cerebro ſcorpionem ob nimium odorem ozymi.

Et

Et si Hollerius fidem dedisset illis, quæ de ozymo Galenus libro secundo *de viribus alimentorum* scripsit, non excidissent ei usque adeo incredibiles nugæ. Accuratus magis & providus, ideoque magis commendandus est Johannes Michaël Fehrius, à doctissimo Sachſio in *gammalogia*, citatus, qui cum apud Galenum legisset, ex ozymo nullos generari scorpiones, experimentum ejus rei, servatis omnibus requisitis circumstantiis, capere voluit, & invenit veridicum esse Galenum, & mendaces reliquos: quales etiam sunt omnes illi, qui non solo ozymo, sed à nasturtio etiam aquatico, & quovis ligno fracido & corrupto produci scorpiones affirmant. Fortunius Licetus narrat, Jacobum Antonium Martam Neapolitanum, scorpiones ex terra produxisse, succo cæpæ illam irrigando: & unum ex his, vel aliud huic simile fortassis erat, mirabile illud atque grande secretum, cujus mentionem Avicenna facit. Potiores magni Aristotelis cogitationes fue-

fuerunt, qui scorpiones ex maris & foeminæ conjunctione generatos esse docet, qui ova ut insecta reliqua non pariunt, sed scorpiunculos partiunt, vivos, & in sua specie perfectos: id quod Plinius capite vigesimo quinto libri undecimi, & Ælianus libri sexti capite vigesimo confirmant, & exacte observatum est à Thoma Furenio, & ab eruditissimo Johanne Rhodio in suis observationibus medicinalibus. Ego, dum quod sequeretur aut fugerem nihil erat, experimentum cepi, & allatâ de montibus Pistoia non exiguâ scorpionum copia, foeminas aliquot, quæ magnitudine & crassitie à maribus haud difficulter distinguuntur, selegi, & vigesimo Julii separatim vasis vitreis excepi, nullo eisdem subministrato cibo, quarum nonnullæ ante partum moriebantur, sed una harum quinto Augusti, non undecim scorpiones, ut Plinius credidit, & Aristoteles, sed triginta octo, bene formatos, & coloris candidi & lactei peperit, qui color de die in diem magis
ma-

magisque in ferrugineum mutabatur. Fœmina alia, diverso vasi inclusa, sexto ejusdem mensis, viginti septem ejusdem coloris peperit: & tam hi, quam illi, dorso matris & venter quasi affixi videbantur: ac die decimonono omnes vivebant, morientibus postea quotidie nonnullis, exceptis duobus, qui in quartum usque & vigesimum Augusti diem perdurarunt, eoque exacto & ipsi mortui sunt. Intermedio tempore videre volui, quomodo hæc insecta in utero matris ante partum sese haberent. Quare apertis multis, diversum numerum inveni, nec tamen minorem viceno sexto, nec majorem quadragenario, qui omnes ab oblongo filo dependentes, tenuissima, & quasi invisibili membrana vestiti erant, in qua scorpio unus ab alio, mediante septo quodam, tenuissimi fili speciem referente, optime distinguebatur. Ea occasione deprehendi, minime verum esse, quod Aristoteles & Antigonus Caristius narrant, matres à fœtibus necari: &

D quod

quod Plinius scripsit, matres foetus suos omnes neci dare, uno excepto, qui magis quam alii callidus, in dorsum matris, & eum sese locum recipit, ubi à morfu simul & aculeo caudæ tutus esse possit: & hic ut ajunt, scorpio, ultor fratrum suorum propriam postea genetricem suam perimit. In eo fui, ut observarem, an post primum illum partum eadem mater exactis aliquot diebus editura esset alios, ad exemplum illius, quod Rhodius sibi evenisse narrat, qui magnum eorundem numerum magnitudine lendiculorum vidit; sed adhibita omni diligentia nunquam id mihi contigit videre: & quod plus est, aperto ventre plurium foeminarum gravidarum, nihil ibi inveni, præter candidum illud filum scorpionum ejusdem magnitudinis, & fere semper unius ejusdemque numeri, à viginti sex ad quadraginta. Fieri tamen potuit, ut foeminæ, quas ego præ manibus habui, jam antea multoties pepererint, & ut ego semper in ultimum partum inciderim: quare

e per me cuivis liberum erit, id credere, quod magis placuerit. Nolim tamen, *Carole Dati*, ut credas, eam in Italia nostra scorpionum inopiam fuisse, quam suo tempore fuisse *Plinius* libro undecimo *Historiæ Naturalis* memorat, dicendo: *Sæpe Psylli, qui aliquarum venena terrarum invectus, quæstus sui causa peregrinis malis implere Italiam, hos quoque importare conati sunt: sed vivere intra Siciliæ calis regionem non potuerunt. Visuntur tamen aliquando in Italia, sed innoxii.* Sola enim *Florentia* nunc quidem in conficiendo oleo contra venena singulis annis quadringentas orbundem, & forte plures libras abigit. *Plinium* tamen non sine ratione affirmasse credo, scorpiones, qui in Italia reperiuntur, innoxios & minime venenatos esse, cum milles viderim, rusticos, qui eos diebus canicularibus *Florentiam* venales afferunt, libere eos tractare, & nudis manibus in sacculis repletis versari, nullo, ac ne minimo quidem venenatu, utut sæpius aculeum coron-

dem experiantur: & tamen hi Thulciæ nostræ scorpiones ex illorum numero sunt, qui nodos vel vertebra sex in cauda habent, quos Avicenna magis quam reliquos venenatos esse sensit.

An autem istiusmodi scorpiones dentur, qui plures vel minores quam sex vertebra in cauda habeant, equidem ignoro, cum nullos ejus generis viderim. Id saltem novi, non satis convenire super ea re inter scriptores. Plinius narrat, dari qui septem, dari qui sex internodia habeant, quorum primi, contra quam Avicenna dixit, præ reliquis magis mortiferi sint. Strabo similiter, & Talmudistæ, citati à Samuele Bocharto in Hierozoico, septem vertebra numerant, & Nicander certi cujusdam generis mentionem facere videtur, quod novem vertebra habeat.

Σφόνδυλοι ἑνεαῶδεςμοι ὑπερτεῖρας
κεφαλῆς,

Id est:

Ver-

Vertebra novem juncturarum affligunt magis quam cornu.

Græcus tamen Scholiastes, ut eruditissime observarunt Bochartus, Gortæus, & Aldrovandus vocem ἐννεάδεσμοι idem significare ait, quod ποδύδεσμοι. Postea idem Scholiastes subiungit: Οὐτε ἔν δὲ τὸ ἐννέα δέ-
μους ἔχειν ὥς φησιν Ἀντίγονος, τὸ ἐννεάδεσμοι εἶπεν, ἔτε δὲ τὸ ἐννεασπονδύ-
λως, ὥς φησι Δημήτριος. τὸ σπον-
δύλως ὁ σκόρπιος ἔχει πλείους ἔχων
ἢ πλάτρωται, ἀλλὰ καὶ αὐτὸς σπανίως,
καθὰ φησιν Ἀπολλόδωρος. Id est:
Utitur voce ἐννεάδεσμοι, non quod
scorpiones novem juncturas habeant,
quemadmodum Antigonus ait: nec
quia novem vertebrae habeant, ut
vult Demetrius: nulli enim unquam
scorpiones visi sunt, qui plures quam
septem vertebrae haberent, & hi qui-
dem raro, ut Apollodorus scribit. Et
ut Bochartus has cogitationes Scho-
liastæ prober, plurima ex variis scri-
ptoribus loca adducit, quæ brevitatis

causa transmitto, quando ea apud maximum illum scriptorem sæpius vidisti.

Observabo tamen quemadmodum scorpiones Italiæ, quos ego quidem viderim, sex tantum vertebrae, spondylos five nodos in cauda habent: ita nec Ægyptios plures quam sex habere, ut videre mihi licuit, in illis, quos Magno Duci, Domino meo, anno 1657 ex illis locis transmiserunt. Nec tamen exigua inter Ægyptios & nostrates differentia est: utut enim hi simul & illi coloris sint nigricantis, Ægyptii tamen longe majores, & crassiores sunt, & cum lance pondus exquirerem, inveni Ægyptium exsiccatum, & ab omnibus interaneis mundatum, grana vix quinque; & contra unum ex nostratibus, ante paucos dies mortuum, vix quinque grana pendere: spondyli vel vertebrae in caudis Ægyptiorum unius fere ejusdemque omnes longitudinis & magnitudinis sunt; & si qua inter remotiores à dorso quoad longitudinem differentia est, ea vix sen-

De Generatione Insectorum. 79
insensibilis est. At vero in nostratibus
quinta vertebra, quæ aculeum ante-
cedit, semper alias omnes longitudi-
ne vincit.

Aliam quoque scorpionum, & à
prædictis nonnihil diversam speciem
vidi, quam ad me ex regno Tuneta-
no, ubi nunc moratur, misit, Doctor
Johannes Pagnius, celebris in illustri
Academia Pisana Medicinæ Profes-
sor. Totum hoc regnum Tuncetanum
his scorpionibus, lingua barbarica
Akrab dictis, scatet: sed infinitam
eorundem copiam in exiguo oppido
Kisijan dicto invenies, qui Ægy-
ptios quantitate & longitudine pluri-
mum superant. Duos eorundem vi-
vos libravi, quorum unusquisque
partem uncix quintam attollebat, &
verisimile est, illos ob quatuor men-
sum in ediam contracta macie, pon-
deris quoque jacturam fecisse: nec
tamen deerat ex eorum numero, qui
tres postea menses, nullo cibi genere
usus, exigeret. Color eorundem ex
viridi flavus, dilutior aliquanto & ve-
lut ambra translucidus est, exceptis

aculeo & duabus forcipibus vel che-
lis, quæ coloris sunt magis obscuri,
& Chalcedonii instar opaci : cuspis
tamen aculei semper nigra est. Quan-
doque candidi inveniuntur scorpio-
nes, sed raro nigri. Truncus forci-
pum nodis vel juncturis quatuor
constat. Pedes habent octo, quorum
primi, & trunco forcipum proximi,
omnium brevissimi sunt : secundi
primos, tertii secundos, & quarti
tertios longitudine superant, & radiis
septem constant, quorum reliqui non
nisi sex obtinent. Dorsum totum no-
vem commissuris, annulorum spe-
ciem ut plurimum referentibus ab-
solvitur, & in ea regione, quæ inter
duos truncos forcipum media est, tu-
muli minutissimi duo, nigri, & splen-
dentes eminent. Sub ventre, qui com-
missuris quinque constat, lamellæ
duæ videntur, dentatæ, & ferræ si-
miles, quas ambulans scorpio disten-
dit & dispellit, quasi usui futuras,
haud secus ac si totidem alis instru-
ctus esset. Cauda sex vertebrae, vel
spondylos habet, quorum postremus
acu-

De Generatione Insectorum. 81
cūleum obtinet, grandem, & unci-
atum. Spondyli quinque reliqui in
astigio excavati sunt, & limbrias ha-
rent dentatas; inferius conglobati,
& convexi, lineis quibusdam ex pun-
tis nigricantibus compositis & pro-
uberantibus signati. Hi scorpiones
Tunetani, tam quiescentes, quam
incedentes, caudam arcuatim in-
exam attollunt, id quod commune
est omnibus, unde Tertullianus in
scorpiaco: *Arcuato impetu insir-
rens, hamatile spiculum in summo, tor-
menti ratione restringens.* & Ovidius
Iastorum quarto:

*Scorpius elatae metuendus acumine
cauda.*

Magna inter scriptores controver-
sa est, an acumen aculei foramen ali-
quod habeat, nec ne, per quod tran-
sire humor venenatus pungente scor-
pione possit: & certe acumen hoc
utrumque adeo subtile est & tenue, ut im-
possibile sit oculis dijudicare, an vere
perforatum sit hoc acumen, nec ne.

Galenus libro sexto de locis affectis capite quinto foramen ibi nullum esse dicit. Plinius, Tertullianus, S. Hieronymus, S. Basilius, Ælianus, & Græcus Nicandri scholiasles, Gorræus, Aldrovandus, multique alii moderni econtra pertendunt, scorpiones non ferire tantum cuspide aculei, sed excernere etiam, & in vulnera infundere liquidum quoddam venenum: & Magister Dominicus, Magistri Bandini Aretini filius, scriptor sui temporis ob varia & laboriosa opera celebris, quorum nonnulla manu scripta penes me asservo, affirmat, venenum aculei scorpionis liquorem esse candidum, & tenuissimum. Poëtæ tamen nigrum esse ajunt, & quidam ex eorum numero cantat:

--- *nigrumque gerens in acumine
virus.*

Quare ut de veritate ejus rei mihi constaret, ex plurimis Serenissimi Thuscæ Principis microscopiis duo selegi, à celeberrimis in illa arte viris,

uno

no Romæ, altero in Anglia optime laborata, quorum subsidio fretus, oramen cuspidis aculei scorpionum Tunetanorum, Ægyptiorum & Itæ-
orum detegere conatus sum, sed frustra. Ac si fidem adhibere volu-
issem illis, quæ exquisitissima hæc microscopia mihi, amicisque meis exhibebant, non sine ratione foras-
sen ibi nullum esse affirmassem: sed non contentus vidisse, aculeum scorpionis Tunetani premere occœpi, nullo fructu, cum aculeus durissimus, & substantiæ crustosæ, qualis pocustarum marinarum, tactui non cedat, nec ulla ratione ita comprimi possit, ut quod cavitare aculei continetur foras prodeat. Irritavi scorpionem, ut ferri laminam sæpius percuteret: sed nullum ibi liquoris vel humiditatis signum reliquit. Cætèrum cum in eo essem, ac jam ante-
visissem, ut crederem, veram esse opinionem Galeni, casu accidit, ut in acumine minutissimam & fere invisibilem guttulam aquæ candidæ viderem, qualem postea multoties

vidi, cum irritatus motu scorpio ferire nitebatur. Et hinc colligo, verum esse, quod Ælianus, & Græcus Scholiastes Nicandri dixerunt, affirmantes, aculeum scorpionis usque adeo insensibiliter perforatum esse, ut omnem oculi aciem foraminis illius structura effugiat.

Tempore illo, quo capiendis his experimentis occupatus eram, scorpionum illorum Tunetanorum unus ab alio sociorum suorum ictus occubuit, cujus demortui aculeo quater pectus pulli columbini & achantis percussus, & erant qui morituros illos ab hoc ictu crederent, sed postea animadversum est, hos ictus nihil omnino detrimenti illis attulisse: quamobrem levis apud me sensim enata dubitatio est, an forte immunes à veneno scorpiones etiam Tunetani essent. Supranominatus Doctor Pagnius ad me Tuneto scripsit, Mauros illius regionis constanter affirmare, nullum annum effluere, quin ictu scorpionum haud pauci numero homines intereant, & vene-

num.

hum illorum præsentissimum esse, nec velocissime modo, sed violenter etiam, & non sine gravissimis symptomatibus operari, id quod ante annos aliquot mercator hujus nostræ urbis Petrus de Santis expertus est, qui in pede sinistro ab istiusmodi animalculo percussus, non in parte modo læsa, sed per omnem quoque coxam, ad humerum usque punctiones sensit atrocissimas: & quanquam dolor esset acutissimus, totum tamen latus sinistrum stupere, deperditis viribus conquerebatur, & habet quod Deo gratias agat, quòd post multas in parte læsa scarificationes, & repetitam ex theriaca potionem, qua pes quoque totus inunctus fuit, plurimaque medicamenta alia sanitatem recuperavit. Præterea ad me scribit, barbaris ad averruncandum hoc lethale venenum necessarium videri, & in usu etiam apud illos esse, ut vel secum portent, vel superliminari portarum cujusque domus affixam habeant certam quandam membranaceam atque ex una parte quadra-

tam schedulam, quæ certa aliquot nomina Arabica contineat, & sigillis, quinquangularibusque figuris munita sit. Hoc superstitiosum, vanum, & ridiculum schedulæ antidotum, nec non remedium aliud præsentissimum habitum, & Medicis Africanis usitatissimum, scilicet ut aquam exhibeant in poculis inutilibus ex monocerotis cornu, dubitationem meam auxerunt, sed mutire non audebam contra sententiam, quæ usque adeo altas radices egerat. Recepto tamen animo, scorpionem vivum ita disposui, ut ferire me non posset, eumque vehementer irritatum coëgi quater pectus pulli columbini majoris fortiter percutere, & quod plures mirabantur, nihil pullo mali à veneno obtigit, ut nec pullo gallinaceo, nec catulo ante paucas septimanas nato.

Hic contra me armatam video totam Philosophorum, Medicorum, & Naturalis Historiæ scriptorum sectam, quæ brachia crucis in modum implicando clamat, scorpiones non

minu-

minutas tantum bestiolas occidere, sed ferocissimis etiam, & maximis non parcere, ipso non excepto leone. Et Doctor Kemal Eddin Muhammed Ben-Musa Ben-Isa Eddemiri adjungunt camelum & elephantum. Nonnulli his auditis subridentes, mirum non esse ajunt, si animalia ab hoc scorpione Tunetano percussa non moriantur, cum per quatuor menses & amplius sine cibo in vase occluso perdurans, venenosam qualitatem deponere potuerit. Præterea, cum experimentum Novembri mense cœperim, illud Tertulliani in Africa nati mihi suggerunt, qui de scorpionibus agens, in principio Scorpiaci scriptum reliquit: *Familiare periculi tempus æstas; Austro & Africo sævitia velificat.*

Etiam hoc in memoriam mihi revocant, quod Macrobius Saturnalium primo, capite vigesimo primo dicit: *Scorpius hyeme torpescit, & transacta hac aculeum rursus erigit, vi sua, nullum natura damnum ex hyberno tempore perpeffa; & quod Leo*
Afri-

Africanus narrat, in civitate Africae Pescara scorpiones usque adeo pestiferos & copiosos esse, ut incolæ per ætatis tempora coacti sint locum deferere, nec ante Novembrem redire.

Hæc objectio sapienter fundata, verissima, & experimentis sæpius confirmata est, ut mox tibi referam. Ille ipse scorpio, qui mense Novembri nec pullum columbinum, nec pullum gallinaceum nec catulum veneno infecerat, vitam sine cibo per omne veris tempus produxit, vasi inclusus vitreo magno: & mense Januario usque adeo torpidus evaserat, ut morituum crederem: sed Februuario adventante, utut cibi nihil haberet, vires resumere coepit, & spiritum, nec non fortitudinem membrorum ordinariâ majorem, quæ semper accrescebat. Hinc factum est, ut cum vigesimo tertio Februarii aulam secutus Pisis hærerem, tentandum mihi visum fuerit, utrum venenosam & mortiferam suam malignitatem recepisset, & quia eodem tem-

tempore ad me accesserat Carolus
Maurellus, natione Gallus, sed do-
ctus & expertus Chirurgus, pullo
columbino pennas pectoris ademi,
& iracundo illi ac furenti scorpionem
exhibui, qui partem jam depilatam,
& quasi sanguineam, aculeo ter alte
percussit, ex quo pullus subito vacil-
lare, & frequenter respirando, &
tremendo, quasi amens in gyrum fer-
ri cœpit. Hora decima sexta procu-
buit in terram, nec unquam ad se re-
dire potuit. Inde frequentes convul-
siones passus est, in horam usque de-
cimam octavam, quo tempore co-
xam extendit & pedes, usque adeo
frigidos, ut quoad partes inferiores
jam mortuus videretur: nec tamen
ideo plane cessabant tremitus & con-
vulsiones alarum, sed aliquod etiam
vitæ signum in capite apparebat;
quo in statu permansit, ad horam us-
que vigesimam, & quartas horæ tres,
quo temporis articulo mortuus est,
elapsis, ex quo percussus fuerat, ho-
ris quinque. Statim ut mortuus erat
pullus, ad me venit doctissimus &
cele-

celeberrimus Nicolaus Steno, qui avidus observandi, ut sese viscera & sanguis infecti veneno pulli haberent, mihi suavit, ut sine mora pullum alium scorpioni ferendum, ut feci, exhiberem; qui illum ea ipsa in parte, quâ priorem, sed non deplumatâ, ter percussit: & hic alter pullus intra dimidiam horæ partem occubuit, extensis, ut prior fecerat, coxa & pedibus. Quare statim in duobus aliis periculum feci, qui utut singuli ter percussi essent, præterquam quod non morerentur, nihil etiam mali sentire videbantur.

Quietem scorpioni per totam noctem indulsi, & mane, hora quarta decima, coactus pullum alium percussit. Antea quam eundem percuteret, in cuspide aculei guttulam vidi minutissimam, liquoris candidi, quæ simul cum aculeo carnem penetrabat. Præterea scorpio sponte sua bis pullum percussit, qui exacto horæ spatio certos motus convulsivos expertus, & postea, adductis cruribus & tibiis, hora decima octava mortuus




De Generatione Insectorum. 91
uus est. Nec tamen mortuus est al-
ter, hora decima quinta ejusdem diei;
nec tertius, horis quinque post per-
cussus. Dandum ergo scorpioni ipa-
tium putabam, ut vires recuperaret.
Interim observavi, pullos illos mor-
tuos, non inflatos esse, nec livoris aut
vulneris signa ulla apparere, ipsaque
adeo viscera à naturali suo statu nihil
immutata esse. Sanguis tantummodo
in venis liquidus permanserat, ejus-
que non exigua quantitas in ventri-
culos cordis se receperat, ut jam cor
ipsum vehementer tumidum & in-
flatum videretur, ne minimum qui-
dem immutato naturali colore.

Quare cum mihi certo, infallibi-
liter, & millies probatis experimentis
constaret, tuto edi, quicquid vipera
tetigisset, vel teterrimo Nicotianæ
veneno infectum esset; pullos hos,
veneno scorpionis infectos, pauperi
cuidam dono dedi, qui cælum digito
tetigisse sese putans, avidissime illos
devoravit, & bene sese habuit.

Cum usque in diem sequentem,
qui vigesimus quintus Februarii
fuit,

fuit, quieviffet fcorpio, hora vigefima prima cervam, quinquies circa coftas anteriores, & toties circa nates, qua parte pellis tenerior, & fine pilis eft percuffit, fed nullo cervæ damno: & cum in eo effem, observavi, fcorpionem, cum fponte fua cervam ter percuffiffet, in perforanda cute parum aut nihil profeciffe: ego tamen, quod potui, aculeum per vim adégi. Inde dubitare cœpi, an fcorpionibus Africanis tantum revera virium efferet, ut interimere leones, camelos, & qui cute armatus eft duriffima & craffiffima, elephantum poffent. Quicquid fit, fidem fequor auctorum, qui id fcripferunt; eoque lubentius illos fequor, quod hic meus fcorpio, quo in capiendis experimentis ufus fum, extra nativum folum, in diverfo climate, poft octo menfium inedia defeffus, & male habitus viveret. Accedit etiam hoc, quod dum cervam & pullos alios nullo effectû percuteret, venenofus humor, ex cavitate aculei procedens, omnis fortaffe abfumtus efferet, non
dato





ato spatio, quo reparari potuisset. Et hoc inde confirmabatur, quod in-
equentie die gallinam percussit aqua-
ticam, & pullum columbinum ma-
iorem; moriente nullo: & biduo
post, vigesimo octavo scilicet Fe-
bruarii, duos alios pullos columbi-
nos: & sexto Martii magnam aquilam,
superviventibus aquilâ simul,
& pullis.

Biduo, postquam magnam illam
aquilam pupugerat, mortuum in-
opinato inveni scorpionem; quod-
ipsum in causa fuit, cur certo scire
nequiverim, an post aliquot septima-
narum quietem recuperaturus fuisset
venenum. Nec tamen despero, fu-
turum aliquando, ut de his, aliisque
rebus certior fiam; ac jam missis Tu-
netum, Tripolimque literis, jussi ani-
malculorum illorum mihi plurima
mitti, quorum interim figuram, ad
naturalem magnitudinem delineata-
tam, hic tibi transmittito.

Ut omnia dicam, quæ de scorpio-
nibus experiendo vidi, puerilis fabula
est, quod nonnulli apud Plinium di-
cunt,

cunt, scorpiones mortuos succo ellebori albi madefactos reviviscere; & si decem cancri fluviales fasciculo ozymi alligentur, fore, ut quicquid eo in loco scorpionum est, circa ridiculum hoc incantamentum congregetur, ac si propius accedant, male pereant; narrante Avicenna, scorpionem, si cancer ozymo munitus ad eum accedat, statim mori. *Dicitur, inquit, quod ubi Scorpio Basilicam, seu ozymum caryophyllatum odoratur, illico moriatur.*

Quod falsissimum deprehendens, ad alia experimenta me contuli, & interemtos ad dimidiæ libræ quantitatem scorpiones, ac vase vitreo aperto exceptos, Soli exposui, & brevi verminarunt: vermesque more solito in ova nigra transierunt, ex quibus post dies quatuordecim natæ sunt totidem muscæ, lineis candidis undulatæ. Et quia P. Athanasius Kircherus libro duodecimo Mundi subterranei dixerat, experienciâ constare, ex cadaveribus scorpionum Soli expositis, & aquâ, in qua ozymum

ma-

naceratum sit, madefactis, renasci
scorpiones, iterum iterumque peri-
culum feci, & capto experimento
nunquam non delusus, frustra desi-
deratam hanc scorpionum nativita-
tem expectavi, comparentibus sem-
per muscis: & cum denuo idem ten-
tarem, adhibito urinali destillatorio
optime clauso, cum suo antenitorio,
nec vermes vidi, nec muscas, nec
scorpiones: quo ipso eo magis con-
firmabar in ea opinione, ex cadaveri-
bus animalium, nisi aliunde adducto
semine, nullum animal nasci.

Tum etiam experiri libuit, an ex
anate sub fimo putrefacta vere bufo
generaretur, quemadmodum Johan-
nes Baptista Porta credidit, & facto
ter experimento toties delusus manu
quasi tetigi, eundem Portam, homi-
nem alioqui curiosum & doctum, ni-
mis credulum fuisse; quemadmodum
nimis credulus fuit Theocriti Græ-
cus scholiastes, quando scripsit, ex
cadavere lacertæ viperas solere nasci:
nec minus Arabs Avicenna, affir-
mans, capillos mulieris loco humido
&

& Soli exposito servatos, in serpentes transmutari. Serpentes non aliter quam mediante coitu generari credo: & omnes aliæ serpentum generationes, quas vel beneficio putredinis, vel alia qualicunque ratione scriptores fieri memorant, fabulosæ, & minus verisimiles sunt. Quare vix ad me redeo, cum P. Athanasium Kircherum video, conantem præscribere certum procedendi modum, sibi, ut ipse refert, experientiâ probatum. Accipe, inquit, quoscunque volueris serpentes, quos torrefactos prius in minutissimas partes discindes; has partes terræ uliginosæ committes, quam aqua pluviæ identidem per vas in cribri formam factum irrigabis, atque hoc pacto terram irrigatam Soli Verno expositam relinques; & intra octiduum totam terræ massam in vermiculos primo, qui deinde lacte aqua permixto, & terræ superaffusio incassati, tandem in perfectos serpentes consurgent, qui deinde coitu quoque in infinitum propagari possunt. Subjungit. Hoc me primum docuit serpentis cadauer, quod cum in

cam-

ampo offensum diligenter observas-
 sem, eum infinitis vermiculis circum-
 latum reperi, quorum alii parvi, alii
 majores, alii denique jam apertam ser-
 pentis formam acquisierant: Mihi um-
 amen subinde hujusmodi serpentulis
 muscarum quasdam species commisce-
 ri, quas ego quidem non aliunde, quam
 ex alimenti, quo serpentes frui solent,
 seminio provenire existimarim. Hacten-
 us Kircherus, & ego motus doctis-
 simi hujus scriptoris testimonio, non
 semel ejus rei periculum feci, nun-
 quam comparente hac serpentum
 manufactorum generatione. Et si
 P. Kircherus ruri hoc cadaver ser-
 pentis à vermibus circumdatum vi-
 dit, vermes illi à muscis producti
 erant: & si diversæ magnitudinis
 erant, id ideo evenit, quod uno om-
 nes eodemque tempore nati non
 erant: & si inter hos vermes muscæ
 fremebant, id vel cibi capiendi causa
 factum est, vel quia muscæ illæ re-
 cens ibidem natæ essent. At vero
 serpentes ibi visos esse, ex cadavere
 illo natos, id fidem meam superat.

Plinius id forte sine scrupulo credidisset, qui libro decimo hiltoriæ Naturalis affirmat, serpentes non raro nasci ex spinali medulla hominis demortui: & hanc Plinii opinionem firmavit Ælianus, cum hoc additamento, cadavera requiri hominum facinororum, sceleratorum & impiorum: sed idem Ælianus considerata melius sententia sua, ratione magis sana dubitasse, ac metuuisse videtur, ne commentum sit plane fabulosum. Hoc Plinii & postea Æliani commentum Ovidius libro decimo quinto Metamorphoseos Pythagoræ tribuit:

*Sunt, qui cum clauso putrefacta est
spina sepulchro,
Mutari credant humanas angue
medullas.*

Fortunius Licetus id verum esse censet, & Marcus Aurelius Severinus, capite decimo de vipera Pitia, post Licetum id pro verissimo habet, ubi egregiam & ingeniosam digressionem

onem ea de re instituit, & convenientissimam naturæ hanc generationem esse demonstrat, adductis argumentis, sed quæ maximam partem falsæ hypothese innituntur. Unde confidentissime credo, ex cadavere humano, quod tamen Fortunius Licetus vult, nunquam serpentes vel anguillas, ac ne vermes quidem cujuscunque generis sua sponte nasci.

Nimis audax hoc assertum videbitur, cum in sacris libris ad reprimendum humani ingenii fastum sæpius dicatur, carnem nostram tandem verminibus escæ loco futuram; unde Ecclesiastes capite decimo nono inquit: *Qui se jungit fornicariis, erit nequam; putredo, & vermes hereditabunt illum:* & Isaias capite decimo quarto: *Detracta est ad inferos superbia tua, concidit cadaver tuum, subter te sternetur tineæ, & operimentum tuum erunt vermes* & Hiob capite decimo septimo: *Putredini dixi, pater meus es, mater mea, & soror mea vermibus.* Omnia hæc vera sunt: sed sacer textus loquitur generaliter, nec restringendo

sefe dicit, an hi vermes sponte, & sine paterno semine ex carnibus nostris prodituri, an vero aliunde adventuri sint, ad devorandum illas, vel occasione feminis, ab aliis animalibus eo delati, quod magis probabile & verissimum est, ibidem nascentur. Quod si cui contrarium arrideat, is eadem ratione credat necesse est, non vermes modo, sed tineas etiam, & serpentes, omniaque alia bestiarum genera ex humanis cadaveribus sponte sua nasci, cum apud Ecclesiasticum capite decimo legatur: *Cum morietur homo, hæreditabit serpentes, & bestias, & vermes.* Sed hæ Siracidis minæ eadem ratione qua aliæ apud Jeremiam capite decimo sexto, numero quarto intelligendæ sunt: *Erit cadaver eorum in escam volatilibus cæli, & bestiis terræ: & alibi: Erit morticinium eorum in escam volatilibus cæli & bestiis terra.* Et præter has bestias, etiam elca vermibus erit, ibidem à variis muscarum generationibus productis: & hoc verum esse ex eo evidenter colligitur, quod

De Generatione Insectorum. 101
vermes in universum nihil aliud
nt, quàm ova se moventia, ex qui-
us statim temporibus muscæ nascun-
ar; id quod usque adeo verum est,
t Lucianus in encomio muscæ teste-
ur, ex cadaveribus humanis illas
nasci: ut jam minus credibile sit,
nec firmari ratione possit, quod Ki-
anides de thunni carnibus scripsit,
nimirum easdem, si à mari in littus
Lybiæ ejiciantur, putrescere & ver-
minare, atque hos vermes mutari
primo in muscas, inde in locustas, ac
tandem in coturnices. Nemo hodie
usque adeo exigui & stupidi ingenii
est, ut has nugas non rideat: Ego
certe, qui in rebus naturalibus, ut
nosti, minime omnium credulus au-
dio, sæpius id quod super thunni car-
nibus nascebatur his meis oculis vi-
dere volui, nec quidquam præter
vermes natos vidi, qui postea in varii
generis culices, muscasque mutaban-
tur. Et memini, cum tentare animus
esset, quid oleum, communis inse-
ctorum hostis, alique liquores in ne-
candis his vermibus possent, me

omnium maximos & inter eos aliquot thunno natos elegisse, quorum alios vino Græco, alios aceto, alios succo limonum, nonnullos omphacio aspersi, pluresque alios in oleum immerfi; haud paucos in vasis, saccharo, sale, & nitro repletis inclusi, nullo eorundem mortuo: quin omnes stato tempore in ova nigra, in altera extremitatum concava mutabantur, ex quibus elapsis quatuordecim diebus totidem culices, illius generis, de quibus actum est supra, nati sunt; hoc tamen discrimine, quod omnes in vivis manserunt, exceptis illis, quorum vermes oleo peruncti erant: qui enim ex his nati sunt culices, statim ut ex putamine prodierunt, moriebantur, nonnullis in ipso prodeundi actu succumbentibus. Hinc concludere licuit, verum esse, quod Galenus, Lucianus, Alexander Aphrodisæus, Ulysses Aldrovandus, & Sperlingius dixerunt, muscas oleum degustantes, vel oleo inunctas mori. Et certe, quotiescunque ejus rei periculum feci, expertus sum,

muscam tantillo olei tinctam,
eo ipso momento, quod nemo cre-
at, mori. Et quia Ulysses Aldro-
andus & Sperlingius subjungunt,
muscas illo mortis genere extinctas,
Soli exponantur, aut cineribus ca-
lidis conspergantur, reviviscere, non
tandem mihi his eorum dictis arbi-
rabar, sed eam curiositatem adhibui,
ut propriis oculis experimentum ca-
perem, nec tamen unquam fortuna
mihi ita favit, ut millies repetitis
experimentis vel unicam reviviscere
viderem. Quare, cum apud Ælia-
num, Plinium, Isidorum, & moder-
norum non paucos legissem, hæc ipsa
animaleula in aquis aut quovis alio
liquore suffocata, si radiis solaribus,
& tepido calori cinerum exponan-
tur, reviviscere, veritatis inquiren-
dæ ergo muscas ordinarias octo in
vas vitreum, aquâ, ob immissam gla-
ciem frigidissimâ, non ultra dimi-
diam partem repletum, conjeci, &
exacto horæ unius & dimidiæ spatio
unam illarum submersam fundum
vasis petiisse, & natantium unam.

nonnihil sese movere, vidi, ut vivere eam cerneret, reliquis septem, ut videbatur, plane mortuis. Exemptas ex aqua Soli exposui, & dimidii minuti tempus vixdum intercefferat, cum duæ earundem movere sese cœperunt, & exacto alio momento avolarunt. Ex sex reliquis illa, quæ fundum vasis petierat, nec non ex natantium numero tres aliæ, sub finem trium aut circiter minutorum signa vitæ exhibuerunt, pedes movendo, & exserendo proboscidem, ac jam volutando sese avolaturæ videbantur, cum illas paulo post mors serio deprehendit, nullo amplius exhibito motu, sicut nec reliquæ duæ, quibus octonarius abolvebatur, unquam movisse sese, aut rediisse in vitam visæ sunt. Post dies aliquot, repetitis plurimis experimentis, muscas alias breviori, alias longiori temporis spatio in aquis, modo refrigeratis, modo naturaliter sese habentibus, modo tepidis, natare permisi, vel per vim sub aquis detinui unde tandem didici, iis, quæ revera extinctæ essent, nihil

De Generatione Insectorum. 105
nil prodesse vim & potentiam So-
lis: nec satis scio, qua ratione fides
tribueri Columellæ possit, qui apes
sub favis mortuas, & loco sicco per
hivem reservatas, redire in
statum refert, si pulveratæ fici arboris
ramulis Soli exponantur, eo tem-
poris articulo, quo simul cum æqui-
noctio benignior aëris temperies
incipit. Periculum ejus rei
nullum feci, procul tamen à vero
habere hæc sententia mihi vide-
tur.

Redeo ad muscas Thunno natas,
quæ omnium aliarum in morem, sta-
tim ut ex putamine prodierunt, ex-
cernere immunditiem, à nimio cibo,
cum vermium figuram exhibebant,
ut opinor, contractam occipiunt, id-
que verisimillimum mihi fit, quando
nullum unquam horum vermium
cujuscunque generis excrementa de-
posuisse vidi. In iisdem quibus natæ
sunt vasis, per quatuor vel summum
quinque dies occlusæ sine cibo vi-
vunt, id quod ordinarias naturæ le-
ges non excedit.

Longius ab ejusdem naturæ legibus abire mihi videtur, quod araneoli, ex ovis araneorum in vase clauso nati, tot menses sine aliquo apparente cibo vivere possint. Quinto Julii araneum foeminam in vase vitreo chartâ occluso seposui, observavi que eandem duodecimo ejusdem mensis Julii ab inferiore parte chartæ, quo vas tegebatur, fabricasse quoddam telæ suæ laboratorium, instar dimidiati putaminis rotundæ nucis, idque in medio illius chartæ circum circa firmasse. In cavitate hujus operis, quam Aristoteles sinum orbiculatum vocat, ingens numerus ovorum translucidorum perfectæ rotunditatis, & magnitudinem granorum milii non excedentium videre erat, & ex his ovis ultimo Augusti prodire cœperunt totidem minutissimi, candidique araneoli, qui statim ut nati erant telæ quoddam rudimentum, emissis tenuium filamentorum segmentis, perficere conabantur, id quod etiam observatum est Aristoteli dicenti: *πρὸς δὲ αὐτῶν, καὶ ἀφ' ἧσιν*

De Generatione Insectorum. 107
παχύνει, protinus autem salit, filum-
ne mittit. Intra proximum biduum
uicquid ovorum restabat exclude-
atur, natistum quinquaginta ara-
neolis: & quia id agebam, ut viderem,
quantum temporis araneoli vivere
sine cibo possent, nihil illis, quo nu-
triri possent, subministravi: quare
tum octavo Septembris nonnulli
morerentur, intra primum & septi-
mum Octobris omnes mortui sunt,
exceptis tribus, qui matrem comita-
bantur, cæque trigesimo Decembris
mortuâ, in octavum usque Februarii
diem vitam produxerunt, aucto non-
nihil, ut manifestissime apparebat,
eorundem corpore. Quod si ex me
quæras, qua ratione hi tres araneoli
increverint, fortasse responderem,
ab adtracto ex demortuorum fra-
trum & matris cadavere alimento:
& si hoc nihili putas, extensio forte
corporum efficere potuit, ut crevisse
viderentur. Ego tamen priorem sen-
tentiam præ secunda sequi mavelim:
nec hili apud me est, quod vulgus
credit, & authorum plurimi scripse-
E 6 runt,

runt, nullum animal individuum propriæ speciei devorare, cum multorum experimentorum fide mihi constet, non aliam hac fabula fabuliosiore fabulam, nec aliud magis mendax hoc mendacio mendacium auditum esse. Memini, à me leonem quandoque carnibus leonis foeminæ pastum; nec tamen credibile erat, illum à fame sollicitatum huc descendisse, cum eodem die haud paucas vervecinæ carnis libras absumsisset. Vulgus venatorum, experientiâ edoctum, novit, aprum in sylvis mortuum, ab apris aliis ibidem commorantibus absumi. Ursi urforum, tigrides tigridum carnes devorant: atque adeo tibi dico hoc eodem anno à Meemet Bei, vel Imperatore militiæ regni Tunetani Serenissimo Magno Duci, Domino meo, dono missa esse diversi generis peregrina, & curiosa animalia. Inter hæc tigris erat cum filiolo suo, ante paucos menses nato, cavæ majori inclusa. Hæc bona mater, Florentiæ proxima, furore an joco haud facile dixerim, hunc suum

suum filiolum usque adeo temere dentibusprehendit, ut ei crus totum, & qui cum crure connectitur armum, pulchre demorderit, & avidissime devoraverit, utut carniū demortuarum affatim in cavea esset. Feles castrati proprios testiculos deglutiunt, & foeminæ quandoque catulos suos recens natos devorant: idemque canes faciunt. Lucius, piscium rapacissimus, ne ipsis quidem parcat luciis; sed alius alium voraciter insequitur, nec raro accidit, ut septem vel octo librarum lucius trium vel quatuor librarum alium prædam faciat, quo casu, quia lucius minor à majore prehensus intrare in stomachum prædatoris propter longitudinem suam non potest, jucundissimum est videre, ut victor lucius per aquas feratur, victo lucio unius vel duorum palmorum longitudine ex ejusdem gula prominente, idque per plures horas, & tantisper, dum caput lucii deglutiti à stomacho sensim consumatur, & locum det, in quem truncus reliquus & cauda in-

sensibiliter demittatur. Anguillarum illa species, quam nostrates *Gravonchi* vocant, & quæ prædâ vivit, non sui tantum generis minores, sed anguillas etiam nobiliores, & quæ *Musini* vocantur deglutit, ut sæpius in eorundem longissimis stomachis deprehendi.

Alios quoque araneos, tam masculos quam foeminas vasis vitreis excepi, sed nihil observare potui, præter longitudinem vitæ eorundem sine alimento, nonnullis à decimo quinto Julii, quo die capti erant, in finem usque Januarii vitam producentibus. Etiam hoc notavi, unum eorum, ex quo per mensem captivus desederat, exuvias deposuisse, adeo sanas, & integras, ut araneum alium repræsentarent, quem post quinquaginta dierum spatium imitatus est alius. Et in araneis quidem hoc ante me notavit doctissimus Thomas Moussetus Anglicus, in celebri suo theatro insectorum, ubi non semel in anno, sed quot mensibus mutare illos hæc sua spolia affirmat, id quod ego negare

De Generatione Insectorum. III
multo minus affirmare non a-
m, cum non viderim. At vidi, di-
versas figuras & species lacculorum
in quibus foeminæ tanquam in nido
ova sua deponunt & incubant: vidi
rarum illum, & diversum, nec mi-
nus fortissimum figendi fila, etiam
in vitris maxime lævibus, modum.
Sed de his rebus, & mirabili artificio
Geometrico, quo aranei in confi-
ciendis suis telis utuntur, de indu-
stria nihil tibi dicam, quandoquidem
Thomas Moufetus, P. Athanasius
Kircherus rem totam eliganter de-
scripserunt, & ante illos Plinius,
Plutarchus, Ælianus, & inter Arabas
Doctor Kemal Eddin Muhamed
Ben Musa Ben Isa Eddemiri, vulgo
Damir dictus, nec non Doctor Za-
charias, Ben Muahammed Ibn Mah-
mud, à patria urbe Persiæ Casbin al-
legatus sub nomine Alcazuini: Imò
tu ipse in eruditissimis tuis *vigiliis*
Thuscis, sub titulo *Natura Geometra*,
de his rebus doctissime scripsisti.

Observavi ingentem ovorum de-
positorum copiam, quam Moufetus
affir-

affirmat multoties ad trecenta numero ascendere; ego tamen non nisi centum & sexaginta ab uno solo horum animalculorum posita apprehendi, quod omnibus collectis, & telâ suâ stricte obvolutis, globulum formaverat, vestitum magno & candido loculo, à cujus medio cuncta suspenderat. Dum struendo hoc loculo occupabatur, data mihi est facultas videndi, stamen non ex ore, sed imo ventro deduci: ut jam verissima sit observatio Æliani, & Moufeti. Plinius materiam hujus staminis in utero vel matrice conservari scripsit: *Orditur telas, tantique operis materiae uterus ipsius sufficit.* Sed Moufetus, monitus à Bruero, considerans masculos utero carentes haud aliter atque foeminas telas texere, non approbat sententiam Plinii, & erroris illum insinuat; male tamen & sine ratione. Etenim vox *uterus*, quâ maximus scriptor hac occasione utitur, authoribus Latinis non *matricem* modo denotat, sed Isidoro teste, *ventrem* etiam; verba ejus sunt: *Uterum*

De Generatione Insectorum. 113
im solæ mulieres habent, &c. aucto-
es tamen uterum pro utriusque sexus
entre ponunt: & exempla plurima
abentur apud Virgilium, ut libro
ptimo Æneidos, ubi de cervo per-
usso ab Ascanio:

*Ascanius curvo direxit spicula cor-
nu,
Nec dextræ erranti Deus absuit:
aëtaque multo
Perque uterum sonitu, perque ilia
venit arundo.*

Et Tertullianus, capite decimo
de fuga in persecutione, loquen-
do de Jona: Sed illum, non dico
in mari, & in terra, verum in utero
etiam bestię invenio. Apuleius etiam
libro quarto Metamorphoseos hac
voce in eadem significatione usus est:
& digna lectu sunt, quæ super hunc
locum celeberrimus Joannes Pri-
cæus, Anglus, & communis noster
amicus, eruditissime notavit. Non
erravit ergo Plinius, cum scripsit:
Orditur telas, tantique operis materiæ
uterus

uterus ipsius sufficit; sed erravit Aristoteles, cum libro nono Historiæ Animalium, contradicens sapientissimo Democrito, in ea opinione fuit, araneos telam suam non deducere ex partibus uteri internis, sed externis totius corporis, ac si materia fili lanugo quædam esset, corporis exteriora in modum corticis ambiens. Vidit errorem Aristotelis Thomas Moufetus, sensitque eundem pariter, facto experimento, celebris & doctissimus P. Josephus Blancanus, societatis Jesu, in præclaris suis commentariis super mechanica Aristotelis. Erravit etiam Aristoteles, cum docuit, araneos foetus vivos parere, non ova: quandoquidem omni adhibita diligentia nunquam animadvertere potui, illos vivum partum edere: sed semper vidi, eos ova ponere, ex quibus, ut supra dictum est, progenies eorum procedit. Quod vero nonnulli scribunt, ex semine aëreo, & per aërem volante, nec non putrefacta immunditie araneos generari, id mihi credibile non videtur,

De Generatione Insectorum. 115
ir, nisi alia ratio adducatur, quam
uæ vulgo adduci solet: hæc nimi-
um, quod in ædibus recens fabrica-
s aranei videantur, eorumque telæ,
que eo ipso tempore, ubi calce illi-
æ sunt. Etenim, cum domus & pa-
atia non intra oculi nictum, ut olim
Alcina & Atlas fecerunt, struantur,
mirum non est, si in calce, pulvere
& immunditie aranei nidos suos &
latebras composuerint, ex quibus
prodeunt, momento citius altissi-
mum quemque murum perreptare,
& telas suas ordiri & pertexere pos-
sint.

Sed alterius etiam fabulosæ ara-
neorum generationis apud autores
mentio fit, eamque inter alios pro
vera venditat Petrus Andreas Mat-
thiolus, & qui ei suppetias ferunt,
Castor Durandes, Johannes Bauhi-
nus, Henricus Cherlerus, P. Atha-
nasia Kircherus, & P. Honoratus
Fabri, affirmantes, gallam non ver-
mes modo & muscas, sed araneos
etiā producere: & subiungit idem
Matthiolus, sæpissime sese vidisse,
gallas

gallas omnes, non perforatas, unum ex his tribus animalculis continere, pro quorum diversa natura horrendum prognosticon format, dicendo: si in gallis muscæ nascantur, expectandum eo anno bellum; si vermes producantur, messem fore infelicem; si aranei inveniantur, annum fore pestiferum & contagiosum. Doctissimus tamen P. Fabri illud prognosticon ridet, & ego plurimis illis à Matthiolo factis experimentis facillime opponam totidem alia à me capta; & veritas, quæ à mea parte stat, in causa est, cur libere audeam dicere, me trium aut quatuor annorum spatio supra viginti gallarum millia aperuisse, nec ullum in eis araneum, sed semper muscas, & varias culicum & vermium generationes, pro diversitate temporis, invenisse: nihilo tamen minus in Italia & extra Italiam pestis sæviit, & Tuscia nunquam bellum aut annonæ caritatem sensit, sed anni illi omnes uberrimi fuerunt. Verum tamen est, me in hac vel illa galla, sed semper perforata, araneo-

lum

um aliquem invenisse, qui foris natus & educatus, in hoc forte foramen se recepit, ut ab injuria tempestatis se reficeret: eadem plane ratione, qua araneos omnes alios se in rimas arborum & murorum cavitates, recipere quotidie videmus. Ergo experimentis Matthioli fiat satis oppositis experimentis aliis: & quod attinet ad muscas, culices & vermes, qui in gallis reperiuntur, integrum mihi erit, de illis paulo post agere.

Difficilius aliquanto est, ut illis respondeamus, qui scire desiderant, quomodo araneus extremitates telæ suæ ab una arbore ad aliam deducere possit, cum alas ad volandum nullas habeat. Mousetus araneos saltare, & de loco in locum sese vibrare credit: & hæc illius opinio, si de exiguo saltu agatur, credibilis videtur; & memini, quandoque mihi relatum esse à magno quodam Viro, quod dum in itinere esset, araneus ab uno latere aperturæ per quam conscendimus currum ad alterum telam suam extenderit, & quia intrare in rhedam clausis

clausis fenestris non licebat, ex improviso sese in pileum equitis cujusdam vibraverit, qui aliunde veniens ad currum accedebat. Fieri ergo potest, ut saltent. Fieri etiam potest, cum telam suam ab arbore alia in aliam extendere satagunt, ut firmatâ ad hunc vel illum ramum extremitatum unâ, mediante filo in terram sese demittant, & in terra progredientes, à pede vicinæ arboris sursum repant, evolvendo, & ad justam & necessariam proportionem & altitudinem extendendo filum suum. Amicorum quidam mihi dixit, vidisse sese quandoque duos araneos, à filo suo & ramis duarum arborum non procul distantium dependentes, qui vibratione sibi invicem in aëre occurrentes, connexis filis quasi ex compacto grandem telam pertexerint. Poterat etiam fieri, cum araneus inter ramos arborum procul distantium telam suam textit, ut à filo suo dependens, fortuito casu & impetu venti ab arbore una in aliam delatus, integro adhuc stamine, non obstante distantia telam suam
ordiri

De Generatione Insectorum. 119
diri & absolvere potuerit. P. Blancanus in supradicto libro, multoties petitis experimentis inductus, affirmat, filum aranei non esse filum simplex & planum, sed ramosum & quo plura alia tenuissima fila originem trahant, quæ ob innatam levitatem suam per aërem fluctuantia quaverversum sese extendant, & si casu veniat, ut extremitas filorum transversalium ramis arboris vicinæ implicetur, araneum sese statim in viam dare, & hoc filo uti pro exordio futuræ telæ. Inde subjungit Blancanus, filum aranei quandoque non esse unum & simplex, sed revera duplex, à quorum uno araneus dependeat, altero huc illuc per aërem volitante, usque dum aliquid inveniat, in quo consistere & firmari possit. Et hæc certe sententia multum à ratione & veri similitudine non abludit, speciatim, si araneus ab altissima arbore dependeat: mihi tamen tempus defuit, ut quod lubentissime fecissem experimentum capere non potuerim. Sæpissime quidem observavi, araneos

neos filamenta sua ab uno latere viæ
 regiæ ad aliud deducere, nec non ex-
 tremitates filorum suorum alligare ad
 fastigia paxillorum, quibus vites su-
 stinentur. At vero si ponamus alti-
 tudinem paxillorum non excedere
 tres vel quatuor ulnas, latitudinem
 autem viæ minimum esse ulnarum
 octo vel decem, quomodo araneus ab
 usque adeo humili loco dependens,
 filo præcipuo eam longitudinem da-
 re potuerit, ut quæ ab illo procedunt
 filamenta collateralia pertingere ad
 latus alterum viæ regiæ quiverint, id
 equidem concipere non possum. Sed
 quicquid sit, quisque id quod maxi-
 me arridet credat: ego, ut ad prius
 ratiocinium redeamus, tibi dicam,
 me, collecta & cæsa araneorum haud
 exigua copia, massam omnem in vase
 aperto reliquisse, quod muscæ auda-
 cter ingredientiæ, quasi vindictæ in-
 star stercus ibi suum deposuerunt;
 quo factum est, ut cadavera hæc bre-
 vi verminando, ex vermibus obdu-
 rescentibus ova vel chrysalides, & ex
 chrysalidibus totidem muscæ natæ
 sint,

De Generatione Insectorum. 121
sint, quales per ædes nostras vagantur.

Sed missos faciamus araneos. Sufficienter enim mihi demonstratum esse videtur, carnes non verminare, & supradicta insectorum genera ex carniū substantia non nasci, ut tempestivum putem ad alia progredi, quæ vulgo & viris etiam magni nominis verminare putantur, inter quæ caseus primas obtinet, heluonibus artem jactantibus producendi ex eo vermes, ad oblectamenta gulæ. Et causam quidem efficientem hujus generationis referunt ad unam earum, quas in principio hujus epistolæ tibi enumeravi. At vero sapientissimus Petrus Gassendus observat, muscas forte, & animalia volantia foliis herbarum & arborum impressisse sua semina, quæ deinde à vaccis, capris similique pecorum genere absumta, lacti pariter & caseo illam facultatem tribuerint, ut producere successu temporis vermes possent. Et certe, hæc sententia pluribus non displicet, nec ego nunc quidem
F nega-

negaverim, ita rem sese habere. At-
 tamen, cum pace maximi & admi-
 rabilis Philosophi, ego hæc hactenus non
 video, qua ratione hæc semina à den-
 tibus animalium trita & confecta, &
 in stomacho eorundem cocta & ex-
 pressa, ac denuo fortassis alterata ve-
 hementer & enervata, in intestino
 duodeno, mediante illa ebullitione,
 quam succus acidus pancreatis & hu-
 mor biliosus efficiunt, iterumque al-
 terata in viis illis, quæ à stomacho &
 intestinis ad mammas deferuntur;
 quomodo, inquam, hæc semina vir-
 tutem suam integram illæsam & sal-
 vam conservare potuerint; & siqui-
 dem id evenire potuit, nihil causæ
 est, cur desperemus, fieri posse, ut
 coacto ex lacte mulieris caseo loco
 vermium totidem mugiles produ-
 cantur, & lucii, ubi mulier ova eo-
 rundem comederit, vel totidem pulli
 & gallinæ, si ova gallinarum haule-
 rit: ut ut enim ova cocta ebibere po-
 tuerit, non desunt tamen, quæ cruda
 & recens posita deglutiant; quan-
 quam coctio secundum doctrinam
 Gassen-

De Generatione Insectorum. 123
Gassendi, nullum detrimentum affe-
rat virtuti generativæ, quam semina
possident; cum omnes sciant, vi-
deantque, in recocta & placentis la-
cteis vermes nasci, utut recocta aliud
nihil sit, quam flos feri ad ignem coa-
gulatus, & placentæ lacteæ coctio-
nem sultinent, & in furnis friguntur.
Quare in eam deveni sententiam, ut
putem, verminationem lactis, casei,
& recoctæ non aliam fortassis, quam
de qua in carne & piscibus egimus,
causam habere; nimirum hanc, quod
muscæ, & culices ibi ova sua depo-
nant, ex quibus vermes, & ex vermi-
bus muscæ nascuntur. Et hoc quidem
manifestum est omnibus serio atten-
entibus. Etenim, quod captis ex-
perimentis didicisse mihi videor, ne-
que lac, neque caseus, neque recocta,
ec lacticiniorum quidquam vermi-
abit, si eo loco servetur, ubi muscis
& culicibus aditus non datur: & con-
tra, ubi hæc animalcula eo perve-
niunt, ut super cibis requiescant, bre-
vi sequetur verminatio: & quia in
memoriam mihi redeunt nonnulla,

F 2

quæ

quæ à me observata sunt, ea tibi commemorare animus est, non quidem omnia, id enim prolixi & fastidiosi operis esset, sed ea tantum, quæ ad vermes pertinent inde natos.

Erat mihi alembicum ingens vitreum in quod patente semper orificio, misi partem dimidiam casei nostratis, idque ex recentioribus & optimis, qui sub finem mensis Junii inveniuntur: exactis aliquot diebus visi sunt super hoc caseo nonnulli vermes, qui bene considerati, non unius generis esse dignoscebantur. Majores per omnia similes erant vermibus aliis, qui in carne nascuntur: ejusdem prorsus figuræ etiam minores erant; id tamen præcipuum habebant, quod motitarentur magis, & reliquis agiliores expeditius in vitro incederent, & rostrum caudæ admoventes, facto quasi circulo, per varios saltus sese modo huc modo illuc vibrarent ita ut nonnunquam ex vase illo proflirent, in quo nati erant. Tertio vel quarto die à nativitate, tam hi, quam illi more solito quieti sese

sefe dabant, & in ova corrugabantur, sola magnitudine diversa, ex quibus selectis, & diverso vase exceptis prodierunt, ex majoribus quidem totidem muscæ ordinariæ, ex minoribus vero spatio dierum duodecim certum genus muscarum minutarum nigricantium, simile formicis alatis, quod genus vix natum maxima & incredibili promptitudine & velocitate subsultando & volando motum quasi perpetuum repræsentare videbatur. Inde masculi cum foeminis sese conjungentes, illos actus exercebant, à quibus propagatio sperari naturaliter poterat: sed deficiente victu brevi moriebantur.

Dum hæc observabam, forte caseum inveni jam verminantem, cujus sanas partes à verminosis secernens, suis singulas vasis seorsim excepi: sed de sanis partibus nullus unquam vermis natus est, & ex vermibus qui in verminosis partibus jam nati erant, prodiit multitudo minutarum illarum nigricantium muscarum, de quibus supra, ne una quidem compa-

rente musca ordinaria. Contrarium mihi accidit in recocta lactis, ex qua vermibus infecta, transformatis in ova vermibus, muscæ tantummodo prodierunt ordinariæ; & ex caseo è caprino lacte facto, & verminante mense Septembri natæ sunt muscæ ordinariæ, nec non paucae aliquot minores, quales circa vinum & acetum vagantur.

Scio rem difficilem creditu videri, nullum ex his lacticiniis sua sponte verminare, cum delicatissimi ex nostris caseis Lucensibus dissecati, sæpius circa interiorem medullam verminare deprehendantur. Respondere possem, semina horum vermium generata esse à muscis in lacte, dum exprimitur, & in vasis à pastoribus, ut concre scat relinquitur, quo tempore innumera mulcarum multitudo circa illa vasa oberrat, unde Poëta, libro XVI. Iliad. v. 641. Græcos & Trojanos pugnantes & circa cadaver Sarpedonis oberrantes, muscis assimilat veris tempore circa mulctras lacte repletas vagantibus:

O.

Οἱ δ' αἰεὶ περὶ νεκρὸν ὁμίλεον, ὥς
 ὅτε μὴ αἱ
 Σταθμῶ ἐν βρομέωσι φειγλαγέας
 καὶ πέλας,
 ὧρῃ ἐν εἰαρινῇ, ὅτε τε γλάγῃ αἵ-
 γεα δάδῃ.
 ὧς ἄρα τοὶ περὶ νεκρὸν ὁμίλεον.

*Hi autem semper circum cadaver
 versabantur, ut quum muscæ
 Intuguri susurrant lacte plenas ad
 muētras,
 Tempo e in verno, quando lac vasa
 madefacit:
 Sic sane hi circum cadaver versa-
 bantur.*

Hæc responsio, utut spernenda non sit, mihi tamen non omnino fastifacit: quare cum diligenter observaverim, caseos nostrates antea quam verminare incipiunt, pluribus in locis dehiscere, & rimas ducere, dico in his rimis, & in hac apertura à muscis ordinariis & minoribus ova generari. Vermes, alimentum festantes, deli-

catus in interiorem casei medullam penetrant, ibidemque ad tempus usque determinatum nutriuntur, quo exacto, foras profugiunt, & locum quærunt, ubi per dies aliquot latitantes in ova convertantur: & ex his ovis nascuntur diversæ generationes animalium volantium, pro diversitate parentum, à quibus vermes generati sunt.

Ac de his quidem cum fatis, & fortasse plus quam par erat, dictum sit, ad illos vermes transeamus, quos vulgus, maximis erroribus infectum, credit ex herbis & fructibus putridis, nec non in lignis, & arboribus ipsis nasci: & principio quidem de illis vermibus scribam, qui in herbis, foliis arborum & pomis nascuntur, posteaquam aliquantisper ab arboribus vel plantis sejuncta & per hanc disjunctionem quasi vita privata sunt: dicturus postea de illis, qui in foliis & fructibus nascuntur, dum arboribus cohærent, & maturitatem suam expectant.

Scito ergo, quomodo verum est,
in

in carnibus, in piscibus, & lacticiiniis
occluso loco servatis, nullos vermes
generari; ita verissimum esse, fructus
& herbas crudas vel coctas, eadem
ratione servatas, nullum vermem
producere: & contra, aëri expositas,
varium genus insectorum proferre,
modo hujus, modo illius speciei, pro
diversitate animalium, quorum se-
mina ibi reposita sunt. Observatum
tamen à me est, alia insecta aliud her-
barum vel fructuum genus sibi pro-
nido eligere, & fuit, cum in una sola
herba, uno eodemque tempore, se-
ptem vel octo diversa animalculo-
rum genera nata viderem.

In pepone, ubi plures minores mu-
scas quiescere videram, minuti ver-
mes nascebantur, ex quibus spatio
quatuor dierum ova, & ex ovīs qua-
tridui spatio totidem culices prodi-
bant. Ex aliis peponum contritis par-
ticulis, quas culices, muscæ ordina-
riæ, & certum minutissimarum mu-
scarum nigricantium genus, oblon-
gis in capite cornibus dotatum depa-
verant, vermes nati sunt, diversæ

magnitudinis, qui determinato suo tempore in diversæ magnitudinis ova transferunt. Ex ovibus majoribus post octiduum muscæ ordinariæ; ex minorum nonnullis post quatrimum culices; ex aliis post quatuordecim dies, muscæ minutiores aliæ; ex mediæ magnitudinis ovibus post septimanam unam cum dimidia culices prodierunt, multo quam primi majores crassioresque. Idemque accidit in cucumere, fragis, pyris, pomis, prunis, omphacio, malo citreo, ficibus & malis Persicis. Sed quoniam Persica mala vase vitreo asservabantur, ut distillare & effluere liquor ex putrefactis illis proveniens non posset, in liquore illo multos minutissimos vermes natantes vidi, quos oculis vix perspicere licebat. Ex his vermibus super malo Persico, & in ejusdem liquore distillato natis solito tempore culices nascebantur, qui per multos dies, subministratâ per me nutrimenti materiâ superstites fuerunt. Hinc fœmellæ cum masculis congregantes, vermes alios generarunt, ex quibus

bus more solito culices facti sunt, & siquidem diligentiam & curam majorem adhibuisssem, in infinitum, ut opinor, hæc generatio processisset.

Ex cucurbita cruda vel cocta nihil præter muscas ordinarias natum vidi. Id modo silentio transmittendum non duxi, quod vermiculi omnes, in cucurbita coctâ ovis permixtâ & putrefactâ nati, cum tempus quietis & secundæ transmutationis in ova appropinquaret, ita sese in hac pulte volutarint, ut sensim hoc linimento cooperti, glebas terræ exiguas referrent, ex quibus postea muscæ nascebantur, ita ut qui sub his glebis ova latere nescivisset, ex glebis terrestribus muscas natas esse verisimiliter credidisset.

Ab aliqua, non multum ab simili specie originem traxisse credo hallucinationem Plinii, cum libro Historiæ Naturalis undecimo scribit, insectorum volantium plurima nasci ex pulvere cavernarum humido: & forte eadem illa specie decipiuntur omnes

illi, qui terrâ, luto, limo fluminum,
 & paludibus infinitas animalium
 species generari narrant; quomodo
 Pomponius Mela facta mentione
 Nili: Non pererrat autem tantum
 eam, sed æstivo sidere exundans etiam
 irrigat, adeo efficacibus aquis ad gene-
 randum alendumque, ut præter id quod
 scatet piscibus, quod Hippopotamos,
 Crocodilosque vastas beluas gignit;
 glebis etiam infundat animas, ex ipsa-
 que humo vitalia effingat. Hoc eo ma-
 nifestum est, quod ubi sedavit diluvia,
 ac se sibi reddidit, per humentes campos
 quædam nondum perfecta animalia,
 sed iam primum accipientia spiritum,
 & ex parte jam formata, ex parte ad-
 huc terrea visuntur. Et Ovidius, libro
 primo Metamorphoseos:

*Sic ubi deseruit madidos septemfluvius
 agros.*

*Nibus, & antiquo sua flumina red-
 didit alveo,*

*Ætherioque recens exarsit sidere
 limus;*

Plu-

Plurima cultores versis animalia
glebis

Inveniunt, & in his quædam modo
cæpta sub ipsa

Nascendi spatium: quædam imper-
fecta, suisque

Trunca videntur numeris: & eodem
in corpore sæpe

Altera pars vivit; rudis est pars al-
tera tellus.

Quippe ubi temperiem sumpsere hu-
morque, calorque;

Concipiunt: & ab his orientur cuncta
duobus.

Cumque sit ignis aqua pugnax; va-
por humidus omnes

Res creat, & discors concordia foeti-
bus apta est.

Hanc opinionem promovit Plutar-
chus in *Quæstionibus Conviviali-*
bus, & exscriptor Plutarchi Macro-
bius in *Saturnalibus*; nec non Pli-
nius, Ælianus, & ut concludamus,
innumerabilis caterva Veterum,
quos haud secus atque errantem ducens
grex sequitur, ita sine ulteriore in-

quilitione secuti sunt ex modernis scriptoribus infiniti. Hinc est, quod ipse nonnunquam apud me obstupesco, quando considero, authores usque adeo improvidam circa horum animalium generationem existimasse naturam, ut membris aliis per carnem & ossa absolutis, alia uno eodemque tempore ex pura terra formaret: & tamen Ælianus fidem facit, propriis suis oculis vidisse sese istiusmodi facta animalia, in itinere suo Neapolitano versus Puteolos: & Ovidius minime contentus loco supra citato affirmasse, sæpius videri in luto animalia sine cruribus & juncturis, idem repetit libro decimo quinto dicens:

Semina limus habet virides generantia ranas:

Et generat truncas pedibus. Mox apta natando

Crura dat. Utque eadem sint longis saltibus apta,

Sed quod magis mihi lepidum videtur,

tur, hoc est, quod illæ ipsæ ranæ ex-
luto natæ post semestrem spatium vi-
tæ, in pulverem & lutum, Plinio te-
ste, revertuntur, & postea sub ad-
ventum veris in novam vitam resur-
gunt.

Has Plinii cogitationes multi hu-
jus nostri seculi graves Philosophi ap-
probarunt, & speciatim doctissimus
P. Honoratus Fabri, magnus in
Theologia magister, & profundæ
literaturæ vir, summæque in omni-
bus Philosophicis speculationibus
existimationis, sed, quod alia omnia
superat, mirabiliter felix circa inven-
tionem arduorum problematum no-
bilissimæ & sublimissimæ Geome-
triæ. Is ergo in celeberrimo suo de
Generatione Animalium libro, pro-
positione septuagesima quinta, &
septuagesima sexta, hanc opinionem
fovens, admittit, ex ranarum corpo-
re corrupto, & in terram converso,
ranas generari. Hactenus id credere
non possum, quia experiendo nihil
unquam vidi, in quo acquiescere
intellectus plane possit: paratissimus
tamen

tamen sum ad mutandam opinionem, eroque tantomagis, si ranas, quarum Plinius mentionem facit, hydra, vel alius quidam ranis inimicus serpens, ex venenosorum genere momorderit, quod genus serpentum noster divinus Poëta in septima inferni voragine constituit. Sed hæc omnia meræ sunt fabulæ; & animalia, quorum hæc vel illa membra ex non alia re quam terra constare videbantur, si major adhibita fuisset attentio, satis manifeste apparuissent, terra tantum & luto inquinata fuisse: & si in terra, luto, & limo camporum & paludum quædam animalia nascuntur, id eo fit, quia in locis illis ova generata sunt, vel semen aliud producendo animali commodum, juxta ea quæ Aristoteles & Plinius de locustis narrant, de quibus agens Doctor Zacharias, Ben Muahammed Ibn Mahmud, ex Persiæ civitate Casbin, sub nomine Alcazuini citatus, in libro Arabico de mirabilibus creaturarum, scriptum reliquit, *locustas, ubi vere primo pascuntur, solum*
qua-

quarere pingue & humidum, cui incumbentes, caudis scrobiculos excavant, in quibus singula centum ova deponant.

Terrestres quoque testudines, ova, quæ deposuerunt, terra contegunt: Eæ etiam, quæ in aquis dulcibus, & in mari habitant, in littus ad pariendum veniunt, & ubi ova sua deposuerunt, arenâ illa contegunt, sub quâ Solis calore excluduntur, ut jam, qui in his exercitatus non est, facile credere possit, ex terra nasci illas minores testudines, quas ex terra prodire sæpius videmus. Atque hoc forte modo verum esse poterat, curiosum P. Athanasii Kircheri, Viri eruditissimi, & naturæ operationum nobilis & ingeniosi speculatoris experimentum: Cum Rana inquit copioso sub initium Martii fuso spermate, omnes fossas expleant, sit ut exsiccatis fossis, Limus in pulverem una cum ranis jam exclusis denuo resolvatur. Si itaque tibi animus sit, novam ranarum generationem exhibere, sic operare:

Acci-

*Accipe palustris limi vel fossarum, ubi ranas nidulatas fuisse nosti, pulverem, quem pluviali aqua subactum in terreo vase expones Soli mediocriter calido, mane tempore aestivo, & identidem aquâ dictâ conspiceges, ne Sole exsicce-
tur materia, & invenies primo quidem bullulas quasdam, ex quibus primo ranunculos candidos sine pedibus posterio-
rioribus, solis anterioribus duobus pedi-
bus instructos; deinde paulatim divi-
sâ in duo posteriores pedes candâ ranas
perfectas ingenti copia consurgere vide-
bis. Hoc ita eventurum esse mihi
quam maxime probabile videtur, ut-
ut eventus mihi, quanquam iterato
aliquoties experimento, non respon-
derit: id sive vitio industriæ meæ,
vel ob quod aliud impedimentum
acciderit, haud facile dixerim: potest
tamen fieri, cum omnia ex præscripto
P. Athanasii fecerim, & lutum adhi-
buerim fossarum exsiccatarum, fossis
illis non nisi sub æstatem exsiccatis,
quo tempore ova vel semina ranarum
jam exclusa sunt, ut deficientibus
ovis ranæ quoque nullæ natæ sint.*
Ob-

Observavi tamen, ranas, cum in fossis & paludibus nascuntur, piscium instar, non bipedes, sed sine omnibus omnino pedibus, caudâ longâ, planâ & quasi bifidâ dotatas nasci, quâ corporis figurâ per multos dies natantes incedunt, cibum captando, crescendoque: inde pedes exerunt anteriores, & post dies aliquot alios sub pelle, quæ totum corpus ambit, pedes producunt posteriores, nec non exacto certo temporis spatio caudam exuunt, quam Plinius, Rondeletius, atque tot alii scriptores falso in duas partes formandis pedibus dividi crediderunt: cujus rei veritatem experiri quis poterit, modò velit cultro anatomico examinare aliquam harum recens natarum ranularum, & videbit pedes posteriores à cauda ceu membrum à membro manifestissime distinguere, & si vivario eas incluserit, observare ei licebit qua ratione per multos dies incedant quatuor pedibus simul & cauda instructæ.

Sed quid dicam de ranis illis minoribus, quas vulgus decidere sub æstatem

tem ex nubibus cum pluvia, vel virtute aquæ pluviæ, eo ipso, quo cadit momento, in pulvere generari credit? At de his sufficienter in *observationibus circa vipers* locutus sum, ubi observavi, quod ranæ illæ, quas decidente tenui pluvia videmus, diebus aliquot ante casum pluviæ, natæ sint, & in sicco morantes inter dumeta herbarum & saxa, vel terræ cavitates delitecant: & quia ejusdem cum terra coloris sunt, hinc fit, ut subsidentes & immoræ à pulvere haud facile discernantur: cujus rei evidens argumentum est, quod stomachum plenum cibi, & intestina plena excrementorum, eo ipso, quo natæ creduntur momento habent. Cujus sententiæ ego primus inventor non sum, quando quidem Olympiade centesima decima quarta, vel paulo post, tempore Ptolomæi primi Ægyptiorum Regis, eandem in schola Peripatica professus est Aristotelis successor Theophrastus Eresius, id quod ex fragmento illius libri, quem idem Theophrastus *περὶ τῶν ἀθρόων φαι-*

ἡμετέριον ζῶον de animalibus subito apparentibus scripsit, & in bibliotheca Photiana extat, liquido apparet. Quare prolixius de his differere lubens superfedeo, id tantum dicam, quod supra affirmavi, difficile atque adeo impossibile mihi esse, ut credam, in limo, quem fœcunda inundatio Nili in campis relinquit, animalia inveniri, parte aliqua membrorum animata, parte reliqua ex terra constante; nec credere me etiam, arbores, frutices, & herbas posse producere animalcula, qualia sæpe inveniuntur, partim viva, partim lignea, & quorum pars aliqua corporis absoluta non sit, ut animari possit. Et quanquam supradiçtus P. Athanasius Kircherus tomo secundo de Mundo subterraneo scribat, vidisse sese istiusmodi animalcula, eademque aliis monstrasse in ramulis viburni vel bryoniæ, & in scapis illius herbæ, quam Thusci *Codacavallina* vocant: valde tamen vereor, ne quippiam oculos fefellerit, ideoque hanc mihi libertatem sumo profiten-
di

di dubitationem meam, cum optime noverim, P. Athanasium Kircherum veritatis sincerum amatorem esse, qui studio indagandi illam non corporis magis quam ingenii gloriosis laboribus pepercerit, in quem finem etiam ego libere id quod sentio scribo.

Et certe idem ille ardentissimus amor veritatis in causa est, cur candidè fatear, etiam me imperitia cæcum antehac istiusmodi res credidisse, quas dum sæpius recordor, me mei pudet pigetque. Et profecto caligine oculorum laboraverim necesse est, cum *in observationibus meis circa viperas* scriberem, huic serpentum generi duas cordis auriculas, & duas cavitates vel ventriculos esse. Etenim cor viperinum non nisi unam auriculam, unamque cavitatem habet. Verum quidem est, hanc auriculam inflatam in duos truncos dirimi, & ab anteriore sui parte membranam habere subtilissimam, qua mediante in duas cellas dividitur, quas turundâ investigans, in hunc
de



duobus ventriculis errorem incurre-
ra est, alter per imprudentiam tu-
ndæ debetur.

Usque adeo avide cupiebam in-
venire aliquod ex his animalculis,
quæ partim sese movent, partim ligno
constant (tantum apud me valet Viri-
octi, qualis P. Kircherus est autho-
ritas) ut nullum diligentia vel solici-
tudinis genus sit, quo vel ipse usus
non sim, vel alios uti non curaverim;
tantum ut unum illorum invenirem.
Quare cum trigesimo die Maji ad
me ailati essent oxyacanthæ vel spi-
næ albæ ramuli, qui dum plantæ na-
tivæ adhærerent, corrugati, inversi,
inflati, extenuati, scabrosi, & quasi
lanuginosi evaserant, & colorem as-
sumserant subrufum, punctis rubris
& cinereis interstinctum, in illam
spem deveneram, fore, ut desidera-
tam illam nativitatem & transforma-
tionem videre liceret: crevitque eo
magis illa spes, quod ramusculos
phillyræ secundæ Clusii, nec non
illius clematidis, quam Thusci vital-
bam

bam vocant, eadem ratione affectos viderem: quare auctâ diligentia ramusculos illos & palmites in cistellas aliquot misi, & tres illas supra dictas plantas, in quibus plures istiusmodi inversæ rugæ remanserunt, quotidie observavi & observari curavi. Sed tandem deprehendi, esse vitium naturale harum plantarum, quod illis quotannis adhæreat, & insectum nullum producat. Figuram earundem hic videre poteris, quam eo libentius transmitto, quod nullus scriptorum, quod ego quidem sciam, hoc naturæ vitium, vel hunc ludum animadverterit.

Sed quia P. Kircherus animalculorum illorum, quæ ex viburni & equiseti ramusculis nasci afferit, aliam & tertiæ speciei figuram affert, ex palea & juncis putrefactis, ut putat, natam, sine tuo tædio narrare mihi liceat, quid mihi hoc anno Artimini acciderit, ubi in sylvis inter virgulta infinitam vermiculorum, tertiæ illius speciei, copiam inveni, quod genus vermiculorum illius loci incolæ





De Generatione Insectorum. 145
colæ *Cavallucci* vocant. Ergo dum
aulam sequens per mensem Septem-
brem venationi illis in locis vaco,
plurima illius generis animalcula ad
me allata sunt, eaque duum generum
esse deprehendi, alia viridia, duabus
lineis parallelis per latera & totam
longitudinem corporis extensis; alia
coloris plane ferruginei, vel ut melius
dicam, qualis in scoparum virgultis
cernere est. Tam hæc, quam illa,
duo minuta, ex pluribus nodis & ar-
ticulis composita cornua in capite
gerunt. Viridium cornua coloris sub-
rubicundi, reliquorum ejusdem
cum corpore coloris sunt. Admo-
dum exiguum, & quovis minore
grano minus caput habent. Oculi
duri sunt, & prominentes, ac papa-
veris semine minores: in viridibus
rubicundi. Os quale locustarum esse
solet. Passu incedunt gravi, & lento,
pedesque sex, & singuli pedes flexu-
ras tres habent. Et anteriores quidem
duo pedes exacte juncturæ illi subji-
ciuntur, ubi caput annexum est.
Omne illud spatium, quod inter ulti-


mos pedes & extremitatem caudæ intercipitur, annulis, incisuris, vel nodis decem constat, & ab ultimo nodo procedunt aculei subtilissimi duo. Universum corpus quinque digitorum transverforum longitudinem non excedit, & frequenter ejusdem ubique crassitie est, ac si qua horum animalculorum circa anum ventrem magis tument, & rhomboidalem figuram referunt, id inde est, quod venter, in foemellis, minus vel magis elevatur, pro majore vel minore ovorum ibidem reconditorum copia. Tam masculi, quam foemellæ, exuvias suas, vel spolia integra deponunt, haud aliter atque serpentes, nec non aranei & insecta alia: & hæc spolia nihil aliud sunt, quam subtilissima tunica, ejusdem cum corpore figuræ.

Cum hæc animalcula ad me deferrentur, forte mihi aderat Dominus Nicolaus Steno, celebris, ut nosti, Danus, & Anatomicus nostri seculi insignis, ac præter eruditionem, qua pollet, egregie moratus, & Serenissi-
mi


ni Magni Ducis regia generositate,
sustentatus in hac aula. Utrique no-
strum in mentem venit, scrutari vi-
cera, & interiorem fabricam horum
animalculorum: & canaliculum vi-
dimus, qui ab ore, per omnem corpo-
ris longitudinem, ad foramen quod-
dam, ultimo caudæ nodo vicinum,
delatus, œsophagi, stomachi, & vilce-
rum vices supplebat: & circa hunc
canaliculum invenimus confusam se-
riem variorum tenuium filamentor-
um, quæ venarum forte & arteria-
rum loco sunt. A corporis medio,
ad extremitatem usque caudæ, deti-
neri vidimus ingentem numerum
ovorum colligatorum, sive vestito-
rum filo vel canali, qui tenuitate suâ
oculorum nostrorum aciem fugiebat.
Ova hæc minutorum milii granorum
magnitudinem non excedebant, eo-
rumque alia mollia & tenera, alia
duriora erant. Mollia & tenera fla-
vescere, & translucere videbantur:
at vero duriora, intus flava, putamen
nigrum habebant, & cum mollia si-
mul & duriora ova computaremus,

septuaginta invenimus: & in alio quodam animalculo, quod per quatuor dies, sine cibo, seorsim asservaveram, quadraginta octo ova invenimus, præter viginti quinque alia, quæ in cistella deposuerat. Dum ita tempus teritur, notavimus, hæc animalcula, de multis omnibus visceribus, nihilominus vivere, & moveri, ut viperæ exenteratæ, & insectorum plurima solent: quare his vel illis caput præcidimus; & caput quidem brevi moriebatur: at vero truncus, præsecto capite, per multum temporis vivacissime hinc inde ferebatur, ac si membris suis omnibus instructus esset. Quare per lusum caput cum trunco conjungere visum est, & successit negotium eadem facilitate, quæ incantatoris Orrili membra connectuntur apud magnum illum Epicum Ferrariensem.

Ita animalcula hæc nostra applicato capite, non per diem hunc modo totum, sed per alios quinque continuos vitam produxerunt, mirantibus cunctis, qui arcanum ignorabant,



Ovum
Cavallucciorum



De Generatione Insectorum. 149
ant, icque eo magis, quod in eo ita-
a non naturalia modo excrementa
entris excernebant, sed ova etiam
ponebant: unde si quis credulus de-
scribere hanc capitum insertionem
voluisset, testes equidem vivos & vi-
lentes plurimos habere potuisset,
sed egregiam descripisset tabulam,
cum hæc capitum insertio non fie-
ret, nisi mediante viridi quodam, vi-
scoso, & tenaci humore, ex truncis
promanante, qui ficcatus firmam
hanc conjunctionem reddebat. Sed
capita, quanquam trunci viverent,
motum aliquem aut signum vitæ
nullum edebant: & trunci etiam ci-
tra capitum appositionem per quin-
que vel sex dies vitam continua-
runt.

Quod si tibi animus est, figuras
horum animalculorum videre, non
adito Kircherō, vel Jonstōno, in ce-
lebri sua insectorum historia, tab. x i.
num 2. & tab. x i i. num 26. ecce
illam tibi mitto, ad vivum exemplar
delineatam, nec non figuram ovi
eorundem, auctam ope optimi mi-
cro-

croscopii in Anglia elaborati, & videbis illud in uno extremorum ovatum esse, extremitatem vero alteram protuberantias quasdam habere, & vasa illa lignea repræsentare, quibus cistellarum loco utimur, & quæ cochlea clauduntur.

Paulatim delapsus sum, à re quam paulo ante dicere cœperam, ad argumentum nimis alienum: quare eo rediens, dicam, de his insectis, quæ sub herbis putrefactis nasci videmus. Nullæ sunt herbæ, sub quibus putrefactis vermes non nascantur: unde mirum non est, quod Dioscorides & Plinius tanquam singulare quid, & consideratione dignum, scripserunt, quod sub ozymo masticato, & Soli exposito vermes nascantur: idem enim herbis omnibus accidit, quæ semine vermium ab animalibus infecta sunt. Ex his vermibus, sub herbis putrescentibus productis, quandoque muscas ordinarias, quandoque majores ordinariis, sed ut plurimum, nec infrequenter sub una sola planta natas vidi longe plurimas generationes

nes animalculorum volitantium, minutissimorum, quæ à Tertulliano, non sine ratione, *unius puncti animalia* vocantur: & memini me sub solo hyssopo, sub sola spica, & sub solo hyperico, præter muscas ordinarias, & ordinariis majores natas vidisse octo vel novem culicum species, figuræ diversissimæ. Sub apio pariter inveni vermes aliquot, his qui in muscas transformantur finillimos. Omnes tamen pilosi erant, & facto sponte sua circulo, nunc huc, nunc illuc saltabant. Sed invidit mihi fortuna aspectum ejus quod inde nasciturum erat: omnes enim mortui sunt, antea quam in ova, ut reliqui, transirent, forte ob anni tempus justo frigidius: verlabamur enim circa finem Novembris.

Audi nunc quid Plinius libro vigesimo primo cap. xiv. historię naturalis scribat: *Abud* inquit *in Creta miraculum mellis. Mons est Carina, ix. M. passuum ambitu, intra quod spatium musca non reperiuntur, natumque ibi mel nusquam attingunt.*

Hoc experimento singulare medicamenti eligitur. Idem miraculum Tzetzes de Attico melle refert, & subjungit id evenire ob summam thymi in Attica abundantiam, à cuius acuto odore muscæ vehementissime abhorreant. Idemque Michaël Glycas in suis Græcis annalibus refert, adducta eadem Tzetzis ratione. Ego tamen muscas posuisse ova, & vermes suos sub thymo, indeque natas esse muscas vidi, & hæ muscæ non mel modo dilutum decoctione thymi avidè absumebant, sed electuarium etiam ex melle & thymi foliis compositum liguriebant. Ætate forte Plinii, & in monte Carina hæc vera historia erat, quæ in Thuscia, ut credo, numerari inter fabulas posset: quare ut huic prælongæ & nimis tædiosæ epistolæ quam id fieri poterit citissime finem imponam, rediens ad priora, dicam, quomodo carnes demortuorum animalium omnes, nec non pisces omnes, omnes herbæ, & fructus omnes, muscis, & reliquo volantium animalculorum gregi nidum

dum præbent commodissimum: ita fungorum quoque omne genus idem præstare, ut in iis quos lupi crepitus, fuillos, &c. vocant, nec non similibus aliis animadvertere potui. De illis tamen fungis loquor, qui jam antea resecti, & quasi mortui, ac jam putrefacti sunt: qui enim in terra aut arboribus hæctenus radicati sunt, & vivunt, aliud genus vermium, figurâ à muscarum vermibus diversissimum, producere solent, quod vermium genus non segniter trahendo corpus per terram, nec rependo per herbas, ut vermes reliqui, sed pedibus incedendo perinde ut bombyces progrediuntur: & cum illi, qui ex muscis ordinariis vel majoribus nec non culicibus nascuntur, rostrum longum & acutum habeant, hi non nisi breve, & quasi fascia nigra succinctum habent. Hi ipsi ergo statim ut increverunt, sollicitè fungum illum quo nati & educati sunt devitant, & citra transmutationem in ovum, fasciculum ex seta tenuissimum corpori quisque suo inducit, in

quo per dies aliquot determinatos delinēscit: quibus exactis ex unoquoque fasciculo animalculum prodit volitans, & nonnunquam musca minor prælongis pedibus; quandoque ejusdem magnitudinis musca nigra, alis instructa quatuor; nec raro musca æque nigra, & alas quatuor gerens, sed cujus venter inferior in modum caudæ serpentinæ attenuatur.

Jam quæcunque causa efficiens proxima sit hujus generationis vermium in fungis viventibus, credo ego eandem numero esse, quæ vermes in herbis & plantis viventibus generat: qua in re Philosophorum, & illorum, qui in virtutes plantarum earumque naturam investigarunt, opiniones vehementer variant. Fortunius Licetus in libris *de spontanea nativitate Animalium* pro axioma verissimo supponit, ab anima vegetativa, seu omnium aliarum ignobilissima, nunquam posse produci sensitivam: & hoc principio ductus credit hanc vermium generationem fieri

fieri occasione nutrimenti à plantis ex terra attracti, quæ terra, ut ille quidem asserit, multas animæ sensitivæ particulas, ab excrementis vel corporibus mortuis, atque ipsis etiam viventibus exhalantes contineat. Subjungit præterea, illa ipsa etiam siue viventium siue demortuorum corpora plures evaporare atomos, vel corpuscula animam sensitivam exhibentia, quæ volitando per aërem, & cortici plantarum, nec non foliis, & fructibus rubiginosis adhærendo, hanc vermium nativitatem efficiant. Petrus Gassendus in ipsa pulpa fructuum vermes nasci, & muscas, apes, & insecta reliqua, in floribus residentia, semen ibi suum ponere arbitratur, quod successu temporis intra fructus, haud aliter atque in carcere detentum, ope caloris maturativi vermes producat. Plures alias, iterumque alias istiusmodi opiniones recensere possem: sed quia omnes ad speciosum illud principium reducuntur, de quo jam antea locutus sum, ex re visum est, illas silentio prætere-

rire: ac si quid cadere sentiam dicere licet, crediderim fructus, legumina, arbores, folia duplicem ob causam verminare, quarum una hæc est, quod vermes aliunde adventantes, & alimenti penuria laborantes, rodendo viam sibi faciant, & in interiorem fructuum & lignorum medullam penetrent. Altera, quam ego quidem homine Philosopho non indignam esse arbitror, hæc est, quod una illa eademque anima, vel virtus, quæ flores generat, & fructus plantarum, vermes quoque ex plantis producat: Et quis novit an multi fructus non fuerint producti tantum hunc in finem, ut generationi horum vermium hoc ministerium præbeant & matricis loco inserviant, ex qua debito tempore prodeuntes, solis calore vegetentur?

Ego mihi persuadeo, has meas cogitationes non plane paradoxo loco apud te futuras, si tot gallarum majorum, minorumque, nec non cuculorum, calycum, echinatorum, & lapparum genera respexeris, quæ à quercu,

cu, æsculo, cerro, subere, ilice, aliisque arboribus glandiferis producantur: etenim in gallis illis majoribus, quas coronatas vocant; in globulis capillatis, quos *ciuffoli* nostrates vocant; in fructibus cerri ligneis; in stellatis quercuum; in cuculis foliorum ilicis evidentissime apparet, naturam primo & præcipuè id intendisse, ut animal ibi formaret volans: cum in centro gallæ ovum invenitur, quod crescente & maturescente galla crescit & maturatur, quomodo suo tempore crescit vermis ovo inclusus, qui ubi ad maturitatem suam galla pervenit, instante termino natiuitatis suæ in muscam mutatur, quæ ovo disrupto rodere gallam incipit, & à centro ad circumferentiam exiguum & semper rotundam viam parat, qua absoluta, relicto nativo carcere per aërem animose volat, alimenti quærendi gratia.

Ingenue fateor, me antequam experimenta mea circa generationes insectorum coepissem, credidisse, vel ut melius dicam, his suspicionibus in-

dulſiſſe, ac ſi muſca veris tempore adveniens, facta in ramis quercus magis teneris pertenui fiſſura, ſemen ibi ſuum reliquiſſet; quod in cauſa fuiſſet, cur nata recens galla minor foras protuberaret: nec unquam viſas eſſe gallas majores, minoresve, nec corticem vel putamen, neque calyces, vel cuculos, niſi illis in ramis, in quibus muſcæ ſemen ſuum depoſuiſſent: & putare, gallas minores morbum eſſe à punctiunculis muſcarum in quercu provenientes, quomodo in corporibus animalium ab iſtiusmodi punctiunculis inſectorum tumores naſcuntur.

Præterea dubitabam, poſſetne fieri, ut erumpentibus gallis minoribus & fructibus illis capillatis ſupervenientes muſcæ foecundum quendam ſeminis liquorem ibi ſpargerent, qui vivaciſſimorum ſpirituum plenus in interiora penetrans, hunc ibi vermem produceret. Sed conſideratis poſtea melius rationibus, & animadvertendo plures fructus & legumina eſſe, quæ occluſa naſcuntur, & ab

injuriis muscarum tuta sunt, nec tamen eo minus verminant; animadvertendo postea, quod gallæ omnes semper & constantissime in certa quadam & determinata parte rami novelli nascantur: & quod gallæ minores, quæ à foliis quercus, æsculi, aut cerri procedunt, ibidem sub fibris & nervis eorum constantissime nascantur, & nullam unquam gallam visam esse, quæ in plano folii inter duos nervos nasceretur, sed omnes infallibiliter procedere ab illa parte folii, quæ terram respicit, nullam à glabra quæ cœlo obvertitur: cum è contrario, omnes illæ, quæ in foliis fagi & arboribus quibusdam non glandiferis morantur, in parte foliorum glabra nascantur: denique notando, multa esse aliarum arborum folia, sub quibus vesicæ, sacculi, rugæ & tumores nascuntur, vermibus repleti, & protuberantibus foliis ipsas etiam protuberare vesicas, quæ utut minutissima sint folia, videri tamen optime possunt, & cum foliis succrescunt; hinc quivis manifeste certior
reddi

reddi potest; præsertim si observaverit, quid sub foliis ulmi, ilicis, pruni sylvatici, & lentisçi nascatur. Fagus præterea racemos aliquot florum edit, qui baccas producunt rubras & violaceas, quarum unaquæque tres vel quatuor vermes separatim inclusos continet. Idem fagus alium quoque florum fasciculum producit, & flores illi calyculos quosdam protrudunt, ex viridi flavescences, circa basin ligneos, & ubi coeunt teneros: & omnes hi calyces suos singuli vermes producunt, qui deinde assumpta forma animalium volantium prodeunt. Quare mutâ sententiâ multo probabilius me credere posse arbitror, generationem animalium in arboribus non casu fieri, neque à supervenientium muscarum gravidarum semine ortam trahere: idque tanto magis, quod nulla gallarum est, quæ vermem suum non habeat, & quævis gallarum species proprias suas & determinatas vermium, muscarum & culicum species producat, nunquam

variante natura. Præterea mirabile artificium est, quo natura utitur in formando hoc ovo, & ut eidem locum intra gallas minores præparet, ac de fibris filisque prospiciat, quæ velut totidem venæ arteriæque à galla ad ovum procedentia, simul formationi ovi & vermiculi inserviunt, & nutrimentum subministrant necessarium. Et quia nonnullæ harum gallarum minorum species sunt, in quibus plures vermiculi generantur, eadem natura mater suum singulis locum accuratissime adsignavit, haud secus atque in animalibus, quæ numerosam prolem edunt. Etiam hoc videre licet, vermes istiusmodi ab universa, quanta est, quercu fomenta trahere: etenim si gallam coronatam statim ut ex arbore nata est decerpas, dum nullum ovi in galla principium oculis assequi licet, hæc galla nunquam verminabit, nec à verme arrodetur, aut muscam producet: quod si gallam decerpas maturiorem, quæ ovi rudimenta, vel ovum recens formatum, sed tene-
rum

rum exhibeat, vermis ad maturitatem non perveniet: at vero si vermis statum illum & fixum terminum transmutationis in muscam & prodeundi ex galla jam affecutus fuerit, bene habet.

Verum est hunc vermium terminum pro diversitate gallarum quoque diversum esse: nonnullæ enim earundem species veris, aliæ æstatis, aliæ autumnii, aliæ denique primis hyemis temporibus hæc animalia producant: & animalcula nonnulla in certa gallarum specie nata ver alterum expectant; alia æstatem alteram, nec desunt, quæ gallam per annos duos & amplius inhabitent.

Supervacui operis esset de his prolixè loqui, cum hanc historiam ex iis quæ Artimini anno præterito, dum aulam & jucundas venationes illius loci sequeremur, observata sunt, maximam partem non ignores. Quare de his plane tacebo, reservatis illis quæ necessaria videbuntur, usque dum lucem aspexerit particularis & cu-

curiosissima historia, variorum & diversorum fructuum & animalium, quæ ex quercubus aliisque arboribus generantur. Et confido, me quamprimum satisfacere posse curiositati illorum, qui res naturales investigant, cum faventem expertus sim generositatem & Regalem munificentiam Serenissimi Magni Ducis Domini mei, cujus beneficio, longe plures figuras ab exquisito Philicii Pizzichi penicillo depictas habeo.

Illud tamen, ut ad primum propositum redeamus, dicam, mihi exiguum in Philosophia peccatum videri, si credamus, vermes fructuum ab illa ipsa anima & naturali virtute generari, quæ fructus producit & plantas. Utut enim in aliquibus scholis doceatur, à causa minus nobili non posse produci effectum nobiliorem, id tamen serio rideo, cum vel solum muscarum & culicum in quercuum gallis enatorum exemplum, meo quidem iudicio, omnem dubitationem tollat: præterquam quod natura terminos illos, *nobile & minus nobile,*
igno-

ignoret, ut quos acumen humani ingenii in hujus vel illius sectæ usum invenit: Si tamen ob scholasticorum clamores dicendum sit, causam minus nobilem non producere magis nobilem; certe non video quare aut mirum aut incredibile sit paradoxum, plantas præter vitam vegetativam etiam sensitiva gaudere, qua habiles fiant ad generanda istiusmodi animalia, quæ à plantis producuntur. Democritus, qui, Petronio Arbitro teste, *omnia barbarum succos expressit, & ne lapidum virgultorumque vis lateret*, ætatem inter experimenta consumpsit, plantis sensum concedere non dedignatus est. Pythagoras & Plato idem senserunt, nec non Anaxagoras & Empedocles, si Aristoteli libro primo de plantis id referenti credendum est. Ἀναξαγόρας μὲν ἔν καὶ Ἐμπεδοκλῆς, ἐπιθυμία ταῦτα κινεῖσθαι λέγουσιν, αἰσθάνεσθαι τε καὶ λυπεῖσθαι καὶ ἡδεσθαι διαβεβαιῶνται. ὣν ὁ μὲν Ἀναξαγόρας, καὶ ζῶα εἶναι, καὶ ἡδεσθαι καὶ λυπεῖσθαι εἶπε, τῇ τε ἀπορροῇ τῇ φύλ-

Φύλων, καὶ τῇ αὐξήσει τὸ τοῦ ἐκλαμ-
 βάνων. Anaxagoras itaque & Empe-
 docles desiderio eas duci ajunt: sentire
 item ac tristitia voluptateque affici af-
 firmant. Et Anaxagoras quidem ani-
 malia ipsas esse, & voluptate ac dolo-
 re moveri docuit, è foliorum scili-
 cet defluvio, & ex incremento istud
 colligens.

Sed errantes Manichæi, referente
 Augustino, ulterius progressi, plan-
 tis animam rationalem inesse impie
 crediderunt, homicidii speciem esse
 asseverantes, si quis fructus vel flores
 colligeret, aut folia & ramos violen-
 ter decerperet, vel plantas ipsas era-
 dicaret. Moderatus magis Plotinus
 fuit, qui sensum illis tribuit, sed
 somno oppressum & stupidum, qua-
 lem ostrea, spongiæ, & similia alia,
 in scholis zoophyta dicta, habent.
 Plotino aliisque supradictis Philoso-
 phis sese adjungit Johannes Veslin-
 gius, & Thomas Campanella, nec
 non modernorum plurimi, & inter
 illos eruditissimus noster Imperfe-
 ctus, (Dominum Priorem Horatium
 Ri-

Ricasolum Ruccellajum dico) qui in admirandis suis dialogis de anima Vincentium Manuccium introducit, alte, nec sine optimis rationibus huic opinioni patrocinantem. Ego vero ut hanc sententiam probem, non adducam stultam nonnullorum (secundum dicta Plinii) persuasionem, qui Pythagoram à fabis abstinendum esse ideo docuisse credunt, quod animæ mortuorum sese in fabas reciperent: nec tibi dicam fabulosam hujus leguminis virtutem, descriptam in Philosophicis illis manuscriptis, quæ nomen Origenis præ se ferunt, ubi asseritur, Zaretam Philosophum, natione Chaldæum, & Pythagoræ magistrum dixisse, fabas in sole maceratas reddere odorem, humani seminis odori similem: & si florentes in vase quodam sub terra occlusæ detineantur, intra paucos dies futurum, ut pudendi muliebris effigiem (rem ob nativam foeminarum modestiam tantopere celatam) & postea figuram capitis puerilis exhibeant. Verba ipsa Græca Origenis, vel Epiphanii, vel
cujus-

cujuscunque alterius auctoris illius libri non subjungo, quando ea videre poteris in eruditis supra Laërtium Diogenem observationibus Doctissimi & Nobilissimi scriptoris, nostrique communis amici & Academici Ægidii Menagii.

Sed nec argumenti loco adducam virgulta Thraciæ, demortui Polydori spiritu animata : nec Alciniæ hortos, quorum Ariostus meminit: nec sylvas à Bojardo & Bernio inventas: nec tibi in mentem reducam horribilem illam in secundo inferni circuitu sylvam, de qua summus noster Poëta.

Et forte Virgilius, Dantes, alique Thusciciæ Poëtæ fabulis suis docere voluerunt, plantas sensu plane destitutas non esse. Hoc certè scio nullam nec pro affirmativa nec pro negativa conjecturam, experimentum, vel rationem evidentem militare. Interim verum est, plantas aliorum animalium instar nutriri, crescere, semenque pariter suum & fructum producere; nec non anxie solem, &
aper-

apertum serenumque aërem quæ-
re, & quo possunt meliore modo
umbras noxias fugere, ac motu in-
visibili illas mutare : & quis scit, nisi
usque adeo alte in terris radicatae es-
sent, & pedes organaque vocis habe-
rent, annon vitaturæ lædentem, &
læfæ lamentis & clamoribus dolorem
suum testaturæ essent.

Hac occasione mihi redit in men-
tem, me cum Mense Martio Liburni
essem, pomum quoddam, vel fru-
ctum quendam in fissuris scopulo-
rum radicum vidisse, magnitudine
& figura malum aurantium commu-
ne referentem, ejusdem quo fungi
porcini coloris, sed à piscatoribus
fungi marini nomine vocatum: hunc
sublatum, cum internam ejusdem
figuram videre desiderarem, vix ad-
moto cultello pungere & secare cœ-
pi, cum ad quamvis minimam se-
ctionem corrugando sese & contra-
hendo, manifestissima motus & sen-
sus indicia mihi exhibuit: nec tamen
interna ejusdem cavitas, cujus latera
ex candido lactea erant, quidquam
præ-

æter limpidissimam falsi saporis
quam, & filamenta quædam con-
hebant, quæ ab uno latere in aliud
ullo ordine distendebantur. Et
ongix, quæ à maximis quibusdam
ris plantis accensentur, an non con-
hunt sese, & corrugant, ubi tan-
untur vel læduntur?

In paralyfi quandoque accidit, ut
membrum aliquod perduto sensu
otum retineat liberum, & contra,
omnis auferatur motus, sine ulla
el minima læsione sensus. Jam po-
o hoc secundo casu, quis diceret,
membrum paralyticum sensu dota-
m esse, si os ægrotanti & vox deef-
t, quæ testari dolorem suum ad-
tus & incisuras chirurgi posset?
adem ratione quis membrum libe-
sefe movens, sensu carere diceret,
si æger ipse hoc testaretur? Quare
motus, ubicunque etiam inveniatur,
ertum sensus, ut nonnulli volunt,
rgumentum non est. Quisque ta-
en quod placuerit credat: mihi ut
d propositum meum redeam sufficit
ixisse, me ob experimenta facta eo

inclinare, ut credam, generationem vermium in herbis, arboribus & fructibus viventium, non casu, sed perpetua naturæ lege fieri, & singulorum vermium generationes postea in animalcula suæ speciei volitantia transmutari. Nec vero me continere possum, quin tibi unius vel alterius speciei nativitatem & transformationem describam, quod lucem forte majorem huic rei foenerabitur.


Omnes ferè cerasorum species dum arbori cohærent, verminantur & quodcunque cerasum verminaverit, unum solum vermem habet, nequaquam in uno solo ceraso duos inveniri. Vermis candidus, sine pedibus & coniformis est, quales muscas in principio hujus epistolæ descriptas esse dixi. Dum vermis est, nutritioni suæ incumbit, & augmento; nullum unquam deposito ventris excremento: at vero ubi debitam magnitudinem acquisierit, dimisso natali ceraso locum quærit, ubi latere possit, ibidemque sensim corrugatus, ducte
puta-

utamine, servatoque colore in ovum
transformatur candido-lacteum, ex
quo nisi exacto veris principio nihil
ascitur: sed appropinquante æstate
musca prodit minor, nigri coloris, &
capita pilosa: ac pili quidem capitis &
oculi ut rariores, ita his qui in ventre
ascuntur prolixiores sunt. In dorso
semicirculus apparet, aurei coloris,
& caput transversim notatum est fa-
scia aurea, unde vitta, procedit simi-
lis fasciæ, sed latior, & quæ maximam
partem illius spatii tegit, quod inter
utrumque oculum intercipitur. Ocu-
li rubent, lineâ cincti aureâ. Alas
habet candidas, maculis quibusdam
transversalibus, intra leucopeum &
nigrum colorem mediis, usque adeo
elegantè insignitas, ut pennas acci-
pitris referant. Pedes habet sex, ni-
gros & pilosos, ac circa juncturas
auro decoratos. Quæ omnia ex ipsa
figura melius perspicere poteris,
quam hic subjungo, & quæ vermem
primo, tum ovum in quod vermis
transit, ac tandem muscam ex ovo
prodeuntem repræsentat, idque non

in naturali modo & exigua eorundem figura, sed majore etiam, & magis distincta, prout illam exhibuit unius vitri microscopium.

Multum ab his ceraforum vermibus illi differunt, qui in nucibus avellanis, vel nucibus aliis recentibus inveniuntur, ut qui dimidium cylindrum, ex pluribus dimidiatis & candidis annulis compositum, referunt, & caput habent cinereum & nitidum. Tardiuscule incedunt, sex subnixa pedibus minutissimis, qui in tres ordines divisi, caput propius attingunt. Hos vermes, non obstante exactissimâ quâ usus sum cura, nunquam in animalia volantia transformati vidi: & potest fieri, (quod credo) ut vermes nascantur, & quales sunt, vermes moriantur. Nonnullos horum seclusos detinui, qui sine cibi usu diu admodum vixerunt, speciatim unus & alter, qui à vigesimo quinto Julii in decimum usque Novembris perduraverunt. Aliud quoque huic non multum absimile, sed majus, rubrum & pilosum vermium





genus, quod in betæ foliis & capitibus allii invenire est, si in vasis occludatur diutissime vivit, nec unquam in animalcula alata transit: & expertus sum, unum ex his vermibus exiguo vitro charta bene munito clausum, à principio Augusti ad finem usque Maji vixisse. An vero hinc nunc vermes à virtute prolifica arborum generati sint, vel foris accesserint, id equidem haud facile determinaverim: sane cum omnes alii fructus vermes generent, conveniens videtur etiam nuces eos generare: ab altera parte argumentum haud leve suppeditat illos foris accedere, quod nuces omnes, quæ vermem continent, foramen habent callo vel protuberantia quadam obductum, quæ cicatrix fortassis est foraminis, à verme, dum per tenerum putamen in interiora, ipse tenellus, penetrat, facta: unde necessum est, ut cum crescente & indurato putamine illud restringatur & coarctetur, vermis exire volens de alio sibi majore foramine prospiciat: & hujusmodi foramen

men in omnibus illis nucibus invenies, ex quibus vermis vel abiit, vel cito abiturus est. Dubius igitur animi sum, quid credere debeam, nec certi quid statuere possum, utut doctissimi Philosophi autoritate mihi magis verisimile videatur, vermes nucum aliunde advenire, nec intra nucem generari, quæ celeberrimi Joachimi Jungii Lubecensis sententia est in physicis suis Doctoscopiis, à nobilissimæ famæ viro mihi quæ amicissimo Martino Foghelio Hamburgense, collectis, & non sine eruditissimis annotationibus editis.

Vermes prunorum, his qui in nucibus generantur simillimi sunt, nisi quod velocius incedunt, & coloris nonnunquam candidi, aliquando etiam rufi sunt. Intra pruna, ubi nati sunt, delitescunt, pulpæ eorum vitantes, & excrementa ventris deponentes, tantisper dum perfectum incrementum adepti fuerint, quo tempore nidum suum dereliquentes, fasciculum quisque sibi sericeum parat, ex quo postea papilio procedit,
cine-

De Generatione Insectorum. 175
cinereus, quatuor apicibus alarum
nigro puncto insignitis.

Vermes perficorum & pyrorum à
prunorum vermibus nihil differunt,
& factis fasciculis papilio prodit.
Vigesimo quinto Junii in vase vi-
treo, charta sæpius duplicata optime
clauso, decem numero vel duodecim
vermes Pyrorum Moscatorum sepo-
sui, sed arrosa eodem die charta
omnes abierunt: quare insequente
die alios duos in vase saccharo occlu-
so seposui, qui statim superiora vasis
perentes, nidos sibi suos texere cœ-
perunt, ex quibus decimo quarto Ju-
lii totidem papiliones prodierunt.
Decimo sexto die ejusdem mensis
tres alios vermes Pyri sylvestris sepo-
sui, & hi quidem per biduum otiose
egerunt: sed decimo octavo die opus
aggressi, intra biduum vermium illo-
rum unus ex nido suo progrediens,
aliud sibi denuo nidum struxit, unde
tres prodierunt papiliones, sed diver-
so tempore. Primus enim sexto, se-
cundus nono, tertius decimo quinto
Augusti natus est. Quare iteratis

sæpius experimentis deprehendi, pyrorum vermes ut plurimum per dies octodecim in nidis suis subsistere, ita tamen ut quandoque hunc terminum quam longissime excedant: quod si maturius quam par est à pyris abstrahantur, nidos nullos sibi parant, sed intra paucos dies moriuntur.

Cæterum quia mentionem feci papilionum, ex vermibus pyri & pruni generatorum, quærere mihi videris, utrum omnes papilionum species ab arboribus generentur, an vero ex conceptione matris ab ovis & vermibus nascantur. Variant auctores hac in re, quare transmissis eorundem opinionibus quod ego sentio, tibi breviter indicabo.

Papiliones masculi junguntur fœminis, & hæ à congressu illo impregnatæ magnam postea ovorum multitudinem ponunt, ex quibus vermes nascuntur, qui nobis *Bruchi*; Latinis *Eruce* vocantur. Hæ erucæ per certum temporis spatium foliis arborum & herbarum vivunt, & dum in eo sunt sæpius obdormiscunt, & spolia
sua

sua deponunt: at vero ubi jam increverunt, nonnullæ nidum sibi ex serico parant, aliæ nullo nido facto, corrugantur, indurescunt, & in chrysalides transformantur, ac dum ita corrugantur duo vel tria fila serica emittunt, quibus trunco arboris vel saxo tenaciter adhærescunt: alterius tamen generis aliæ, utut corrugentur, indurescant, & in chrysalides mutantur, fila tantum duo aut tria emittunt, nec ulli loco adhærent, sed à vento huc atque illuc ferri possunt. Denique ex nidis illis & chrysalidibus nudi nascuntur, vel ut melius dicam, velut ex sepulchro foras procedunt papiliones, & quælibet species certum suum & determinatum tempus nativitatis habet: alia enim intra paucos dies prodit: alia septimanas; menses aliquot alia moratur: & hæc tertia species, ubi chrysalidis figuram assumsit; & nidum sibi suum in fine veris præparavit, non ante subsequentiis anni vernum tempus in papiliones mutatur: neque ex chrysalidibus semper papiliones, sed muscæ etiam aliquando generantur.

Et

Et quoniam juvat supra à nobis dictorum veritatem ostendere, age quidquid experimentorum circa erucarum & papilionum generationem captorum superest, producamus.

Cum quinto Junii pagum, *Poggio Imperiale* dictum, peterem, in ilicibus viarum ingentem erucarum multitudinem deambulantem vidi, quæ nonnunquam ex arboribus in terram mediantibus quibusdam filis sericis descendebat, & eorundem filorum ope velociter sese in arbores recipiebat. Magnam earum capi copiam curavi, & animadverti, in universum omnes pilis duorum transversorum digitorum longitudine vestitas esse, partim nigris, partim ferrugineis, & circa clunes quidem punctis quatuordecim instar gemmularum rubrarum notatæ erant. Misi illas in arculas quasdam, ubi per dies aliquot foliis ilicis victitarent, & postea deposita veste pilosa, ductis circum circa aliquot serici filis id agere videbantur, ut nidum sibi pararent, quem tamen, sive ob defectum materiæ,
sive,

five, quod arbitror, quia hæc illarum natura est, non perfecerunt, sed intra hoc quaecunque involucrum in chrysalides mutatae sunt, primo sub-rubicundas, & postea nigricantes, quæ figuram coni referebant, cujus basis pilis perpaucis vestita erat. Vigesimo sexto Junii papiliones aliquot nascebantur, ejusdem cum illis, qui ex ni lis sericis prodibant figuræ, nisi quod hi candidi erant, cum illi coloris essent subfusci, intermicante nigro, plumulas in capite duas satis prolixas, & in extremitate ventris serici nigri quoddam velamentum gerentes. Sed vigesimo octavo die ex prædictis chrysalidibus exigui admodum & candidi aliquot papiliones nati sunt, quorum duo inter se coierunt, ex quo congressu foemina longe plurima, minutissima & flavescentia ova posuit, ex quibus mense Majo totidem erucæ minutissimæ prodierunt, quæ intra biduum omnes mortuæ sunt.

Primo Julii ad me delata est eruca viridis, majuscula, inter anfractus

horti Bobolini inventa: Pedes ut reliquæ fere omnes sexdecim habebat, quorum octo gutture, sex medio ventri, & duo extremitati caudæ substernebantur. Incisuras vel annulos quatuordecim, & annulus quisque maculas duas aureas, & baccas habebat ejusdem coloris sex, raris, brevibus, & nucis castaneæ colorem imitantibus pilis ornatas. Quinto Julii, cum per quatuor dies nihil comedisset, nidum sibi præparavit, ex candido serico, non sine multa circum circa nidum, ab acuminata parte apertum, serici textura, ex quo sub finem insequentis Maji papilio prodiit.

Quinto Julii in Solani planta erucam inveni maximam: simul ac scposita erat, folia illius herbæ arrodere coepit, & septimo ejusdem mensis exuvias deponens chrysalis permansit rubra, sed quæ paulatim obscurior facta, tandem nigricare coepit: & ex hac chrysalide secundo Augusti papilio natus est longe maximus, qui irritatus vespertilionis instar stridebat.

bat. Coloris erat aurei, sed alas, dorsum, ventrem, & caput totum niger color occupabat, surgentibus duabus ex capite nigricantibus plumulis: oculi subfusci, proboscis nigra videbatur, & cartilaginosa, & quæ is papilionum reliquorum ori multis annulis annexa erat: pedes sex, ubi pectori annectebantur, pilosi, & aurei coloris; articuli reliqui punicei erant. Sub finem pedum, & per omnes pedum articulos ungulæ apparebant, vel si mavis unci. Sex tantum dies supervixit.

Duodecimo Julii ad me delatus est ramus quernus, in cujus duobus foliis plus quam triginta erucæ, pilis brevibus & candidis opertæ; nec non per totum corpus maculis flavis, aureis, leucophæis, candidis & nigris variegatæ convenienter & ordine quiescebant. Caput colorem nucis castaneæ æmulabatur, splendidum, & in medio figura literæ Y insignitum. Omnes hæ erucæ immobiles & quietè dormiebant, & in arculam capacem demissæ, sub finem bidui

exuvias deponebant, evigilantesque statim folia quercus & æsculi, illa tamen quam hæc avidius vorare cœperunt, quo tempore in angulum arculæ secedentes, & per totum biduum somno oppressæ, positis denuo spoliis evigilarunt, & cum majores multo, multoque pilosiores evassissent, avide admodum & intemperanter vorabant, ad primum usque Augusti, quo die, omni præter expectationem repudiato cibo, velut attonitæ dormituriæ, & debiles agebant, imminutoque corpore, & totæ pilosæ, sive punctim, sive tactu incitatæ, vix movebantur, quasi morbo aliquo laborantes, illisque bombycibus similes, qui antequam opus & nidum suum aggrediuntur, ægrotañtes & marcentes, à nostratibus *Vacca* vocantur. Et hac quidem ratione in noctem usque quarti Augusti egerunt, quo tempore sex illarum depositis denuo spoliis in chrysalides nigricantes mutatæ sunt, infantibus fasciâ devinctis simillimæ, nullo, ac ne minimo quidem emissio ferici filo, quo

quo firmare corpus ad latera vel operculum arculæ possent, id quod proximo mane animadversum, occasionem mihi præbuit videndi modum, quo erucæ in chrysalides mutantur. Et externa quidem spolia circa caput qua parte dorsum capiti proximum aliquanto altius eminet, in duas partes dirumpuntur, & hinc chrysalis agitando & movendo sese semper prodit, ac tantisper sese agit & contorquet, dum spolia à capite ad caudam usque propulsa verit, quo tempore caput insigniter acutum, & cauda illum in modum attenuata apparet, ut finito hoc transmutationis opere chrysalis coni figuram assumerit, tota viridis, tenera, & tactui cedens, qui tamen color viridis, facto ab extremitate caudæ principio, sensim, sed evidenter per totum corpus in aureum, ac postea rubrum mutatur, indurescente semper inter has colorum mutationes pelle; ultimum jugulum viridem in aureum colorem mutat, & ubi aureus ille color in rubicundum transiit, reliquum corpus
ni-

nigrum, vel nigro proximum colorem assumpsit, totum indurescens: & hæc omnia dimidio horæ vel paulo majore temporis spatio absolvuntur, id quod sæpius videre mihi licuit. Erucis jam omnibus sexto Augusti in chrysalides mutatis, suam quæque figuram usque in ver proximum servavit, quo tempore circa finem Aprilis ejusdem generis papiliones successive, & servato ordine temporis, quo ex erucis in chrysalides abierant, nati sunt. Multi ex his papilionibus vixdum nati erant, cum ova sua, numero ut plurimum triginta quinque vel quadraginta aut circiter ponerent, coloris degeneris, sed in medio exili quodam puncto nigro notata, ex quibus defectu masculini seminis nihil unquam prodiit.

Vigesimo Julii super pruno inventa est eruca pascens, coloris crocei, usque adeo magna, ut tres quartas unciae penderet. Annulis constabat tredecim, quos inter gemmæ quædam coeruleæ & pilosæ micabant. Primus annulus, quo caput
ab

absolvebatur, sex istiusmodi gemmas; secundus, tertius, & quartus octo; quintus, mutato ordine, septem; & sextus, septimus, octavus, nonus, decimus & undecimus sex; duodecimus quatuor, ultimus vero nullam obtinebat. Præter has pilosas gemmas annulus quisque duas maculas candidas nigra linea circumdatas habebat. Ipso suæ captivitatis die nidum sibi præparavit capacissimum, colore moscum referentem, & qui setis potius valde hispidis, quam ex materia, quæ reliquis in usu est, constare videbatur, nec tamen eo minus arculæ usque adeo pertinaciter adhærebat, ut sine maxima vi evelli non potuisset, utut texturæ illius exterioris, quâ usa fuerat eruca illa viridis in componendo candido suo nido, ut supra diximus, nihil adesset. Verum quidem est, utrumque nidum ab ea parte, qua in acumen transit, apertum fuisse: & ex hoc nostro circa finem Augusti papilio natus est longe maximus.

Septi-

Septimo Augusti in arcula seposui
 erucam, in fasciculo rutæ inventam:
 viridis erat, & maculis flavis, rubris
 & cœruleis conspersa. Eodem ipso
 die, folio quod arculam claudebat,
 adhærens, immobilis perstitit, emissis
 ex utroque latere duobus filis sericis,
 & à cauda promanante nonnihil la-
 nuginis. Totum folium occupave-
 rat, servato colore & figura. Inse-
 quente die color ruber & cœruleus
 evanuit, solo permanente viridi, in-
 durataque eruca nullis depositis exu-
 viis caput attollebat, cornibus ut vi-
 debatur instructum, & circa hume-
 rum omoplatæ apparebant duæ, qua-
 les in macilentis hominibus solent:
 cauda etiam reducta & acuminata
 erat, & circa eam totum corpus ver-
 tebatur. Exactis quatuordecim die-
 bus papilio nascebatur, coloris flavi,
 lineis distinctus, eleganter tam in
 corpore quam alis intermicante ni-
 gro. Alarum minores duæ in extre-
 mitate maculas duas rotundas & ru-
 bras; nonnullæ cœruleas, puniceo
 circumdatas habebant, & ab ultima
 ora

De Generatione Insectorum. 187
ora duæ quasi appendices alarum
audæ propendebant, & à capite
non jam pennæ duæ, sed totidem
longissimæ, mobiles, nigricantes, &
circa apicem quam basin crassiores
antennæ surgebant. Quinto die mor-
uus est.

Cum mense Seprembri in loco,
cui *Poggio Imperiale* nomen est, mor-
rarer, magnam erucarum, ex viridi
flavescentium, & maculis aliquot
nigris candidisque distinctarum co-
piam colligi curavi: hi ramusculos
brassicæ rodebant. Sepositis in ar-
cula brassicam manducandam exhi-
bui, & exacto quadriduo omnes fere
operculum arculæ petentes ibidem
immobiles hærebant: & nonnullæ
quidem earum durante hoc tempore
ova posuerunt minuta, & serico in-
voluta. Cum jam per triduum im-
mobiles stetissent, non pellem to-
tam, sed illam modo partem exue-
bant, qua caput tegebatur. Hinc mu-
tari sensim figuræ, & indurescere
cortex cœpit, donec eandem quam
chrysalis rutæ formam assumsissent,
tena-

tenaciter arculæ adhærentes: etenim
emisso ab extremitate caudæ filo seri-
co, duobusque aliis circa humerum
arculæ annectebantur: & erant qui-
bus sub jugulo filum nascebatur
Servarunt hanc figuram per totum
veris tempus: appropinquante ta-
men Martio plures exsiccabantur,
amisso motu, quo tactæ cieri sole-
bant: nec tamen eo minus haud
paucæ numero vitam & motum con-
servarunt, quæ sub principium Maji
derelicto ad arculæ operculum pu-
tamine prodierunt, in forma papilio-
num, ex viridi & flavo subalborum,
duabus maculis nigris & rotundis in
alis superioribus, & totidem flavis
cornibus in capite sese exerentibus,
eadem qua in papilione rutæ ratione.
At vero cum nonnullas mense Mar-
tio induratas & motu privatas chry-
salides aperirem, totum putamen va-
cuum inveni, illa parte exceptâ,
quæ pectori respondebat, ubi ovum
inveni coloris inter puniceum & ru-
brum medii, quod materiam conti-
nebat lacti vel albumini ovorum si-
milem.

De Generatione Insectorum. 189
ilem. Undecimo Maji ex omnibus
is ovis muscæ nascebantur, illius
generis, quæ frequenter per ædes
nostras vagantur, torpentes, attonitæ
& informes, instar illarum, de quibus
in principio hujus epistolæ dixi, quod
originem ex vermibus carniū tra-
xissent. Hoc eodem tempore ex his
minutissimis ovis totidem nigri &
minutissimi culices, duabus in capite
prominentibus nigris & longissimis
antennis prodierunt.

Plura alia experimentis captis ob-
servaveram, sed per incuriam evenit,
ut observationum illarum folia ali-
quot amiserim. Sed memoriæ satis
fidere non possum ut ejus ope illam
resarciam jacturam. Itaque ad alia
transibo & observabo, posse fieri, ut
arbor aliqua erucas generet, quæ po-
stea in chrysalides, & successive in
papiliones mutantur; quod tamen
nec affirmo, neque nego: & ut quis-
que quod visum fuerit credere possit,
referam tibi, me hoc ipso anno, mense
Majo observasse, sub foliis viticis,
ab illa parte, quæ asperior est, & ter-

ram spectat, baccas vel tubercula viridia nasci, magnitudine nuclei cerasi, foliis leviter annexa, quæ exeunte Majo rubrum colorem assumunt, candido distinctum. Hæc tubercula intus flavescent, & cavitationem magnam habent, in qua semper minutissima eruca habitat, corpore candido, & capite nucis castaneæ colorem imitante, & quasi inaurato, quæ in hac cavitate nutrimentum quærit, & excrementa deponit. Inde à principio Junii usque ad principium Octobris id egi, ut investigarem, verene ex his tuberculis prodirent, & in papiliones mutarentur erucæ illæ: sed nunquam usque adeo benignam fortunam expertus sum, ut vel unam solam invenirem, quæ in vermem abiisset: & quanquam plures seorsim seposuissem, irritus tamen conatus meus fuit, quando post duodecimum aut tertiumdecimum diem erucas in cavitate tuberculorum mortuas inveniri.

Est aliud etiam viticis genus, quod baccas illas rubras in foliis non producit,

De Generatione Insectorum. 191
ducit, sed illarum loco in ramis tumores vel callos quosdam protrudit, in quibus erucæ generantur, prioribus similes, sed quarum nec finem nec transformationem inveni.

Vigesimo nono Maji ad me allati sunt rami salicis, in quorum foliis nati erant tumores quidam virides, sed qui in rubrum colorem inclinabant. Hi tumores longi, & phaseolorum instar glabri erant, & diversum à baccis viticis situm obtinebant, ut quæ ab illa facie foliorum nascuntur, quæ terram spectat, & à foliis facile auferuntur; cum hi salicis tumores ab utroque foliorum latere excrescant, eo ipso limbum acquirunt, omnesque juxta nervum majorem in medio foliorum sedem suam obtinent, eorumque unus, duo & quandoque tres in uno folio inveniuntur. Placuit aperire nonnullos, & cavitatem inveni, in qua eruca candida, illius instar, quam in vitice inveni habitabat. Præterea observavi, horum tumorum haud paucos perforatos, nec in cavitate illa quicquam superesse præter


ter excrementa erucæ absents, id quod mihi videndæ transformationis spem fecit, sed vanam: utut enim plurima folia cistellis quam diligentissime servarem, nulla tamen erucarum prodibat; & post aliquot dies mortuas illas reperi. Quod si lubet videre figuras illarum plantarum & erucarum, de quarum nativitate, quod sciam, apud Rerum Naturalium mentio nulla fit, en tibi easdem optime delineatas, minores quidem erucarum prout naturaliter sese offerebant, majores vero prout exiguum & ordinarium microscopium illas exhibebat.

Alias erucas super aliis arboribus natas esse non novi. Doctissimus Pater Athanasius Kircherus libro duodecimo Mundi subterranei iterum scribit, morum è semine cujusunque animalculi, in illius interiora penetrantis, gravidam, bombyces generare: quod ipsum in causa est, cur ego, aliique meo rogatu quicquid circa Florentiam, pluresque alias Tusciæ civitates mororum est, accu-


alli culmorum

Viticis


Pag. 192



Bacca rubræ foliorum Viticis



tubercula foliorum Salicis.





accuratissima diligentia observaverimus; sed nullum ibidem nati, aut signum nascituri bombycis unquam invenire potuimus. Aristoteles è brassica quotidie erucas generari voluit: sed neque hujusmodi generationem vidi: sæpius observavi, in foliis, ramisque brassicæ, & vicinarum herbarum à papilionibus magnam ovorum copiam depositam esse, ex quibus postea erucæ, & ex erucis chrysalides, ac tandem ex chrysalidibus papilioes nascuntur.

Quicunque herbas, arbores, & arborum rimas attente perlustrat, his similia sæpius ova inveniet: & memini me sub principium Maji in foliis sambuci non exiguam minutissimorum ovorum copiam invenisse, flavi coloris. Placuit videre, quid inde proditutum esset, & intra paucos dies totidem minutissimos vermiculos prodire vidi, quibus statim folia sambuci, ab ipsis avide devorata, exhibui. Crescebant sensim, assumpto flavo colore, multisque maculis

I. culis

culis rubris: cauda eorundem mediam lunam referebat: caput minutissimum & acumdatum erat: cum ambularent, crustas quasdam pedum loco ex imo ventre producebant. Major vermium pars vigesimo Maji immobilis reddebatur, planè abstinendo ab omni cibo, servato eodem colore & figura: sed primo Junii sex horum vermium corrugantes sese, in ova mutabantur gibbosa & ferruginea. Ex ovorum illorum uno duodecimo Junii musca prodiit, ordinariis minor, alis duabus cartilaginosis, candidis & corporis longitudinem superantibus: pedibus flavis sex, & cornibus duobus è capite coloris ferruginei nonnihil prominentibus: dorsum ejusdem coloris erat, sed dilutioris, cui succedebat macula ingens flavi, ut videbatur, coloris. Reliqua pars ventris flavo vividoque colore tincta, lineisque transversalibus distincta erat. Statim ut nata erat hæc musca, stercus deposuit candidum, & exacto biduo mortua est.





Ova quinque reliqua septimo post primum die excludebantur, indeque prodibant muscæ, ejusdem quidem cum prima coloris, sed figuræ diversissimæ: quinque enim muscæ oblongæ, & tenues erant; alas quatuor, sed corporis longitudinem non æquantes, & pedes sex habebant, quorum duo quatuor reliquos longitudine plurimum superabant. A capite prodibant duæ longissimæ acutæque antennæ, pluribus nodis constantes. Hæ muscæ, haud secus ac prima, statim, ubi natæ erant, stercus deponebant candidum, & exacto quatridduo moriebantur. Interim observavi, ova, in quæ hi vermes sambuci, ubi transformantur, se se corrugant, verme minora fieri, & muscam ex ovo prodeuntem ovo majorem esse, ut impossibile videatur, eandem ovo illo potuisse capi, necessumque sit, eam vehementer coarctatam & restrictam fuisse; & quia per imbecillitatem ingenii mihi non licet accuratè describere hæc animalcula, figuram tibi eorum juxta naturalem simul, &

auctam microscopii ordinarii unius
que vitri ope delineatam magnitudi-
nem mitto.

Quod si, ut paulo ante scripsi, ge-
nerationem bombycum in moro per-
spicere non potui, tanto minus con-
fido, fore, ut eandem in putrefactis
carnibus juvenci, per viginti dies
foliis mororum pasci, animadver-
tam.

Poëta nobilissimus Hieronymus
Vida ad imitationem Virgiliani car-
minis eleganter hanc fabulam de-
cantat.

*Quod si spes generis defecerit omnis
ubique,*

*Seminaque aruerint Iovis implaca-
bilis ira,*

*Sicut apes teneri reparantur cæde
juvenci.*

*Hic superaccedit tantum labor ante
Juvencus*

*Bis denosque dies, bis denasque or-
dine noctes*

*Graminis arcendus pascu, prohiben-
dus ab undis.*

In-

*Interea in stabulis tantum illi pin-
guia mori*

*Sufficiunt folia, & lactenti cortice
ramus.*

*Viscera ubi cæsi fuerint liquefacta,
videbis*

*Bombycem fractis condensum erum-
pere costis,*

*Atque globos toto tinearum effervere
tergo,*

*Et veluti patres passim concreescere
fungos.*

Id quod duobus magnis & jure cele-
berrimis nostri seculi Philosophis
Petro Gassendo, & P. Honorato Fa-
bro, post Ulysses Aldrovandum ve-
ritati consentaneum visum est. Quid
dicam nescio: periculum ejus rei
nullum feci, nec facere animus est.
Certè scio, ex carnibus hædi, per dies
viginti foliis mori saturati, nihil præ-
ter vermes, in muscas majores trans-
formatos prodiisse: & contra ex
ejusdem hædi carnibus seclusis pror-
sus nihil natum esse. Scio etiam, su-
per moris calefactis & putrefactis

vermes nasci, qui suo tempore in muscas majores & ordinarias mutantur: & in fracidis mori foliis eadem ratione muscas ordinarias, nec non quatuor vel quinque culicum minutorum species, haud secus atque in aliis omnibus herbis nasci; ita tamen ut muscæ ordinariæ, & culices, semen antea suum eo deportarint, quo deficiente, ut alias dixi, neque ex herbis, neque ex carnibus putrefactis, vel qualicunque alia re, non vivente, quidquam nascetur. E contrario, quicquid vivit, & vere animatum est, intra se vermiculum producere poterit, eadem qua cerasa, pyra, pruna, gallæ, & echinati calices quercuum, æsculorum, cerri, ilicis, & sagi ratione, in quibus vermes illi nascuntur, qui in muscas, papiliones, & illius generis animalcula volantia transmutantur.

Eteadem forte, ut mihi persuadeo, ratione fieri poterit, ut in intestinis, & aliis hominum lumbrici & cirones, in felle & vasis hepatis arietum & vervecum id genus vermium, quod



nostrates macellarii *Biscivole* vocant; & in capite cervorum & arietum fastidiosissimi illi, qui ibidem inveniuntur, vermiculi nascantur. Et quia nonnullis novum videri poterat, hepar vervecum quandoque verminosum esse, & cervorum capita vermes alere, libenter & paucis tibi dicam, quæ observata mihi sunt, atque adeo tibi transmitto figuram vermium majorum utriusque generis.

Vermes vervecini vel arietini hepatis figuram habent seminis cucurbitæ, vel ut melius dicam exigui & tenuis myrti folii, cauliculo dotati. Colorem obtinent ex lacteo candidum, & multi in illis translucent vasorum ramuli, vel canaliculi ex flavo virides. Os, vel si mavis foramen habent rotundum, & in planitie ventris haud procul ab ea parte quæ respondet folii cauliculo positum. Sæpius hi vermes vervecini in cista fellis inveniuntur, nec in felle modo, sed omnibus hepatis vasis natant, solis arteriis exceptis, ubi nunquam illos

vidi. Putaverim tamen in cista illos nasci, & quod rodendo viam sibi faciant, ex canaliculo fellis in canalem sanguinis progredientes, ubi nimis multiplicati, internam hepatis substantiam arrodunt, ibique cavernas agunt, in quas sanguis bile mistus regurgitans paludem facit, colorem assumens ex viridi & ferrugineo mistum, & aspectu foedum valde & ingratum, nec non amari admodum saporis: quare si quis hoc ad animum revocaret, ægre admodum ex abominando istiusmodi hepate paratum, ut vulgo fit, cibum, utut à macellariis antea probe mundatum, admitteret.

Vermium in capite cervi natorum Aristoteles, capite xv. libri secundi historiarum animalium, his verbis meminit: *Cervi omnes vivos in capite vermes habent, sub lingua, in cavitate quadam, illi vertebra, qua caput collo annectitur vicina natos. Magnitudine maximis eorum, qui ex quovis putrefactæ carnis genere producuntur æquales sunt, & frequenter viginti*
ant

De Generatione Insectorum. 201
int circiter inveniuntur. Ego curiole
illos in cervis tam provectæ ætatis,
quam junioribus, qui *Fusoni* vena-
oribus vocantur, quæsiivi, & ferè
in omnibus inveni. Fere, inquam, in
omnibus: revera enim nonnunquam
instiusmodi capita tractavi, quæ
prorsus nullum vermem contine-
rent, id quod vigesimo septimo Fe-
bruarii mihi accidit, ubi ex decem
numero capitibus, jussu meo apertis,
novem verminosa, unum vermibus
liberum inveni: & paucos post dies
ex juniorum seu Fusonum sex capi-
tibus quatuor tantum inventa sunt,
quæ vermes continerent. Aristote-
les illos, quo ad magnitudinem, cum
his confert, qui in putrefactis carni-
bus inveniuntur.

Mihi tamen cervini vermes citra
comparationem longe majores & di-
versissimæ ab illis figuræ videntur:
dimidiati enim cylindri formam hi
cervorum vermes obtinent, circa
partem inferiorem, quæ terram respi-
cit, plani, quoad superiorem turgidi
& candidi, sed multis pilosorum

semiannulorum lineis insigniti, pilis
 ipsis ferrugineum colorem referenti-
 bus. Duo in capite candida & minu-
 tissima cornua gerunt, quæ cochlea-
 rum instar, ubi lubitum est, vel con-
 trahunt, vel emittunt, iisque ducis
 loco utuntur. Sub his cornibus unci
 minores duo inveniuntur, nigri, duri,
 & non sine magna titillatione & mo-
 lestia vehementer pungentes: atque
 his uncis, ut videtur, dum ambulant
 utuntur, figentes illos primo, ac tum
 demum attracto corpore, sine pedi-
 bus serpentes. Extremitas illa, per
 quam excrementa ventris deponere
 solent, transversum canaliculum ha-
 bet, duabus maculis nigris, instar
 lunæ dimidiæ notatum. Non est de-
 terminatus eorundem numerus, &
 quanquam Aristoteles viginti circiter
 numeret, ego tamen in uno solo capi-
 te horum animalculorum triginta
 novem, nec unquam minus quam
 viginti inveni.

Prorsus similes, quod ad externam
 figuram, his vermibus illi sunt, qui
 in capitibus vervecum nascuntur,
 sed

fit, id nec negare me, nec affirmare.

Et fieri potest ut hæc ipsa vita, quæ in capitibus cervorum & vervecum istiusmodi animalcula producit, causa etiam sit nativitatis (quod negare non ausim) animalculorum, quæ Græcis *φθῆρες*, dicuntur, & externas hominum, quadrupedum, & volatilium partes infestant: at vero, si licet proferre cogitationes meas, huc feror, ut cum doctissimo Johanne Sperlingio credam, eadem ex ovis maternis mediante coitu fecundatis nasci, & Aristoteles, & qui illum sequuntur moderni, ex ovis & lenticulis nihil animalium nasci volunt. profecto decipiuntur: in infinitum enim multiplicantur, ut vanus labor mihi videatur, id probare velle, cum pili quadrupedum, & volatilium pennæ sæpius istiusmodi lenticulis obsessæ sint, qui utut nonnunquam usque adeo minuti sint, ut oculo opus sit perspicaci, ut dignoscantur; si tamen microscopium adhibeas, figuram optime considerare, & foetus ab

iis secernere licebit, ex quibus animal jam prodiit. Quod si quis obstinati nimis animi ab imaginaria microscopiorum illusione sibi metuit, ova videat pennis chrysaëti, tinnunculi & avis illius, qui quod frequenter inter vaccas versatur, *vaccajo* nostris vocatur, & inter rapaces numeratur, annexa, & granulis panici haud paulo majora, & certior reddetur, oculusque, per se nullius ope microscopii satisfacere sibi, & pulices in ovis ipsis bene formatos videre poterit, id quod sæpius observare, atque inde discere mihi licuit, quam infirmum Aristotelis fundamentum sit.

Affirmari & forte citra injuriam veritatis posset, animalia quæque molestis hisce sordibus obnoxia esse. Plinius asinos excipere voluit, & oves; at si verum non scripsit, excusandus est, alterius enim relationem sequitur, Aristotelis scilicet, in libris *Historiæ Animalium*, quam multis post seculis Thomas Moufetus in celeberrimo suo insectorum theatro confirmavit, ubi cap. xxiiii. libri

primi, nolens reprehendere summum hunc Philosophum ; anxie rei rationem quærere , & scribere maluit, asinum ob naturalem pigritiem tarde moveri, & raro ludare, ideoque pediculis obnoxium non esse. Sed postea animadvertens forte, frivolum nimis, & nullius ponderis esse hanc rationem, ad universale illud , & omnibus applicabile, nec unquam destituens antipathiae perfugium decurrit. At tamen pediculos alit asinus, & pediculorum asini simul & cameli figuram postea dabimus. Oves autem pediculis obnoxias esse, quivis insulsus pastor novit, & Didymus lib. 18. de Re Rustica clare, & post illum Jacobus Alfiruzabadi, in magno illo vocabulario docet, cui titulum Ægyptiaca voce Alcamus, id est Oceanus fecit.

Prædictus Moufetus ipsos etiam scarabæos hoc animalculorum genere torqueri refert, id quod ego, quamquam experimento destitutus facillime mihi persuadeo, cum plurimis oculatis testibus docere possim, ipsas
etiam


formicas ab hoc malo non exemptas esse, & singula formicarum genera singulare quoddam genus horum animalculorum alere; sed acutis oculis, & exquisitissimo microscopio opus est, ut optime dignoscantur, usque enim adeo minuti sunt, ut atomis annumerari posse credam. Alatarum formicarum pediculi, eandem quam gallinarum, tabula secunda eandem quam turturis, tabula eadem adumbratorum, figuram obtinent.


Auctores historiæ naturalis referunt, & piscatores omnes affirmant, pisces etiam vario insectorum genere torqueri; & pulices, pediculi, cimicesque marini, nomina sunt, huic generi hominum notissima. Aristoteles id de delphinis & thunnis, alii de salmone & pisce gladio affirmant. Plinius generaliter ait, nullum animal esse quod non in mari nascatur: animalcula ibi esse æstiva diversoriorum, quæ velociter saltant, & quæ sub pileis absconduntur. Cibus extra aquam quærentia, sæpius agglomer-

me

merata inveniuntur, & hæc ipsa piscibus in mari somnum interrompere dicuntur: nonnulla etiam in quibusdam piscibus nascuntur, quibus chalcis annumeratur. Ut eo facilius adhærere tantæ authoritatis scriptoribus possis, narrabo tibi, me cum mensè Martio circa scopulum Melloriæ stellas marinas & herinaceos marinos, scrutandorum viscerum causa, conquiri juberem, vidisse animalcula quædam, spinis plurium herinaccorum adhærentia, & colorem cancro- rum, figuram vero & magnitudinem porcellionum & asellorum terrestrium obtinentia, cornibus quidem carentia, sed quæ oculos haberent, nigros, & minutissimos duos, nec non pedes sexaginta subtilissimos, circa limbum corticis eorundem positos, & de his puto loqui Aristotelem capite tertio, libri secundi utilissimæ suæ Animalium Historiæ. Paucos post dies, ubi armatura locustæ marinæ conjungitur, insectum aliud affixum vidi, quod vulgus piscatorum scorpionem marinum vocat.

Pag. 208.





Casus ne fortuitus, an accidens ordinarium fuerit, non ausim dicere: nihilo tamen minus sententiæ Aristotelis subscriberem, affirmantis, insecta aquatica non in externis piscium partibus, sed limo generari: atque is mihi nidus videtur, ubi semina insectorum deponuntur, & foveantur. Generositate Serenissimi Magni Ducis, Domini mei, præterito veris tempore mihi concessus est vitulus, ut vocant marinus: vixit sine cibo, extra aquam, per septimanas integras quatuor, vixissetque diutius, nisi in usum theatri anatomici Pisani dissectus fuisset. Toto illo tempore, quo penes me fuit, in id incubuere mei, an in denso illo & deformi capillitio, quo vitulus ille totus tegitur, nidum sibi fecissent animalcula hæc vel illa, sed inventum est nihil. Econtra Mergi, seu Colimbi Græcorum, & qui vulgo *marangoni* vocantur, omnesque aliæ aves, quæ in aquas sese demittunt; & sub aquis prædantur, ac in paludibus & stagnis agunt, magnam copiam pulicum, intra pennas suas

suas perpetim commorantium obtinent.

Quia denuo pulicum mentionem feci, extrarem non erit, fusius enarrare quid multorum experimentorum beneficio didicerim. Aves cujuscunque generis suos peculiare, proprios, determinatos, & plane diversos pulices habent. In accipitre tres diversas species, totidemque in gallina Numidica, vulgo Pharaonis dicta, inveni: in anate sylvestri, quam *Marigianam* nostri vocant, quatuor: in cygno, anseris sylvestri, tinnunculo, pluviale, duas. Verum tamen est, dari certum genus avium, quod his simillimos vel eosdem pulices habeat. Etenim chrysaëus, & avis à vaccarum confortio *vaccajo* dictus, æque ac tinnunculus magnos, tabula x i i i. delineatos habent: & hic quidem alios præterea, corvi pulicibus, tabula xvi. repræsentatis, quoad figuram non absimiles, sed coloris diversi; ille alios pediculis asteris minoribus simillimos. Nonnulli tardæ & gallinæ pulices maximam par-

partem, si remotiore loco spectentur, aliter pulices tab. i. designatos representant. In pico Martio & fringilla similes sturni pulicibus, tab. ii. exhibitos, vidi, & in anate sylvestri majore, quasi eosdem, qui in anseris sylvestri reperiuntur. Inter gruibus pennas pediculi nidulantur illius figuræ, quam tabula iii. videre poteris, omnes candidi, & Arabicis quasi characteribus, vel notis numerorum picti. Ejusdem speciei inveniuntur in avibus nonnullis, quæ in horto *Bobolino* nutriuntur, & nuper ex Africa advectæ sunt, Mauris *Bukottaia* dicti, quas alteram gruibus speciem esse puto, utut figura & pennarum colore gruibus ordinariis simillimæ, sed corpore nonnihil minore & exiliori sint, & habeant duas cristas plumeas longas & albas in capite, quæ facile mihi persuaferint esse Grues Balearicas.

Omne genus avium peregrinarum, quæ in horto prædicto nutriuntur, observatum à meis est, sed in struthiocamelo nulli unquam pulices in-

inventi sunt, ac ne in ciconia quidem. Sed hoc fortuitum esse poterat in una & sola illa quæ aderat ciconia, cum struthiocameli, duodecim, & inter hos nonnulli recens ex Numidia advecti essent. Porro magnitudo pulicum non respondet magnitudini avium, sed apud aves majores diversi generis pulices invenias, majores & minores, & memini me in merula vidisse, qui non cederent magnitudini pulicum cygni.

Si pulices superne respicias, oris nulla vestigia videbis: sed si illos invertas, os deprehendes situm ab illo latere proboscidis, quod terram respicit, & formam habet duorum forcipum, eadem fere qua teredo ratione: figuram videsis tabula VIII. quæ pulicem cygni repræsentat. Denique pulicum genera usque adeo diversa, mira, & alia ab aliis distincta sunt, ut satius duxerim, nonnulla per Filizium Pizzichum delineata, & postea pro ratione brevissimi temporis quàm optimè fieri potuit æri incisa exhibere, quam longa & tædiosa oratione

ea describere. Colorem quod attinet, eundem ut plurimum, aut maxime similem, pennis avium obtinent. Verum est, me illam fovere opinionem, dictatam ab experientia, quod pulices, dum ex lendiculis prodeunt, candidi nascantur, sed postea crescendo pedetentim & insensibiliter colorem assumant; ita tamen, ut servata pelluciditate corporis ope microscopii simul motus viscerum, & fluctuans in illis liquor perspicui optimè possint: & ut eo melius de ratione magnitudinis horum insectorum conjecturam capere possis, uno eodemque trium vitrorum microscopio, Romæ laudabiliter, & non sine exquisita industria ab Eustachio Divini elaborato, usus sum semper.

Hujus microscopii ope tria formicarum non alatarum quæ in Thuscia inveniuntur genera repræsentata sunt, nec non curculio, & vermiculus qui condita arrodit, & qui pilos dorsumque hominis perambulat, itemque ille qui inter pilos inguinis delitescit: pediculus præterea asini
&

& cameli, nec non arietis Africani, recens ex Numidia advekti, ejusdem cum Fifano vervece magnitudinis & figuræ, auresque non minus latas & pendentes, caudamque tenuem, & in terram usque propendentem, trahentis, sed quicùm sic duobus magnis cornibus armatus, & pilos capræ villis prolixiores, crassos & hispidos obtineat, alterius generis esse deprehenditur. Eadem ratione designatus est pulex capreoli & tigridis, cui similem figuram pulex leonis habet, excepto colore & magnitudine; leonis enim major, & coloris, præterquam in una parte, spadicei est, ubi gibbus cernitur coloris cervini obscurioris, quo eodem colore pulex tigridis ubique tinctus est. Inquisivi per meos, an tigrides etiam à pediculis infestarentur, sed nullos unquam repererunt; idemque de leonibus, pardis, ursis, ichneumonibus, muribus odoratis, felibus Africanis, sylvestribus dico, quæ genera animalium ex antiqua & regali consuetudine in arce Serenissimi Magni Ducis aluntur:

nec


De Generatione Insectorum. 215
Nec tamen negaverim, posse fieri, ut
pediculos habeant; id tantum affir-
mo, quæcunque hic nunc quidem
sunt animalia, pediculis carere, aut
illam, quam adhiberi par erat dili-
gentiam, adhibitam non esse: etenim
circatigrides & leones ludere, istius-
modi artificium est, quod nemo facile
exercere velit.

Cum calamo manum admoverem,
animus erat epistolam tibi scribere
justæ longitudinis: sed postquam
epistolæ limites, nescio qua ratione,
quam longissime transgressus sum,
librum fere, & stylo quidem quando-
que arido & jejuno exaravi, ut jam
vitio illud mihi à multis non sine ra-
tione verti possit. Nec tamen quen-
quam ægre ferre velim, quod liberius
forte meum super celeberrimorum
hujus & præteriti ævi Philosopho-
rum sententia judicium protulerim:
cuivis enim quod magis placuerit se-
quitur licet: nec indecoram esse, aut
existimationi & reverentiæ, quam
illis debeo, detrahere quicquam hanc
procedendi viam putaverim: quin,
nisi

nisi qui tyrannidem affectat, ægre
 ferre hanc in Republica Philosophica
 circa naturales speculationes ratioci-
 nandi libertatem non debet, cum præ-
 ter inquisitionem veritatis nihil aliud
 spectet, *quæ*, ut Seneca ait, *omnibus pa-*
ret, nondum est occupata: qui ante nos
fuerunt, non domini, sed duces sunt:
multum ex illa etiam futuris relictum
est. Ego id ago, ut particulam quandam
 illarum ingentium reliquiarum colli-
 gam, atque id solum me male habet.
 quod exiguæ meæ vires non respon-
 dent maximis illis commodis, quibus
 per supremam Serenissimi Magni Du-
 cis, unici Domini mei indulgentiam
 fruor: eveniet tamen, ut quidem spe-
 ro, ut deposita ruditate & collectis viri-
 bus offerre tanto Protectori, quod Re-
 gali ejusdem magnitudine non usque
 adeo indignum sit possim. Interim cer-
 tus sis, hanc epistolam, vel si mavis hunc
 librum ad te non laudis desiderio, sed
 ut emendaretur missum, quod calidis
 votis à te peto, satis gnarus me inter
 eos esse


-- *Quos fama obscura recondit.*

Pulices Accipitrís



Tab. I

Pulex Columbæ majoris



urturis


Gallinæ



Surni



Pulex Gruis



Pulices Fulicæ

Fig. I




Fig. II.







Fig. III.



Pulex Picæ




Tab. V




Ichneumon post-pagani 216 *Ichneumon* 217

Pulex Ardeæ





Pulex Albardeolæ



Pulex Cygni



Tab. VIII

Pulex Anatis Turcicae




Pulex Lari



Pulex cygni se-
cundi generis



ulices Anseris
sylvestris







Pulices avis Pluvialis



Pulex Querquedulae




Pulex Timmunculi




Tab. X111


Pulex Pavonis




Tab. XIV




Pulex albi Pavonis






Pulex Capi



Pulex Corvi





Pulex Sturni candidi



Vermis conditorum
et pharm^acorum

Tab. XVII

Pediculus ordinarius



Pediculus inguinalis



Pediculus Capreoli




Pediculus Cameli



Tab. XX

Pediculus Asini




Tab. XXI




Pediculus arietis
Africani



Pediculus Gallinæ
Africanæ



Vermis vel pediculus Tigridis




Curculio




Tab. xxv


Formica prima



Tab. XXVI




Formica secunda



Tab. XXVII



Formica tertia Italica ab incurvata
cauda Ricciacula dicta



Tab . XXVIII

ELENCHUS AUTHORUM, qui hoc tractatu citantur vel illustrantur.

A.

Æ Lianus.	45. 56. 61. 62. 65. 72. 82. 84. 98. 103. 111. 112. 133. 134.
Albertus Magnus.	52
Alcamus.	206
Alcazuinus.	111
Aldrovandus.	50. 77. 82. 102. 103. 197.
Alexander Aphrodisæus.	102
Anaxagoras magister Archelai.	7. 164
Anaximander.	9
Antigonus Caristius.	44. 65. 66. 73
Apollonius Rhodius.	7
Apollodorus.	77
Apuleius.	113
Archelaus.	7. 48. 65
Ariostus.	9. 148. 167
Aristoteles.	53. 56. 71. 72. 73. 106. 114. 140. 164. 193. 200. 203. 204. 205. 207. 208. 209.
S. Augustinus.	165
Avicenna.	71. 76. 94. 95

B.

B Andinus (Dominicus.)	82
Bartholinus.	30. 68
S. Basilius.	82
Bauhinus (Johannes.)	115
Berni.	167
Bibliotheca Photiana.	62. 141

K

Blan-

I N D E X

Blancanus (Josephus.)	114.
Bochartus (Samuel.)	54. 76.
Bojardus.	
Bruerus.	

C.

C Ampanella (Thomas.)	
Caporalis (Caesar.)	
Cardanus.	50.
Carolus Maurellus.	
Castor Durandes.	
Celsus.	
Cherlerus (Henricus.)	
Clusius (Carolus.)	
Cointus Smirnaeus.	60.
Columella.	44. 45. 58. 59.
Constantinus Pogonatus.	

D.

D Amir.	
Dantes.	
Dati (Carolus.)	
Demetrius.	
Democritus.	9. 47.
Didimus.	56.
Digbi.	
Diogenes Laërtius.	7.
Dioscorides.	

E.

E Manuel Philo.	
Empedocles.	7.
Epicurus.	7.

A U T H O R U M.

<i>Epiphanius.</i>	166
<i>Eustachius Divini.</i>	213

F.

F <i>Aber (Honoratus.)</i>	41. 52. 69. 115. 135. 197
<i>Florentinus.</i>	47. 50
<i>Foghelius (Martinus.)</i>	174
<i>Furenins (Thomas.)</i>	72
<i>Franciscus Albergottus.</i>	55
<i>Franciscus Follus.</i>	50
<i>Franzius.</i>	56

G.

G <i>Alenus.</i>	15. 71. 82. 83. 102
<i>Gassendus (Petrus.)</i>	49. 121. 155. 197
<i>Georgius Pathimerus.</i>	66
<i>Georgius Pisida.</i>	38. 48
<i>Grembs.</i>	50
<i>Grevinus.</i>	67
<i>Gorraus.</i>	77. 80

H.

H <i>Arvaus (Guilhelmas.)</i>	13. 14
<i>Helmontius.</i>	69
<i>Herodotus.</i>	55
<i>S. Hieronymus.</i>	82
<i>Hieronimus Vida.</i>	196
<i>Hiob.</i>	99
<i>Hofferus (Wolfgangus.)</i>	70
<i>Hollerius [Jacobus.]</i>	70. 71
<i>Homerus.</i>	30. 61. 126
<i>Horatius Ricasolus Rucellains.</i>	165
<i>Horus.</i>	66

K

	Ja-
--	-----

I N D E X

I.

- I**acobus Alfiruzabadi.
 Iohannes Ionstorus. 50.
 Iohannes Michael Febrinus.
 Iohannes Pagnius. 79
 Iohannes Baptista Porta. 66. 67. 69
 Iohannes Rhodius. 72
 Iohannes Ruccellaius.
 Isidorus. 66. 103.
 Iungius [Ioachimus.]

K.

- K**emal Eddin. Muhammed. &c. 87.
 Kiranides.
 Kircherus [Athanasius.] 35. 37. 38. 43.
 69. 94. 96. 97. 111. 115. 137. 138. 1
 143. 144. 1

L.

- L**actantius.
 Landus.
 Leo Africanus.
 Licetus [Fortunius.] 50. 67. 69. 71. 98
 Lucianus. 101.

M.

- M**acrobius. 87.
 Mago.
 Manichæi.
 Martialis.
 Matthiolus. 69. 115. 116.
 Menagius [Ægidius.] 64.
 Michaël Curopalates.

A U T H O R U M.

Mousetus [*Thomas.*] 50, 60, 65, 67, 110,
111, 112, 114, 117, 205, 206.

N.

N *Icander.* 48, 63, 65, 76
Nicandri Scholiastes. 66, 77, 82, 84

Nicolaus Stenonis. 90, 146

Nierenbergius [*Eusebius.*] 67, 69

O.

O *Limpiodorus.* 66

Origenes. 49, 166

Ovidius. - 44, 48, 65, 68, 69, 81, 98, 132, 134

P.

P *Aladius.* 59

Paracelsus. 37

Petronius. 164

Petrus Crescentius. 50, 59

Philander Cous. 48

Philo Hebraeus. 49

Philo Tarseensis. 48

Pincianus. 58

Plato. 7, 164

Plinius. 44, 53, 57, 58, 59, 61, 65, 66, 67,

68, 69, 72, 74, 75, 76, 82, 93, 98, 103,

111, 112, 113, 132, 133, 135, 136, 139,

150, 151, 166, 205, 207

Plotinus. 165

Plutarchus. 49, 65, 111, 133

Pythagoras. 98, 164, 166

Pomponius Mela. 132

Pricæus. 113

R.

Rab.

I N D E X

- R.
- R** Abbi Salomon.
 Rondeletius.
- S.
- S** Achs [Philip. Iacob.] §1, 68,
 Scaliger.
 Seneca.
 Servius Grammaticus.
 Severinus [Marc. Aurel.]
 Soranus.
 Sperlingius (Iohannes Bapt.) 42, 43,
 102, 103, 22
 Steno.
 Strabo. 90, 11
- T.
- T** Almudista.
 Tertullianus. 81, 82, 87, 113, 1
 Theocriti Scholiastes.
 Theophrastus. 62, 63, 11
- V.
- V** Arro. 15, 43, 45, 47, 48, 56, 59,
 Veslingius (Iohannes.)
 Vincentius Manuccius.
 Virgilius. 45, 47, 49, 50, 59, 65, 113, 167, 1
 Vossius (Gerardus Iohannes.)
- Z.
- Z** Acharias Ben Muahammed.
 Zareta Chaldaeus.
 Zexes.

INDEX RERUM

notabilium.

A.

Ægyptii & Æthiopes generationem hominum ex terra suæ regioni adscribebant. 6

Anas Sylvestris major. 211

Anaximandri opinio circa generationem hominum ex terra. 9

Anguillæ non nascuntur sua sponte ex cadavere humano. 99

Albardeolæ pulices, *tab. VII.*

Animalia mortua non verminant. 43

Animalia à viperis, & scorpionibus tacta, vel terribilissimo peti veneno infecta tuto comedi possunt. 91

Animalia an devorent individua propriæ speciei. 107

Anser Sylvestris, 210. ejus pulices. *ibid.*

Aper apri mortui carnes absumit. 108

Apes non prodeunt ex carnibus tauri putrefactis, 43. 63. neque ex stercore bovino, 51. quomodo natæ ex Leone occiso à Samfone, 54. 55. artificia seu modi varii ad producendas apes adhibiti, 43. *usque* 49. diversam à crabronibus habent naturam, 60

Apes non nascuntur ex carnibus Leonum, 53.

Et seqq. non attingunt carnes mortuas, 56. mortuæ non reviviscunt, 103. non generantur aut evomuntur à serpentibus Russiæ, &

I N D E X

- Podoliæ ,
 Apum ferocia ,
 Apum examen in cadavere Leonis , 53. in
 pulchro Hippocratis , *ibid.*
 Aquila percussa à scorpione Tunetano , 93. et
 pulices , *ibid.*
 Aranei non nascuntur ex terra , 10. quam
 vivunt absque alimento , 107, 110. exuv
 deponunt , *ibid.* nidus eorum , 111. ra
 modus figendi fila , *ibid.* ubi conserve
 materia staminis illorum , 70. ova & m
 vermes deponunt , 114. non nascuntur
 putredine , *ibid.* non oriuntur ex ga
 quercuum , 115. quomodo extremitates te
 sue deducant , 117. 118. mortui ver
 nant , *ibid.*
 Arbores insecta producentes , *ibid.*
 Arcades , eorumque opinio circa generationem
 hominum , *ibid.*
 Asini an à pediculis infestentur , 205. hor
 figura expressa *tab. xx1.*
 Athenienses cur aureas cicadarum imagines
 leis affixas gererent , 7. primos homin
 ex terra in Græcia natos autumabant , *ibid.*
 B.
B Accæ rubræ in foliis viticis , *ibid.*
 Barbi , 26. culices ex iis nati , *ibid.*
 Bombyces non generantur ex carnibus putre
 cti juveni , *ibid.*
 Bruchi , *vide* Eruçæ.
 Bryon

R E R U M.

Bryonia.	141
Bukottaia.	211

C.

C Adavera animalium, nisi aliunde adducto
semine, nullum animal producant. 95.

99. 100

Capillos mulierum in serpentes non transmutari.

95. 96

Caseus quomodo verminet,

126

Carnes putrefactæ nidum solummodo præbent
in quem ab animalibus deferantur vermes,
ova, vel quodcunque aliud vermium semen,

18

Carnes putrefactæ in lagenis occlusis repositæ,
non verminant,

33. 39

Cerasa verminantia unicum producant ver-
mem, 170. cujus figura exprimitur, 172.
ejus transformatio.

171

Cerasorum omnes quasi species verminant, 170

Cicadæ non nascuntur ex terra,

10

Cavallucci genus vermiculorum, 145. illorum
historia, 146. *U seqq.* figura expressa, 149

Cervum dextrum cornu occultare ubi decidit
mera fabula, 62. ejus pediculi expressi *ta-
bula. XXIII.*

Ciconia,

212

Cirones in felle & vasis hepatis arietum & ver-
vecum.

198

Clematis vel vitalba, 143. ejus figura, *ibid.*

Codacavallina.

141

K 5

66

I N D E X

Colimbi. 21

Commentatores in Nicandrum, 66. 76. 84. calabrones ex pelle equina ortum traxisse existimant.

Copia scorpionum in Italia, 75. ejus inoptimum tempore Plinii. ibid.

Corvus, ejusque pulices, 210. *tab. xvi.*

Coturnices an generentur ex carnibus putrefactis thunni. 10

Crabrones avide gustant quicquid carniū a cadaverum illis apponitur, 60. diversam apibus habent naturam, *ibid.* culices & apes obstinate persequuntur, 63. an nativitate suam debeant certæ carnis putrefactæ species, 65. originem non trahunt ex carnibus equinis, *ibid.* nec ex cerebro asini, 67. a mulis. ibid.

Crocodilus mortuus non generat vespas aut scorpiones,

Culices ex Barbis nati, 28. non crescunt, formam quam nativitatis tempore habent magnitudinem semper servant.

Curculio, 213. ejus figura expressa *tab. xxv.*

Cygni pulices. 21

D.

Democriti opinio de generatione hominum

E.

ERucæ sive bruchi, 21. eorum varia transformatio in papiliones, 174. & *seqq.* c. ver

R E R U M.

versâ experimenta circa erucarum & papilio-
num generationem, 178. & *seqq.* an gene-
rentur ex plantis, 178. *usque* 189
Erucæ viticis, 189. salicis, 191. earum histo-
ria & figura, *ibid.* an nascantur in moro &
brassica, 192
Excrementa muscarum, 29. 33. 42. 120
In cancriis non nascuntur scorpiones, 67
Experimenta varia circa generationem eruca-
rum & papilionum, 178. & *seqq.*

F.

F Elæ castrati proprios testiculos deglutiunt,
109. fœminæ quandoque filiolos recens
natos devorant, *ibid.*
Feles Africani Sylvestres 214
Florentia quot libras scorpionum singulis an-
nis in conficiendo oleo contra venena absu-
mat, 75
Formicæ an nascantur ex terra, 10. pediculos
habent, 207. horum figura, *ibid.*
Formicæ alatæ, *ibid.*
Formicarum non alatarum tria genera in Thu-
scia inventa, 213. earum figura. *tabula*
xxvi. xxvii, xxviii.
Fuci non nascuntur ex asinis, 66
Fungus marinus sensu præditus, 168

G.

G Allæ majores minoresque quid producant,
156. & *seqq.* & quomodo, *ibid.*
Gallina aquatica percussa à scorpione, 39
Gal-

I N D E X

- Gallina corylorum, 21
 Gallina Numidica, vulgo Pharaonis dicta
 210. ejus pulices *tab.* XXII.
Gavonchi, species anguillarum, 110. anguilla
 nobiliores devorat, *ibi*
 Generatio insectorum, 11. 12. authoris opi
 nio, 16. II
 Grus, 211. ejus pediculi. *tab.* III.
 Grus Balearica, 211
 Gutta in cuspide aculei scorpionum coloris car
 didi, 95

H.

- H** Erbæ omnes semine vermium infectæ ver
 minant, 150. sub una eademque herb
 quandoque plura nascuntur animalia. 150
 Herinacei marini, 20
 Historia variorum fructuum & animalium
 quæ ex quercubus aliisque arboribus gene
 rantur, 166
 Homines ex carne humana resuscitari poss
 stultum est. 31

I.

- I** Nsecta quomodo generentur in luto. 136. in
 arboribus & herbis, 15
 Insectorum generatio, 11. 12. authoris opi
 nio, 16. I

L.

- L** Eo alterius leonis carnes depascit, 108. ejus
 pulex, 214
 Lignum putridum non generat scorpiones, 71
 Lina

R E R U M.

Linx urinam suam è conspectu hominum sub-
 trahit, 62. an ob invidiam id faciat an præ
 timore, 63
 Locustæ non generantur ex carnibus thunni,
 101. quomodo nascantur, 136
 Lucerta mortua non generat viperas, 95
 Lucius lucium voraciter insequitur, 109
 Lumbrici, 16. quomodo generentur in corpo-
 ribus viventibus, 198
 Lumbrici in felle & vasis hepatis arietum &
 vervecum, *ibid.*

M.

M Arangoni quid, 209
 Marigiana quid, 210. ejus pulices, *ibid.*
 Merula, 212. ejus pulices, *ibid.*
 Musca cujus nulla mentio apud Historicos, 23
 Muscæ quanto tempore sine cibo vivere possint,
 105. araneos mortuos comedunt, 120
 Muscæ, 16. non nascuntur ex terra, *ibid.* &
seqq. sed ex vermibus diversarum carnium,
 28. & *seqq.* ex vermibus sambuci, 194. ea-
 rum figuræ expressæ, 195. non oriuntur ex
 cadaveribus aliarum muscarum, 36. non
 crescunt, sed eandem magnitudinem quam
 ex ovis producant toto vitæ decursu servant,
 37. ova & vermes generant, 42
 Muscæ non generantur ex stercore muscarum,
 42. habent repositorium ovorum, *ibid.* non
 oriuntur ex stercore putrefacto, 52. quo-
 modo ortum trahere possint ex cadaveribus

I N D E X

humanis, 101. oleo unctæ, vel aquis suffocatae moriuntur, nec vitam unquam recuperant, 102. & *seqq.*

Muscarum stercora, 29. 33. 42. 101.

Muscis cæsis, & in vase clauso sepositis, quomodo inde generetur, 35.

N.

Nilus, ejusque inundatio, 13.
Nuces, ejusque vermes, 17.

O.

Observationes circa viperas, 14.

Oleum communis insectorum hostis, 101.
vermes interficit, 100.

Opiniones diversæ circa generationem insectorum, 11. & *seqq.*

Ova gallarum in quercubus, 156. 161. ova inventa in foliis sambuci, 193. vermes innati, *ibid.* eorumque metamorphosis, *ibid.*

Ova ex quibus nascuntur vermes, 3.

Oves à pediculis vexantur, 20.

Oxiacantha, 143. ejus figura, 14.

Ozimum non producit scorpiones, 71. & *seqq.*
quomodo vermes generet, 15.

P.

Papiliones non crescunt, sed eâ magnitudine ex ovis prodeunt, quam toto vitæ decursu servant, 38.

Papiliones ex vermibus pyri, 17.

Paracelsi stultitia, ejusque ridicula methodus generandi homunciones in vasis chemicorum, 10.

rum,	38
Pediculi cervi <i>tabula</i> XXI II.	
Pediculus hominis. XVII II. Tigridis <i>tab.</i> XXIV.	
Pediculus inguinalis. XIX.	
Pediculus Cameli <i>tab.</i> XX. Asini, <i>tab.</i> XXI. arietis Africani, <i>tab.</i> XXII. Gallinæ Africanæ, <i>ibid.</i> Cervi <i>tab.</i> XXI II.	
Phillyrea secunda Clusii, 143. ejus figura expressa,	144
Phœnices & Phryges generationem hominum ex terra suæ regioni adscribebant,	7
Picus Martius, ejusque pulices,	211
Pisces fluviales in lagenas apertas, & occlusas conjecti, 32. quid inde natum,	33
Pisces torqueri etiam ab insectis,	207
Plantæ omnes semine vermium infectæ verminant, 150. diversa quandoque animalia sub una eademque planta nascuntur,	151
Pluvialis, 210. ejus pulices, <i>tab.</i> XI.	
Pocula ex Monocerotis cornu fabricata inutilia,	86
Prognosticon formatum à muscis & vermibus gallæ fabulosum est,	116
Prunorum vermes quomodo transformantur,	174
Pulices Accipitris <i>tab.</i> I. Albardeolæ, <i>tab.</i> VII.	
Anatis Turcicæ. <i>tab.</i> IX. Anseris Sylvestris. <i>tab.</i> X. Ardeæ. <i>tab.</i> VI. Capi. <i>tab.</i> XVI. Capreoli. <i>tab.</i> XIX. Cervi. <i>tab.</i> XXI II. Columbæ majoris. <i>tab.</i> II. Corvi. <i>tab.</i> XVI. Cygni. <i>tab.</i>	
K 8	VIII.

I N D E X

viii. Fulicæ. *tab.* iv. Gallinæ. *tab.* ii. Gru
tab. iii. Pavonis. *tab.* xiv. Pavonis al
tab. xv. Picæ. *tab.* v. Pluvialis. *tab.* :
 Querquedulæ. *tab.* xii. Sturni. *tab.* :
 Sturni candidi. *tab.* xvii. Tinnunculi. *t*
 xii. Turturis. *tab.* ii.

R.

R Anæ falso creduntur nasci ex luto, 1:
 mortuæ non reviviscunt, 135. mod
 exhibendi ranarum generationes improb
 tus & rejectus, 138. *Seqq.* earum histori

ibid.

S Carabæi non nascuntur ex asino, 66. per
 culis torquentur,

Scorpiones non generantur ex terra, 10. i
 nec ex Crocodilo mortuo, 67. non ex Sisy
 brio aquatico, 71. aut ex ozymo, *ibid.*
 69. neque ex cancris sub terra sepultis, 6
 ligno fracido;

Scorpiones non pariunt ova, sed scorpione
 los, 72. & plures quam undecim, *ibid.* r
 ti quamdiu vivant absque cibo, 73. quom
 do sese habeant in utero matris, 73. matre
 non necant, nec ab illa neci dantur, 74. v
 nenati non sunt in Italia, 75. quot nod
 vel vertebrae habeant,

Scorpiones Ægyptii, 78. in quo differant
 Italicis,

Scorpiones Tunetani, 79. horum descriptio
ibid. figura, 93. an acumen aculei foran

R E R U M.

habeat, 81. cuius coloris sit eorum venenum, 82. 83. experimenta varia circa illorum venena, 84. *& seqq.* superstitiosum Barbarorum præservativum ad averruncandum hoc lethale venenum, 85. quando pestiferi sint, 88

Scorpiones mortui succo ellebori albi madefacti non reviviscunt, 94. cancos fluviales fasciculo basilicæ alligatos scorpiones allicere falsum est, *ibid.* interemti verminant, *ibid.* metamorphosis horum vermium; *ibid.* non renascuntur ex cadaveribus scorpionum, 95

Scorpius marinus, 209

Scorpius fabulosus natus in cerebro hominis, 70

Sensus cur à Deo concessi rationi, 1. 2. sensus plantarum, 164. *& seqq.*

Serpentes putrefacti vermibus operti & cur, 19. 20. in lagenas missi ocluso orificio, sed nihil inde natum, 32

Serpentes fabulosi qui lacte nutriuntur, & apes pariunt, 64

Serpentes quomodo generentur, 96. an nascantur ex cadaveribus serpentum, aut ex spinali medulla hominis, 97. 98

Sisymbrium aquaticum non producit scorpiones, 71

Spina alba, 143. ejus figura, 144

Stellio, 62

Stercora muscarum, 29. 33. 42. 120
Stoi-

I N D E X

Stoici credebant homines ex terra nasci haud
 cus atque fungos,
 Struthiocamelus an habeat pulices,
 Sturnus, 211. ejusque pulices, *tab. 11. & ta*
 XVII.

T.

T Arda, 210. ejus pulices, *ibid.*
 Terram nonnulli antiquorum credebant
 matrem omnium animalium,
 Testudines terrestres ova quæ depofuerunt te
 ra contegunt,
 Thunnus. 101. experimenta circa illius ve
 mes,
 Tigris tigridum carnes devorat, 108. ejus pu
 lices, *tab. XXIV.*

Tineæ,
 Tinnunculus, 205. 210. ejus pulices, *tab. XI*

V.

V Accaio quid, 205. 210. ejus pulices, *ibid.*
 Vermes sua sponte non nascuntur ex cad
 vere humano,
 Vermes in nucibus, 172. in betæ foliis, & c
 pitibus alii, 173. in prunis 174. in per
 cis, 175. in pyris, *ibid.* nidus eorum
 transformatio, *ibid.* in cadaveribus arane
 rum, eorumque transformatio,
 Vermes cerasorum quomodo transformentur
 170. eorum figura expreffa,
 Vermes in ranis, 25. in *Barbis*, 26. horu
 pondus, & transformatio, *ibid.* & *seqq.* ve
 m

R E R U M.

vermes in carnibus putrefactis nascuntur ex fe-	
mine muscarum ,	32
Vermes in caseo , lacte , recocta ,	121. 123.
super pepone & aliis fructibus , & quid inde	
generetur ,	129. & seqq. vermes in fungis ,
153. vermes hepatis vervecini eorumque fi-	
gura ,	198. vermes cervini capitis , eorum-
que figura ,	199. vermes in capitibus ver-
vecum ,	202
Vermiculus qui condita arrodit ,	213. ejus fi-
gura ,	tab. XVII.
Vervex Fisanus ,	214
Vespx non generantur ex terra ,	10. neque ex
crocodilo mortuo ,	67. vescuntur carnibus ,
60. illarum feritas ,	ibid. circum serpen-
tum cadavera fremunt , & quare ,	63. culi-
ces & apes persequuntur ,	ibid. floribus &
fructibus vivunt ,	ibid. non nascuntur ex
carnibus equinis ,	66. nec ex corio asini , ib.
Vipera , ejusque liquor venenatus ,	61. 62
Vitalba ,	143. ejus figura expressa ,
Viticis baccæ rubræ ,	190
Vitulus marinus ,	62. quamdiu extra aquam
sine cibo vivere possit ,	209
Ursus ursi carnes devorat ,	108

F I N I S.

1872-1873

1874-1875

D E
AVE DIOMEDEA

DISSERTATIO,

*Cum Verâ ejus effigie æri incisa,
ex Muléo*


D. FRIDERICI LACHMUND
HILDESHEIM.


Ad Cl. Virum,

Dn. D. JOHAN. DANIELEM
MAJOREM,

In Acad. Kilon. Anatom. &
Botan. Prof. P. & Ordin.

Rever. & Seren. Episc. Lubec. Archiatrum
*nec non Collegii naturæ Curiosorum
Adjunctum.*




 Um ante biennium Avis
 hac peregrina, quæ DIO-
 MEDEA nominatur, ad
 me missa esset, diligenter
 equidem Autores, à quibus mentio fa-
 cta esset de illa, evolvi; Inveni autem,
 præter admirandam metamorphosin,
 ab Augustino pro verò quasi habitam,
 à Bocatio autem rectius explicatam,
 quòd omnes, excepto Aldrovando, de
 figura & specie incerti sint & dissen-
 tiant. Et licet Aldrovandus prout ex
 Ornithologi literis ipse cognoverat, eam
 satis rectè describat, tamen effigies mi-
 nus rectè est delineata. Nolim au-
 tem, L. B. te mirari, vel mihi vitio dare,
 quòd in hac Dissertatione Variorum
 Autorum testimonia de hac ave de ver-
 bo ad verbum adduxerim & exscripse-
 rim. Sic enim habeto; faciùs illud
 esse, ut eò melius eorum dissensus de hac
 averara Orbi literato & viris naturæ
 curiosis innotescat. Feci illud exemplo
 non paucorum virorum doctorum, qui
 similia ita excerpserunt. Unum è mul-
 tis memoro, Virum è scriptis notissimum

& celeberrimum, Casparum Schottum
qui Physicam suam curiosam totam
ex aliis describere non dubitavit. In-
terdum quidem & suum iudicium ad-
dit, quod tamen de hac ave incertum
est, & errore non vacat.


Magnopere igitur abs Te peto, L. B.
ut conatum hunc meum mihi laudi po-
tius, quàm vitio ducas, méque hac ra-
tione ad alia (utpote de Lapide Judaï-
co, de quo jam tractatum meditor)
edenda inflammes, atque tam diu effi-
gie, hætenus à nemine rectè delineatâ
sis contentus, donec illi, quibus optabi-
lior se offert occasio, fabulas in verum
convertant. Vale & fave L. B.

5

CLARISSIMO VIRO,
D. JOHANNI DANIELI
MAJORI,

S. P. D.

FRIDERICUS LACHMUND.

 Atis mirari nequeo, quòd in variis tuis, iisque pere-
ruditis scriptis aliquoties
fiat mentio Rariorum
meorum, tam Artificialium, quàm
Naturalium, à me partim in itinere
collectorum, partim in patria reper-
torum, partim verò ab amicis com-
municatorum; sed quoniam nondum
ad eam quantitatem pervenêre, nec
tanti æstimanda sunt, ut mereantur
tuis inseri, non possum aliter existi-
mare, quàm quòd fuerit humana
quædam & amica adhortatio, quâ
animum meum magis magisque ad
hoc studium *jucundum & utile* indu-
cere & invitare voluisti.

Fareor equidem, quòd hoc instin-
ctu factum fuerit, nec infelici pro-
gressu. Quemadmodum enim imple-

6 DE AVE DIOMEDEA

met Muséum meum, quantum fieri potuit, propriis sumptibus, in tam exiguo temporis spatio selectionibus rebus ex tribus regnis illustravi, in qua re curiosi quidam amici mihi deesse non voluerunt; sic à Te, Viri Clarissime, ex regno minerali mihi transmissa sunt nonnulla, inter quæ species quædam est lapidis Judaici suo tempore *Tractatui meo de Lapido Judaico* cum effigie inferenda.

Mineralia etiam haud pauca ac me misit D. D. *Augustus Schefferus Hallensis*, jam apud Magdeburgensem Medicus, ex quibus notatu dignissimus est lapis, figurâ aëtiæ similis, colore fulvus, cujus materia est arenosa loco lapidis vel terræ, in se continens arenam candidam naturâ in pulverem redactam.

Ludum verò *Helmontii*, Terram Iken, ovum aliàs philosophicum dictum, nec non corollam precariam de sale Cardonensi ex Hispania, nuper accepi à D. D. *Martino Fogelio*, apud Hamburgenses Practico celeberrimo.

Ad-

DISSERTATIO. 7

Adhuc alia mineralia habeo ex donatione D. Dr. *Andreæ Bebrens*, Medici & Senatoris Reipubl. nostræ Hildesheimensis, qui præter hæc me donavit nummis duobus æneis, quorum alter est *Vitellii*, alter *Gordiani*. Ex his primus propterea rarus & notatu dignus est, quòd illo confirmantur verba illa *Suetonii*: *Vitellius Germanici cognomen recepit, Augusti distulit, Cæsaris in perpetuum recusavit*; meus tamen nummus exhibet *Titulum Augusti*, & ideo rarior est. De hoc vid. Cl. *Spanhemius* in aureo lib. de præst. & usu Nummism. qui propter raritatem pag. m. 851, nummi effigiem addit, à quo meus nummus tamen differt, quòd illius inscriptio ab altera parte est: PAX GER ROMA, mei verò: HONOS ET VIRTUS.

Celeberrimus D. Dr. *Theodorus Connerdingius*, qui inter inferioris Saxoniæ Medicos facilè primas tenet, & Sereniss. Principis ac Dni Dni Georg. Guilielmi, Brunsv & Luneb. Ducis, Archiater est, è Celsissimi Principis

8 DE AVE DIOMEDEA

Vivario, quod *Cellis* est, & quidem ipsius Ducis concessu, præterlapsor anno ad me misit *Phasianum versicolorem*. Versicolorem dico, ad differentiam *Phasianorum candidorum*; qui ibidem etiam quotidie possunt videri; de quibus maximopere miror, quòd nemo Ornithologorum hæcenus, quod sciam, eorum faciat mentionem.

Ex Vegetabilibus, Animalibus, & Mineralibus simul quædam satè curiosa aliquoties accepi à Pharmacopœo nostro, D. *Adolpho Windhorn*, qui hæc ex Batavia attulit.

Quam *jucunditatem* autem hoc studium habeat, monstrant Musæa, Galleriæ, Pinacothecæ, Dactyliothecæ, Bibliothecæ, & alia rariora Regum, Principum, & privatorum hominum, quorum catalogus reperitur in Tractatu Tuo Germanico sub titulo: *Seefart nach den Neuen welt ohne schiffe und segel*: cui meritò addi debet Bibliotheca Augusta Sereniss. Principis ac Dni Dni *Rudolphi Augusti*, Ducis Brunsv.

DISSERTATIO. 9

Brunsv. & Luneburg. à Sereniss. Patre *Augusto*, gloriosissimæ memoriæ, incepta, & in tantam multitudinem redacta, ut anno 1661 fuerit numerus omnium Voluminum 28415, & summa librorum separatorum 116351, uti testatur Cl. D. *Conringius* in Epistola de Bibliotheca Augusta; nec non Sereniss. Fratris, D. ANTON. ULRICI Gaza, in qua inter alia, quum præterito anno, Sereniss. Principis permissu, illam perlustrarem, summopere mihi placebat, Imperatoris LOTHARII pomm imperiale (*Reichsapfel* :) ex ferro, nî fallor, in Cœnobio Regio Lothariensi, Germ. *Königs Luther* / in sepulchro ejus repertum, item brachium artificiosum ex argento, etiam post cineres Celeberrimi Herois, Sereniss. Principis ac D. Domini CHRISTIANI p.m. Duc. Brunsv. & Luneb. qui in acie brachium perdidit, unde suprâ nominato argenteo brachio usus est. Ipsius adversarii & hostes tum temporis hujus infortunii duplicem causam fuisse,

10 DE AVE DIOMEDEA

se, judicârunt; alteram, quòd cudi
jussisset imperiales, & florenos au
reos, quorum alteri parti impressa
fuerunt hæc verba: CHRISTIAN
HERZ. ZU BRAUNSCHW. U
LUNEB in medio verò GOTTE
FREUNDT DER PFAFFEN (in
florenis PAFFEN) FEINDT; alteri
parti brachium armatum cum gladi
dio, inscriptio verò TOUT AVEU
DIEU 1622. alteram, quòd vexil
lum habuisset, quod vocant *Heil
standarde* / ex serico candido fa
ctum, in quo sequentes auræ figura
& literæ acu pictæ, nempe, coron
Pontificis, pileus Cardinalis, mitra
Episcopi, & alia, &c. infrà verò hæc
literæ majusculæ: EXTIRPAN
TOR! Vexillum hoc Romam ad
ductum, & in Ecclesia, *Maria de l
victoria* nominata, suprà portam ap
pensum, quod ipsemet Anno 1667
vidi. De morbo & morte hujus He
rois etiam multa falsò sunt dicta. pro
pter maculas circa umbilicum repe
tas, quas tamen ex putredine & ver
mibus exortas, inde suspicor, quòd
statim

DISSERTATIO. II

statim in initio morbi excreverit partem lumbrici lati 3 & $\frac{1}{8}$ uln. longi, quam partem chartæ affixam teneo ex donatione Cognati mei, D. Julii Dörren, J.C. & Advocati Brunov. Viri Excellent. D.D^r. Joh. Dörren, in Civitate & Ducatu Brunsvic. Medici olim celeberrimi, filii: post mortem verò altera pars quinque circiter ulnas longa in intestinis reperta, & à D. D^{re} Samuele Satlero servata est. Sed hæc obiter: item unicornu, quod omnia, quæ hæctenus videre licuit, pulchritudine & magnitudine superat; nec non caput capreoli naturâ geminum, in Hercynia sylva repertum: in his enim quasi in Theatro possunt perlustrari tum artificiosa, tum præcipua naturæ miracula, quæ aliàs magnis sumptibus & periculosis peregrinationibus, non nisi in quatuor mundi plagis possent reperiri.

Præterea horum beneficio cum magna *utilitate*, multa obscura, dubia, monstrosa, fabulosa, quæ aliàs aut pro veris, aut fabulis habita sunt,

nobis solvuntur, explicantur & notiora & certiora fiunt.

Ex artificiosis exempli loco nobis est aurum & argentum chemicum. De hac arte quot dubia & controversiæ extiterint, satis notum est, unde à plurimis pro ἀδυνάτους sunt habita, quæ de illa traduntur. Sed dubium hoc a iquo modo solvunt nummi quidam aurei & argentei; Ex illorum genere est *ducatus* quidam *Regiæ Sueciæ Gustavi Adolphi*, Herois incomparabilis, quem allegat *Borrichius* de ortu & progressu Chemiæ pag. 141. it. *Ephemerides Collegii naturæ curios. ann. 1. observat. 17.* cum fig. æri incisa; ex horum verò genere est *Imperialis* Reverendiss. & Sereniss. Principis, D. *Maximilian Henrici*, Electoris Colonienfis. Episcopi Hildesl. & Leod. &c. in cujus una parte cusa sunt insignia, in altera verò Electoris effigies, supra caput verò signa Δ & ☿ qui ambo apud me sunt.

Ad Naturæ verò miracula quod attinet, quis non obstupescat, si aspi-
ciat Naturam artem tam in minera-
libus,

libus, quàm vegetabilibus, ita operantem, ut etiam celebres pictores & sculptores illis cedant.

Mineralia arte naturæ picta & sculpta permultis in locis in Muséis reperiuntur, & multa exempla exhibet *Kircherus* in *Mundo subterraneo*. & nuper editæ *Ephemerides naturæ curiosæ* in quibus *observat. 113* minera ferri exhibetur, cum imagine *B. Virg. Mariæ & filioli IESU*, nec non *patera ex achate*, cui nomen *Christi à natura est inscriptum*; ambo ex *Gazophylacio Inviçtissimi nostri Imperatoris*, quem *DEUS* contra hostium insultus, unà cum *S. Romano Imperio*, per diu conservet!

Vegetabilia verò rariùs occurrunt; attamen exempla cum iconibus habent etiam *Ephemerides*, ubi *observat. 48* describitur rapa, quæ repræsentat foeminam nudam sedentem, manibus & pedibus flexis, *observat. 101* crucifixus è radice *crambes enatus. observat. 116* radix exhibens crucifixum cum duabus parvis imaginibus. His non incongruè addi potest

14 DE AVE DIOMEDEA

potest afferculus politus ex radice juglandis, quo me donavit D. *Joachimus Lüdemann*, civis & mercator apud nos primarius, qui vario naturæ penicillo, non aliter, ac marmor Florentinum, præter cætera eleganter exhibet mulierem togatam.

In regno verò Animali heu quot dubia & fabulosa olim extiterunt! quemadmodum *Unicornua*, quæ passim in Thesauris servantur, tam diu pro terrestribus habita, donec *Olaus Wormius*, magnum Academiæ Hafniensis in Dania decus, ipsum cranium, cum unico cornu, vel rectius, dente, vidit, quod tamen non erat ab animali quadrupede & terrestri, sed aquatili, & quidem à Ceto, septentrionalibus *Narhual* dicto, cujusmodi integrum quoddam Anno 1670 naves Groenlandicæ Hamburgum secum adduxerunt, unde etiam hodie hi dentes vocantur unicornua Groenlandica.

De *Basilisco* multa etiam dicuntur, sed omnes, quos hætenus vidi, fuerunt ex *Rajis parvis* confecti, qualis etiam





Fig. A.



etiam apud me est, aspectu horridus. Ex Kaja etiam fuit ille, quem ante biennium quidam Brunovici & in aliis locis, sui quæstûs causa, pro verò *Basilisco* ex Africa allato, multis supposuit: Ejusmodi etiam impostor hîc apud nos Hildesîæ fuit hoc anno 1672 mense Januario. Fabula etiam est, *Basiliscum* ex ovo galli gallinacei nasci; verum autem est, gallum an-
nosum ovum edere, qualia tria apud me sunt, unum minus, alterum verò magnitudine & figurâ simile illi, quod describit *Thomas Bartholinus*, Casparis filius, celeberrimus Anatomicus, & singulare ornamentum Academ. Hafniensis, centur. 1. Histor. 99. tertium verò est incurvum, & planè simile illi, quod habet *Hafenrefferus* de cutis affectibus pag. m. 414. sub titulo Ovum ex quo Basiliscus excluditur, unde & ego figuram addo, (Fig. A.) Hoc autem ovum anno 1672 in ædibus Ampliss. D. Dr. Herman. *Storren* / Cl. J Cti, fuit repertum, quod fractum solummodo albumine fuerat impletum.

Quis

16 DE AVE DIOMEDEA

Quis etiam *avem Paradisiacam*, quæ antehac *ἄπτε* credita fuit, pedes habere affirmâset, nisi jam in multis locis in Museis prostarer, & ocularis inspectio accederet, qualem etiam vidi *Guelpherbyti* in Muséo Sereniss. Principis ac Dⁿⁱ, Dⁿⁱ *Antonii Ulrici*, Ducis Brunf. & Luneb. Distinguunt quidem nonnulli inter has aves, & alias vocant simpliciter *Aves Paradisiacas*, quas pedes habere dicunt, alias *Regulos*, quas pedibus carere, & locorum habere filamenta duo dorso firmiter annexa, quibus instar pedum sese arboribus annectant, vid *Adam. Olearius in der Böttgerff. Kunst-Cammer*. Distinctio autem hæc mihi probari non potest, illæ enim aves, quæ pedibus instructæ sunt, similiter ut apodes falsò ita creditæ, filamenta habent, quarum avium duas species asservo in Muséo meo, unam satis grandem & maximè alatam cum filamentum uno: (alterum enim filamentum est extractum, & licet pedes non habeat, tamen manifestè apparent vestigia abscissorum pedum).

DISSERTATIO

dum) altera verò parva & ad-
gans est, ut meritò regulis annume-
ri possit, pedes verò ita accuratè ab-
scissæ sunt, ut nulla vestigia appa-
reant; diligentius autem tractata, &
pennis accuratiùs divisis, pars ossis
cruris, inprimis in latere sinistro,
reperitur.

Sed venio ad avem **D I O M E-
D E A M**. De hac, præter multas ve-
terum fabulas, tantus error est, ut alii
putent fuisse similem *Fulicæ*, alii *Cy-
gno*, alii *Ardeæ*, alii *Ciconiæ*.

De nomine etiam non convenit in-
ter Autores; *Servius* Latinis vocari
dicit *Diomedias*, Græcis ἐπωδὶς. Iuba
apud *Plinium* vocat *catarrhactas*.

Catarrhactes autem *Gesnero* avis
est ex genere *Larorum*, seu *Gavia-
rum*; alii *Falconem album* vocant ca-
tarrhactam. *Aldrovandus* Artennam
hodie vocari, & in insula S. Mariæ de
Tremiti tantùm inveniri scribit.

Quoniam autem potissimùm hi
errores nascuntur ex interpretatione
vocis catarrhactæ, lubet hîc inferere
de verbo ad verbum, quæ habet Do-
ctissi-

E AVE DIOMEDEA

ius D. Sam. Bochartus part. 2.

erozoic. lib. 2. cap. 21. pag. 278.

Et (κατὰ ῥ' ἄκτις) inquit, quandoque est Epithetum avium prædatricum, quæ cum impetu in præcípites conjiciunt. Ita Sophocles in Laocoonte aquilam κατὰ ῥ' ἄκτις, & in Phineo Harpyjas κατὰ ῥ' ἄκτας appellaverat. Hesychius, κατὰ ῥ' ἄκτις, ὀχετὸς, ῥ' ἄξ, ἢ αἰτὸς Σοφοκλῆς Λαοκρόνῃ, ἢ τὰς Ἀρτῦας ἐν Φινεΐ. Et in Cassandra Lycophronis κατὰ ῥ' ἄκτις, quod idem est, accipitris est Epithetum. Verba sunt versu 168.

Τὸν δ' αὖ τέταρτον αὐτόμαμον ὄψεται
κίρκις κατὰ ῥ' ἄκτῃρ &.

Quartum porrò consanguineum videbit accipitris catarrhactæris, seu catarrhactis. Diomedæas quoque aves Juba vocat catarrhactas, ut habetur apud Plinium libri decimi capite quadagesimo quarto; quia in Aristotelis Mirabilibus leguntur Græcis parcere, sed venientes barbaros κατὰ ῥ' ἄσσειν.

Tamen ut Hebræis גלח, (salach,) ita Græcis κατὰ ῥ' ἄκτις avis est certa spe-

DISSERTATI

species, cui peculiare est hoc

Suidas, κατὰ ῥάκτις, εἶδος ὄρνι-

λαοσίς: *Catarrhactes*, avis maris

species. *Eustathius* in *Dionysium*,

τὸ ὄρνεον αἰετῶδες κατὰ ῥάκτις καλεῖ-

ται. *Avis* aliqua *aquilini* generis *ca-*

tarrhactes vocatur. *Aristophanes* in

Avibus, ἢ ἐρωδιῶ, ἢ κατὰ ῥάκτις, ἢ

μελαγκορύφῳ. Et *ardeæ*, & *catarrha-*

ctæ, & *melancorypho*. Et ibi *Scholia-*

stæ, κατὰ ῥάκτις εἰσὶ τῶν Καλλιμάχῳ

ἀναγεγραμμένων. *Catarrhactæ* à *Calli-*

macho describuntur. *Aristoteles* *Hi-*

storiæ libri 2. cap. 17. Νῆπτα ἦ, ἢ

χιῶ, ἢ λάρεις, κατὰ ῥάκτις, ἢ ὡτὶς

τὸ σῶμα χονδρῶν ἢ πλατῶν ὅλον ἔχουσι.

Anas autem, & *anser*, & *larus*, & *ca-*

tarrhactes, & *otis* totum stomachum

anaplum & *latum* habent. Et lib. 9.

cap. 12. ὃ ἦ κατὰ ῥάκτις ζῇ μὲν περὶ

θάλατταν. ὅταν ἦ καθ' ἑαυτὸν εἰς τὸ

βαθὺ, μέχρι χρόνον ἐκείλαττοναι, ἢ ὅσον

πλέον διέλθοι πρὸς. ἔστι δ' ἐλάττον ἰε-

ρακτὸ ὄρνεον: *Catarrhactes* qui-

dem circa mare vivit. Cum autem in

profundum se demisit, manet non mi-

nus

A V E D I O M E D E A

poris, quàm quo iugerum qua-
erit. Est autem avis Accipitr
ior. Oppianus in Ixeuticis Accipi-
tri Palumbario *περσέμοιοι* similem
esse scribit. Apud Eustathium vocari
dicitur *Catarrhactes*, *ὡς ἀνωγεν κα-*
ταρράσσων ἐν τῷ θηρᾷ τὰ ὄρεα, tan-
quam supernè irruens, cùm venatur
aves. Perperàm, cùm *Catarrhactes*
non nisi pisces venetur. Præstat igitur
nominis rationem aliunde addi-
scere. Et commodùm se offerunt
Gesneri Excerpta ex Oppiani Ixeuti-
cis, quæ quidem hodie non extant.
Sed illorum Græcam paraphrasin le-
gerat manu exaratam, in qua hæc
maximè ad rem: 1. *Catarrhactes* sco-
pulis & littoribus, & petris, quas *χοι-*
ερίδας vocant, supra aquam eminenti-
bus insidet, &c. Et ubi pisces aliquot
natantes viderit (perspicacissimus
enim est, vel ad fundum usque ma-
ris) altiùs volat, & pennis omnibus con-
tractis, in mare tanquam delapsus, per
medium aëris intervallum quo vis tel-
celerior fertur, & ad ulna spatium im-
mergitur, donec comprehensum piscem

extra--

extraxerit, quem mox evolans palpitantem adhuc devorat. Quæ Gracæ ex M. S. suo sic citat vir Doctissimus Vossius noster in eximio illo in *Melan* ope e paginâ 73. Πρὸς ὕψους ἐαυτὸν αἶψα, ἢ τὰ περὶ πάντων συείλας, εἰς τὸ πόντον οἷα πίπλων οἴσεται, Ἀγρεμῶν τὸ αἶερα παντὸς ἀν' εἰποις βέλους ὀξύτερον, ἢ καταδύεται μέχρ' ὀρέγῃς, ἢ ἢ πλέον, ἐοθ' ὅτε συλαβῶν τὸ ἰχθὺν ἀνασῃ, ἢ ἀνιπλάμῃ ἐπὶ πάλιν τῷ καταδίῃ. 1. Mors catarrhactis gravior, quàm ulli ambiguae vitæ avium contingit. Acies enim oculorum senio confectis obtusa, in causa est, ut in mare se præcipites ferri ad piscium prædam arbitantes, scopulis ac præcipitiis illidantur & pereant. 3. Catarrhactas imaginibus piscium super tabulas pictis capiunt. Nam, dum imperu in illas, seu vivos pisces feruntur, illi pereunt. 4. Mas ova, unde marem procreandum conjicit, foemina unde foeminam, in sublime ferunt, unguibus comprehensa. Inde mittunt in pelagus, atque hoc subinde repetunt per dies aliquot. Hoc

motu

motu concalefactis ovis, pulli excluduntur. 5. Pulli Catarrhactæ, mox ut lucem aspexerint, nullâ in nidis morâ, parentes volatu sequi contendunt. A parentibus autem suscepti in mare demittuntur, & rursus illic extrahuntur; ut sic facilius auxilio parentum in hoc genus exercitii ipsis reddatur. Vides, Lector, quàm merito Hebraicè שלך dicatur, & Græcè καταρπάσας. Cùm modò describatur שלך נפשו ἐαυτὸν καταρπάσων, *se ipsum dejiciens*, aut certo consilio in mare, unde victus illi suppetit, aut per errorem, vel in scopulos, vel in tabulas pictas, unde illi certa perniciēs: modò שלך ביציו או בניו ova sua projiciens, aut pullos suos in mare demittens, ad quod ultimum fortasse τὸ καταρπάσασθαι non ita pertinet, quia id cum impetu non fit: sed Hebræum שלך tam significat *leniter demittere*, quàm *cum impetu projicere*. De projectione in præceptis usurpatur *Jona* 1. vers. 4. ubi *Propheta* hoc verbo usus, queritur, se projectum fuisse in profundum & in cor maris. Et 2. Paral. 25. vers.

vers. 12. ubi legitur de decem *Idumaeorum* millibus יִשְׁלִיכוּ. Et projec-
 erunt eos de petra vertice, & illi omnes
 crepuerunt. Proinde Græci reddunt,
 κατεκρήμνισον αὐτούς & Hieronymus
 precipitaveruntque eos. Sed pro de-
 missione sumitur cùm de *Jeremia*
 scribitur *Jerem.* xxxviii. 6. יִשְׁלִיכוּ
 אותו אל הבור Et jecerunt eum in fo-
 veam, id est, demiserunt. Sequitur
 enim ἐπεξηγήσατο illum demissum ed
 fuisse funibus. Catarrhactes igitur
 et si pullos suos in mare, fortasse etiam
 ova, non tam projiciat, quàm demit-
 tat, tamen etiam eo nomine יִשְׁלֵךְ dici
 potuit. Et hujus historiæ putaverim
 aliquid *Hebræis* suboluisse, cùm tra-
 dunt Auctore *Aben Ezrâ* יִשְׁלֵךְ avem
 esse, quæ soleat יִשְׁלֵךְ יִרְיָו pullos suos
 projicere. Hæc de Græca versione;
 quæ quia vera est, reliquas quoque
 libet ad eam expendere.

Similia ferè habet *Gerard. Ioh. Vos-*
sius, Princeps ille omnium Gramma-
 ticorum in lib. de Origine & progressu
Idolatriæ lib. iii. cap. 82. pag. 1174.
 ubi dicit : Opera interim est cognoscere,
 quid

quid tota de hac recenseat Cæsar Scalliger commentario in Aristot. lib. IX. de histor. Anim. cap. XVI. sect. CLXI. Diomedæas, inquit, aves fabulosas puto; sunt mendacium Græcorum. At aliter est, si Diomedææ sunt aves, quæ hodie dicuntur Artenæ, ut Dalecampio (ad Plin.) annotatum. Sed miror, eum dicere, hæc aves Aristoteli Charadrios vocari. Nusquam enim Aristoteles, quantum meminisse possum, id charadriis tribuit (nempe quæ Plinius habet de hac ave.) Adde quòd Charadrii variis agant terris ac sint, quæ aliter ἰκτεροι vocantur. At Diomedææ, ut Plinius ait, uno in loco totius orbis visuntur, nempe, Insula contra Apuliam oram, ineditis, qui nunc ad manum, Plinii codd (excepto Parmensi) reperio à Juba dici catarrhactas. Nam Aristotel. lib. Audit. mirand. ubi idem refert, eas ait aves, Barbaris in insulam advenientibus αἰωρεμδ' ἔς κατὰ ῥάσσειν αὐτὲς εἰς τὰς κεφαλὰς αὐτῶν. ex alto cum impetu irruere in capita eorum. Facileque assentio Doctissimo

simo D. Salmasio, hoc ipso ex loco à Ju-
ba eis esse catarrhactarum vocabulum
impositum: etsi alioqui sciam, cunctis
avibus præclaricibus id n. minis com-
petere, atque Aristoteli particulatim
catarrhactas dici aves alias accipitre
minores, sequen in mare mergentes, ac
tanto spatio in es m inentes, quanto opus
sit ad jugerum transcendu n; eas verò
Aristotelis catarrhactas ab illis fute
catarrhactis esse diversissimas, aper-
tius est è jam memoratis, quàm ut insi-
stere illi sit opus.

Vocatur autem avis Diomedea à
Diomede Tydei ex Deiphyle filio,
& Ætoliæ Rege, qui ad Trojam mi-
litavit, & multa præclara gessit, Ve-
nerem adjuvantem Æneam percus-
sit; at finito bello, propter adulte-
rium uxoris Ægiales cum Cyllaba-
ro, Stheneti filio, redire in patriam
noluit, sed in Apuliam profectus,
Adriam condidit: ibi Venus irata
locos Diomedis in aves mutavit: vi-
de Homerum l. 2.

De hac fabula sequentia habet A-
ristoteles lib. de mirabil. Auscult. In

M

Dio-

Diomedea insula (inquit) maris Adriatici ferunt templum quoddam & admirandum, & religione sacrum, a vibus in circulum obsideri, magnitudine vastis, rostris & praelongis & turgidis; quae Græcis quidem accedentibus quietem agant; cæterum Barbaris, qui accolunt, venientibus subvulent, ac pedibus rostrisque capita eorum lacerent, inflictisque multis vulneribus interimant. Fabulantur, has quondam ex sociis Diomedis extitisse, circaque eam insulam facto naufragio, Duce amisisse, ab Aenea, gentium illarum Rege, dolonecatum.

Et Augustinus lib. 18 de civit. Dei cap. 16. Nam & Diomedem fecerunt Deum, quem pœnâ divinitus irrogata perhibent ad suos non revertisse, ejusque socios in volucres fuisse conversos non fabuloso poëticoque mendacio, historicâ attestatione confirmant, & Quin etiam templum ejus esse ajunt in insula Diomedea, non longè à monte Gargano, qui est in Apulia; & templum circumvolare, atque incohibere alites, tam mirabili obsequio, rostris

rostrum aquâ impleant, & aspergant:
 & eò si Græci venerint, vel Græcorum
 stirpe progenti, non solum quietas esse,
 verum & adulari: si autem alienige-
 nas viderint, subvolare ad capita, tam-
 que gravibus ictibus, ut etiam peri-
 mant, vulnerare; nam duris & gran-
 dibus rostris satis ad hæc prælia perhi-
 bentur armatæ. Idem Augustinus cap.
 18. de his avibus inter alia sic scribit:
 Diomedæas autem volucres, quando-
 quidem genus earum per successionem
 propaginis durare perhibetur, non mu-
 tatis hominibus factas, sed subractis,
 credo, fuisse suppositas, sicut cerva pro
 Iphigenia, Regis Agamemnonis filia.
 Neque enim Dæmonibus judicio Dei
 permissis, hujusmodi præstigiæ diffi-
 ciles esse potuerunt, sed quia illa Virgo postea
 viva reperta est, suppositam pro illa
 cervam esse, facile cognitum est. Socii
 verò Diomedis, quia nusquam subito
 comparuerunt, & postea in aliis locis appa-
 ruerunt, perdentibus eos ultoribus An-
 gelis malis; in eas aves, quæ pro illis oc-
 cultè ex aliis locis, ubi est hoc genus
 avium, ad ea loca perductæ sunt, ac

- 28 DE AVE DIOMEDEA
repente supposita, creduntur esse conver-
si. Quòd autem Diomedis in templum
aquam rostris afferunt, & aspergunt
& quòd blandiuntur Gracigenis, alie-
nigenas persequuntur; mirandum non
est, fieri Dæmonum instinctu: quorum
interest, persuadere, Deum esse factum
Diomedem, ad decipiendos homines, ut
falsos Deos, cum veri Dei injuria
multos colant, &c.

Bocatius verò lib 9. Genealog. Deor.
Cap. xxii. De Diomede Tydei fili.
pag 229. aliam opinionem habet de
hac metamorphosi, quando ait: se
quid sub f. et onibus lateat, videndum
est. Diomedem Martem vulnerasse
ideo dictum puto, quia forsitan cum He-
ctore pugnans, qui, ob insignem ejus
virtutem militarem, merito Mar-
ticipoterat, illum vulneravit. Sic
Venerem, quia Aneam, Veneris
filium, vulnerasset. Socios autem
aves mutatos dicit Th. odontius, id
fictum, quia pyræ effecti sunt, ad id
loci cursu, remorum suffragio discurre-
tes maria, ut volare viderentur; eosque
Græcis servatis, reliquis nationibus
fuisse infestos.

Ad quod genus verò avium referendum maximè, ut suprà dictum, dissentiunt Autores.

Plinio lib. 10. Nat. histor. cap. 44. est genus è fulicis: Nec Diomedæas (inquit) præteribo aves; Fuba, cataractas vocat, eis esse dentes, oculosque igneo colore, cætero candidas, tradens. Duos semper us duces; alterum ducere agmen, alterum cogere. scrobes excavare rostro, inde crate consternere, & operire terrâ, quæ antè fuerit egesta, in his fætificare. Fores binas omnium scrobibus: Orientem spectare, quibus exeant ad pascua; occasum, quibus redeant. Alvum exoneratas subvolare semper, & contrario flatu. Uno hæc in loco totius orbis visuntur, in insula, quam diximus nobilem Diomedis tumulo atque delubro, contra Apulia oram, fulicarum similes Advenas Barbaris clangore instant, Græcis tantum adulantur, modo discriminè, vultu generi Diomedis hoc tribuentes: ademque eam quotidie pleno guttore madentibus pennis perluunt, atque purificant: unde origo fabule,

Diomedis socios in earum effigiem mutatos.

Item Solino polyhistor. cap. 8. his verbis: *Insula, quæ Apulia oram videt, tumulo ac delubro Diomedis insignis est, & Diomedæ aves sola nutrit. Nam hoc genus alitis, præterquam ibi nusquam gentium est, idque solum posterat memorabile judicari, nisi accederent non omittenda. Forma illis pennis quæ fulicis, color candidus, ignei oculi, ora dentata. Congregatæ volitant, nec sine ratione pergendi. Duces duæ sunt: quæ regunt cursum, altera agmen anteiret, altera insequitur; illa ut ducti certum iter dirigat; hæc, ut instanti urgeat tarditatem. Hæc in meantibus disciplina est. Cum fætificum adeo tempus, rostro scrobes excavant, deinde, surculis inversum superpositis, texti cratium imitantur, & sic contegunt subtercavata. Et, ne operimenta deessint, si fortè lignorum casas venti auferant, hanc struem comprimunt terra quam egeßerant, cum puteos excavarent. Sic nidos moliuntur bifori accessu nec fortuito, adeo, ut ad plagas cæmetem*

metantur exitus, vel ingressus. Aditus, qui dimittit ad pastus, in ortum destinatur; qui excipit revertentes, occasum versùs est, ut lux & morantes excitet, & receptui non denegetur. Levaturæ alvum adversis flatibus subvolant, quibus propluvies longius auferatur. Judicant inter advnas: si Græcus est, propius accedunt, &, quantum intelligi datur, velut civi, blandius adulantur. Si quis erit gentis alterius, involant, & impugnant. Eadem sacram omni die celebrant studio huiusmodi: aquis imbuunt plumas, alisque impendiò madefactis conglutinant rorulentæ; ita eadem excusso humore purificant, tunc peniculis superplaudunt, inde discedunt, quasi peractâ religione. Ob hæc ferunt Diomedis socios aves factos: sanè ante adventum Æoli Ducis nomen Diomedæ non habebant. Inde sic dictæ.

Ovidio & Alberto Magno est Cycno similis: Ovid. xiv. Metamorphos. v. 507. 508. 513. 514.

Magna pedis digitos pars occupat,
oraque cornu

32 DE AVE DIOMEDEA
Indurata rigent, finemque in acumi-
ne ponunt.
Si volucrum quæ sit dubiarum formæ
requiris,
Ut non Cycnorum, sic albis proxi-
ma Cycnis.

Albert. Magn. lib. 23. de animal
in litt. D. Diomedicæ aves sunt, quæ
ad augurium vocavit Rex Diomedes.
Albæ sunt, igneis oculis, quantitas
Cycnorum, ostiis acutis cavant mol-
liora rupium, in quibus nidificant, &
tectâ desuper ex tegulis & pulvere com-
ponunt, ad modum magniciphi. Exi-
tum dirigunt ad orientem, procedunt
& revertuntur ad ostium nidi disposi-
tum ad occidentem, per aliam viam re-
deunt ad casas, sed quando querula
emittunt vocis, significare dicunt au-
gures, aut ipsarum, aut Regis, Patriæ
aut utrorumque excidium. Hæ aves
ut quidam dicunt, Græcis accedentibus
blandiuntur, & omnes alias impugnan-
tiones, ad suos nidos venientes.

Servio, Stephano Grammatico, Isi-
doro, nec non Salmasio, teste Fon-
nio

mo, histor. nat. de avibus, est genus *Ardea*.

Bellonio, *Onocrotalus* five *Pelicanus*, Aldrov. lib. 19. ornithol. *Suida*, *Ciconia*, aut huic similis Schott. phys. curios. pag. 1173.

Item ipse curiosus Schottus existimat, fuisse *Ciconis* aut *Ardeis* similes; quem Virum aliàs lynce perspicaciorum miror, quòd ex sola conjectura hanc avem *Ciconis* aut *Ardeis* similem esse putet, cùm tamen eas nunquam viderit.

Tandem *Aldrovandus* aliquomodo rectiùs, prout ab Ornithologo (ipse enim non vidit) accepit, describit, dum ait: Describit nostram avem *Diomedeam* Ornithologus, prout amicus quidam ejus, qui illis in insulis vixerat, ei retulit. In *Diomedis* insulis, inquit, aves quædam raræ, vulgo *Artennæ* dictæ, nec alibi reperiuntur, ut amicus quidam, qui in illis aliquandiu habitavit, quantum meminisse poterat, nobis per literas significavit. Fatebatur autem, omnium exactè se meminisse. Magnitudine, inquit, sunt, quæ galinæ.

34 DE AVE DIOMEDEA

satis corpulentæ, sed collo & cruribus
 longiusculis; coloreis fuscus, vel cine-
 reus obscurus, & (nisi fallor) non nihil
 albi habent sub ventre, ut columbi syl-
 vestres, quandoque (mea avis tota ferè
 prona candicat,) rostrum prædurum,
 & aduncum, ut aquila ferè: non adeò
 tamen colore egregiè rubrum, si bene
 memini (ego sanè hoc cum non bene me-
 minisse existimo; nam id in mea ave
 luteum est, præter uncum qui nigricat)
 oculi formosi, igneo colore, non admo-
 dum magni. Vidi enim aliquando u-
 nam, quæ virgâ percussâ in capite o-
 culos aperiebat, & clamabat: sed mox
 recludebat, cum lucem solis ferre non
 posset. Et rursus: color earum non sim-
 pliciter albus est, ut Plinius scribit, sed
 ad cinereum vergens, ut in fulicis (laro-
 rum generis) etiam, quibus eas compa-
 rat; dentes an sint, non observavi.
 Rostrum sanè habent validum, & lon-
 giusculum. Hæc ille, quæ exactè ferè
 avi meæ, cuius iconem exhibeo, conve-
 niunt, quæ, nisi rostrum haberet adun-
 cum, non ineptè quis, eam ex larorum
 majorum genere esse judicaret: adeò
 bes-

hos cum toto corpore, tum alis potissimum, refert; pedes ejusdem coloris sunt, cujus rostrum: sicuti tibiæ quoque: hæcenus *Aldrovandus*; ex quo & non nullis suprà citatis Autoribus breviter collegit, quæ *Fonstanius* habet in histor. natural. de avibus pag. m. 128, quæ tamen non carent dubiis.

Unde sepositis de hac ave fabulis & erroribus, dico, quòd non sit *Onocrotalus*, non *Fulica*, non *Ciconia*, non *Cygnus*, nec ex horum genere. Non habet etiam, ut *Fulica*, in fronte notam, quibus idèd fortassis *Plinius* & *Solinus* similem dixerunt. vid. *Aldrov.* in descript. non dentes, ut suprà *Plinius*, & ex eo *Solinus* habet non ungues aduncos vid. *Aldrov.* in victu, color etiam, ut *Plinius* habet, non est albus, sed est avis aquatica palmipes sui generis.

Avis, quæ Musæum meum ornat, colore tota est cinerea, alæ verò aliquantulum obscuriores, venter non nihil ad albedinem tendit, longa spithamarum 11 pa'mæ 1, lata spitha-

36 DE AVE DIOMEDEA
 mar. 11. Oculi orbitæ (oculi enim
 sunt exsiccati) quoad proportionem
 avis parvæ, crura 11 digit longa, lu-
 tea, ut & digiti unguiculis parùm
 uncis præditi, rostrum etiam cum
 unco luteum, & satîs validum, trium
 ferè digitorum longum, corvi aqua-
 tici more, incurvum (talis corvus
 Anno 1666. & 67. in nostro tractu
 Hildesheim. est transfossus, aliàs his
 oris peregrinus, unde in principio à
 paucis cognitus, cujus cranium ad
 me missum est, in quo certè, præter
 ossiculum trium digitorum longum
 ex occipitio natum, quod tenue, la-
 tiusculum ab ortu sensim in acutum
 mucronem gracilescens à *Schwenck-*
feldio observatum, & nulli aliî avi,
 quod sciam, commune, maximè mi-
 raturus sum, narium meatuum angu-
 stiam, est enim avis magna, sed mi-
 nimæ avis nares imò Reguli illos su-
 perant. Hujus cranii effigiem, tum
 propter narium angustiam, tum pro-
 pter similitudinem rostri, quam ali-
 quomodo habet cum *Ave Diome-*
dea, apponendam esse existimavi.)
 Fig. B. Est

Fig. B.






Fig. 1.



Fig. II.







Fig. III.

Nares



Est etiam peculiare quid in utraque mandibula observatu dignum, quod non consent, ut aliarum avium rostra, ex osse continuo, sed duobus; uncus enim alteri osi, non aliter, ac unguis digito, est annexus, inferiori verò mandibulæ triangulare os est adjunctum cum cavitate, quæ excipit linguam: in apice verò foramen conspicuum, quod excipit totum unci acumen; Nares alias, contra avium proprietatem, habet prominentes, amplis odorandi meatibus præditos, colore & duritie corneos, longitudine unius digiti: Quoniam autem melius hæc in figuris apparent, quam possunt describi, tres additæ sunt imagines, quarum prima exhibet totam avem, altera caput & rostrum ad justam magnitudinem, tertia verò pedem itidem justâ magnitudine. Fig. I. II. III.

Licet autem hæc avis aliquot jam annos exsiccata sit, tamen, instar anatium Turcicarum, moschum redolet.

His lubet addere ex *Aldrovando*,
M 7 usum

38 DE AVE DIOMEDEA

usum in cibo & medicina: *Artennæ* caro (inquit) in cibum non venit, propter virus piscium, quod resipiunt. Evadunt autem immodicè pingues, ita, ut vise aliquando sint, quæ præ pinguedine pedibus se sustinere non possent. Ex hoc pingui unguentum fit colore croceum, odore gravissimo, nervorum morbis salubre, convulsioni, arthritidi, ischiadi, omnibusque defluxionibus frigidis, & multis aliis malis, quæ humores frigidi procreârunt. Egregiè enim calefacit, ideoque morbis calidis non solum inutile, sed etiam noxium. Canonicum quendam ejus loci olim quotidie hoc unguento ventriculum sibi inungere solitum ajunt, ut meliùs concoqueret. De plumatis exenteratasque aves in sole suspendunt, & adipem destillantem colligunt.

Ad volatum, morem, nidum, incubatum, vocem, quod attinet, tam diu contenti erimus illis, quæ de iis suprâ citati Autores memorant, donec tandem illius loci incolæ, vel accolæ, toti orbi literato, qui absque dubio hoc avidè expetit, certiora com-

mu-

municent. Cùm & ego similia perire vellem ab amico, qui erat chirurgus celeberrimus, à quo hæc avis rara erat missa, quæ ipsi essent nota, ecce subita mors, quæ ipsum absumserat, spem meam frustrabatur.

Hæc sunt illa, Vir Clarissime, quæ Tecelare nec volui, nec debui, de hac ave perrara collectanea rara; rarior tamen adhuc est ejus vera effigies, quam ex Muséo meo oblecturo, sed tua autoritate claro, addendam esse autumavi.

Dissertatio hæc forsan, Tibi in summa illa occupatione, Viro Curioso, & rerum exoticarum æquo Censori inscripta & dedicata, efficiet, ut posthac complures alii Curiosi Viri diligentius in hanc avem inquirent.

Sed manum de tabula. Religio mihi enim est Te pluribus tenere. Ignoscere interim Te velim dissertationi forsan justo longiori. Epistola enim, disertissimo Romuli nepotum, Tullio teste non erubescit.

Fac va eas, Vir bono publico nate, Academiae & studiosorum juvenum
publi-

40 DE AVE DIOMEDEA, &c.
publiæ utilitati, & splendori nun-
quam satis laudandi Collegii naturæ
Curiosorum, Tuamque illam singu-
larem in me benevolentiam porrò
posthac conlerves. Quod votum
meum ut pondus habeat, Deum O.
M. veneror pro tua tuorumque sa-
lute!

Dabam Hildes. d. XII. Aug.

A. C. **M D C L X X I I.**

I N.

I N D E X

R E R U M

E T

V E R B O R U M.

* Notati sunt Autores allegati.

A.

A Châtes, cui à n'a'ra Christi no-	
men inscriptum.	pag. 13
* Albertus Magnus.	31. 32
* Aldrovandus.	17. 33
* Aristoteles.	25
Antenna.	17. 33
Asserculus ex radice juglandis, cum	
naturali effigie mulieris.	14
Avis Diomedea.	17. 25
Paradisiaca habet pedes.	16
* Augustinus	26
Aurum chemicum.	12

B.

B Asiliscus.	14
* Bartholinus.	15
Bello.	

I N D E X.

<i>Diomedea avis.</i>	37
<i>Capitis & rostri Diomedea avis</i>	
<i>ad justam magnitudinem</i>	ibid
<i>Pedis Diomedea avis ad justam</i>	
<i>magnitudinem.</i>	ibid.
<i>Iken terra.</i>	6
<i>Imp. rialis ex argento-chemico.</i>	12. 13
<i>Christiani Duc. Br. & Lunb.</i>	10
* <i>Fonstomus.</i>	32
* <i>Isidorus.</i>	ibid.

K.

* <i>K Irch. rus.</i>	13
-----------------------	----

L.

L <i>Apis concavus arenam in se conti-</i>	
<i>nens.</i>	6
<i>Lotharii Imperatoris Reichs-apfel.</i>	9
<i>Ludus Helmontii.</i>	6
<i>Lumbricus Christ. Duc. Br. & Luneb.</i>	11

M.

M <i>Arie Virginis & filioli Jesu effi-</i>	
<i>gies in minera ferri.</i>	13
<i>Mulieris effigies in radice juglandis</i>	14
<i>Num-</i>	

I N D E X.

N.

N	Ummus ex argento chemico.	12
	Auro ch. mico.	ibid.
	Christ. Duc. Br. & Luneb. ex	
	argento.	10
	ex Auro.	ibid.
	Vitellii.	7

O.

*	O Learius.	16
	Ova Galli gallinacei.	15
*	Ovidius.	31

P.

P	Hafianus albus.	8
	Versicolor.	ibid.
*	Plinius.	29

R.

R	Adix exhibens crucifixum cum	
	duobus imaginibus.	13
	Rapa naturaliter repræsentans fæmi-	
	nam nudam sedentem.	ibid.

S.

*	S Almasius.	32
*	Schottus.	33
	Schwenck-	











